

封邱縣志

王廣慶題



312
314

民國二十六年丁丑

封邱縣志

潘炳麟題



開封新豫印刷所承印

本志民國二十六年十一月重印

重印封邱縣志序

吾邑壤地褊小絕長補短僅僅不足百里然面河浥洛北爲大梁屏蔽有民人焉有社稷焉有禹貢田賦高下之不等而職方生殖多寡之或殊焉苟無登記奚以垂後此方志之所由來也吾邑志書不知創修何時自明嘉靖而萬歷而清順康續之者屢屢矣然自此以來又二百餘年迄今不脩咎將誰職適值省垣通志館成立來文遞催於是敬約三五同人商議進行惟脩新志必資舊志迺吾封舊志幾經黃水板已化爲烏有現在卷帙存者實罕多方搜羅僅得一部而字跡漫漶不可復識繼於縣北王村王氏家簡得一部字仍缺而

不全賴有謝允府李性軒兩人細心耐勞各執一卷朝夕對校或此有而彼無或甲斷而乙續參互攷訂始窺全豹然猶有夏五郭公之類魯魚亥豕之訛無可稽莫能辨者不得已迺付之闕如以竣後之博學達才如褚少孫束廣微其人者出其有餘補所不足若小雅南陔諸什大學格致兩傳周官考工記一篇使其書亡而不亡缺而不缺此固諸同人所崇拜禱祀以求者也至於原文則如國門懸書難可增減一字不過證其錯誤令可句讀而已安敢僭擬古人哉茲者書已脫藁勢將付梓未印新文先鈐舊編諸同人屬序言於不佞故不揣穉昧書數言於簡端略爲述其緣起云

中華民國二十六年六月十四日邑人黃蔭栴序於封邱縣志館

封邱縣志

序

二

開封新豫印刷所承印

開封府爲纂修誌書以備典要事蒙

河南布政使司信牌順治十五年三月二十八日蒙



欽差巡撫河南兵部尙書兼都察院右副都御史加二級賈 憲牌前事照得各府州縣之有志也其所紀載不越提封四境之中而實能備

國史之所未盡猶大宗之有小宗焉猶江海之支流山嶽之嶮阜焉不可廢也中州夙稱文獻名邦高賢輩出其于典故載籍必所素重昨據該司呈送通省府州縣誌書僅四十六種其餘各屬咸稱兵燹之後蕩然無遺就其中新經纂刻者止汝州永寧數處此外皆係勝國舊編而于近今之事者俱付闕如及今不圖恐世遠言湮老成凋謝後來雖欲從事勢必更難擬合通行急爲修纂爲此牌仰本司官吏文到即便轉行各府州縣凡無誌者速宜網

封邱縣志

卷一

開封新豫印刷所承印

羅舊章博求稗乘敦禮耆英開局哀輯其有舊誌而未載近今之事者或有雖經翻刻而因陋就簡不諳史裁者亦須多方採集更延名碩訂正務使缺略咸輯今昔備載修成先錄清稿呈送本部院披覽諒此不朽之垂人人自有同心也毋得遲違等因到司備行到府蒙此擬合就行爲此帖仰本縣官吏照帖備蒙憲牌內事理卽察該縣無誌者速宜網羅舊章博求稗乘敦禮耆英開局哀輯其有舊誌而未載近今之事者或自雖經翻刻而因陋就簡不諳史裁者亦須多方採集更延名碩訂正務使缺略咸輯今昔備載修成先錄清稿具文徑送

本部院併送本司本府披覽諒此不朽之垂人人自有同心也慎勿遲違速速須至帖者

順治十五年四月

右帖下封邱縣准此

日具

封邱縣志

卷一

二

開封新豫印刷所承印

修志姓名

總裁

巡撫河南兵部尚書兼都察院右副都御史加二級賈漢復膠侯滿洲籍曲次人

巡按河南南監察御史李及秀公愚順天玉田人丁亥

李粹然君煥遼東遼陽人戊子

河南察荒監察御史李森先林枝山東掖縣籍平度人庚辰

提調

布政使司左布政使徐化成文侯昌平籍滿洲人丁亥

右布政使桑芸笈雲山西榆次人庚辰進士

按察使司按察使馬燁曾觀陽浙江平湖人己丑

封邱縣志

卷一

三

開封新豫印刷所承印

分守大梁道左參政王來用行予遼東人

分巡大梁道副使沈荃繹堂江南青蒲人壬辰

分巡睢陳道副使遲日震口口遼東廣寧人貢士

專管通省河道水利兵備副使加一級徐必遠寧安江南江寧人己丑

管通省糧儲道副使兼左參議武攀龍蘭若山西交城人丙戌

提督學政右參議兼僉事朱廷瑞增城江南歙縣人丁亥

管通省清軍屯田驛傳鹽法道兼潁川潼關衛等處防河事務兵備僉事程澐箕山順天大興江西永豐人壬午

督理

開封府知府席式竺來陝西咸寧人己丑進士

錢綸口口直隸元城人拔貢

同 知口口口

趙汝斌 再都山西岳陽人 選貢

張爾翮 先陝西富中人 拔貢

判侯幼鉉 鼎玄北直南皮人 拔貢

推 官于紀龍

較梓

封 邱 縣 知 縣 余 縉 浙江諸暨人壬辰進士

儒 學 教 諭 宗錫印 河南濟源人歲貢

訓 導 陳璧聘 河南光州人歲貢

纂修

封邱縣志

卷一

四

開封新豫印刷所承印

浙 江 溫 處 道 參 議 李嵩陽

廣 西 蒼 梧 道 萬 化

評論

國 子 監 丞 萬 泰

彰 德 府 府 學 教 授 葛孕秀

訂正

甲 午 科 舉 人 柴薦盥

丁 酉 科 舉 人 萬維賢

恩 選 貢 任 性 鐸

采輯

生

員張國範

張瑚

張楓陞

黃恩賜

常拆

封邱縣志序

余閱禹貢周職方嘗作而嘆曰茲志郡邑者之權輿乎田賦高下之異等墳
墟黎赤之異壤九鎮九澤之異名固臚列而載之至于襍蕩箇籛淮蠙江龜
海錯之纖細則類于草木昆蟲之書而多男少女多女少男之紀則又閭井
俚俗者之談古人何若是之瑣瑣也蓋物有切于利器用阜民生辨陰陽而
藩孳息者固不得以其煩雜而略之吾邑古黃池見于春秋盟會地濱黃河
爲大梁北門其物產之豐舟車之輻輳人材冠蓋所挺生而崛起者洵儼然
一都會也舊故有志出前朝邊太僕公手裁峻而整詳而有體頗有劉向班
固風戍戍秋

賈大中承慮中州兵燹後文獻掃地慨然以水涑新安自任檄郡邑修輯舊

封邱縣志序

開封新豫印刷所承印

志加以新裁邑侯余明府諳掌故博稽羣書更延禮諸儒共爲之凡志中所
載田賦徭役戶口食貨謠俗河患人物文章源委本末皆侯所蚤夜擘畫故
浮文華詞屏去不事獨以其雄才大略之所經營者而登之于籍蓋邑自滄
桑後白茅黃葦變沃土爲石田余侯以吳越大儒戴星拮据者凡數載今一
切與民經始城池倉庫學宮縣治民廬次第就條理侯蓋以職力用之于治
以緒餘見之于志故能自爲一書若此舊志自庚辰後闕焉未備侯爲之撫
拾補緝亦猶昔人以考工繼周禮也與余故櫟括其大旨而弁諸首簡使後
之治是邑與隸是邑者得以選覽焉

欽差分守溫處道浙江布政使司右參議前廣東道御史視兩淮鹺務督江南
學政邑人李嵩陽謹序

封邱縣志序

夫圖志之設所以記雅故備考衷彰往古訓來茲也古者列國皆有史官而稗乘亦有紀載是以職方之掌列在周禮而地理之志著於孟堅至後世一郡一邑莫不各有專書豈非文獻攸關使後之人一望瞭然煌煌乎巨典也哉封志自明神宗末迄今歷四十餘年其間兵燹相繼陵谷遞遷雲漢之什比歲興歌陽侯之波八載爲患邱墟視城土豚視市荒殘之狀蓋不至澤葵依井荒葛冒途壇罷虺域階鬪鬻髓如燕城之賦所能殫述者無論建置淪亡舊蹟缺失而芳風懿行半埋沒於荒堙蔓草中不可究詰已失今不修後將何述致使已事無存大典坐廢不亦深足令人浩嘆乎諸賢余公來令吾封封治久燕公僻處窮鄉數椽茅屋怡然自樂蒞封六載政績不著每於勸

封邱縣志序

一一

開封新像印刷所承印

課之餘招集耆老訪求遺事擬手自編纂勒成一書傳之將來永垂不朽會撫軍大中丞賈公敦崇文教下檄郡邑俾各修志以獻公因徵延名碩命領厥事需以歲月細加定評數越月而書始成迺屬余爲序余於是嘆服公之識量蓋深且遠也封邑當抗敵之後民困甫甦汗萊如故補瘡救痍尙恐未遑使非公究心世務博事咨詢而復重以如椽之筆手訂之勞欲以成是書而愉快也不其難哉由是以觀曩代典文犁然具在後世參考詳悉靡遺彰往訓來於茲無愧行將補職方之未備孟堅之志想亦不得孤行於世矣
賜進士出身河南彰德府府學教授邑莫人孕秀謹序

重修封邑志小序

封父葛爾邑也田賦物產不逮隣封懸甚而三面頻河土疏惡善潰堤防歲修繕罔竣工日里巷父老調傳云自古無二十年不衝決者蓋中州諸郡邑與河患相終始唯封被昏墊爲尤烈也歲甲午春王月縉以駑鈍待罪茲邑抵任日值河決未塞城汨巨浸中前尹寄處壑落縉卽其地編蓬植籬漸爲規復計顧舊有邑乘問諸水濱則藏版狗逝波矣諮訪故軼數閱月邑孝廉常子奇始以前志相示讀其文鴻博綜練記載有體要爲邑先賢邊南亭先生手輯然宋元以前多遺略不備明神宗以後迄今

國朝數十年間人物事蹟諸閱歷聞見久未纂補又災患代謝之餘故老凋寂遺書散亡歲月愈深則缺略愈甚給雖悃悞吏日奔走風塵道中無暇瞻當

封邱縣志

小序

三

開封新豫印刷所承印

世作者之堂祈撰述焉私心則蹶如也戊戌春奉

巡撫大司馬中丞賈公憲檄令郡邑各蒐羅故籍博訪英賢務求名公鉅章續入近編以光全志甚盛典也給捧檄卽集僚佐師儒商確延訪次敦請鄉搢紳先生綜理舊聞參以輿論先揭示五衢俾通邑士民凡有所記識皆得適館啟告以資考訂雖老隸故卒有一得之陳者咸直入勿呵止庶幾稽古之餘輔以謀埜矣迺封蕩析歲久宦遊者旣以官爲家皆英數輩亦坐河患故播遷鄰壤雖造廬請謁不憚往復僅得孝廉萬君維賢恩選任君性鐸及諸生張子國範等六七人日偕宗陳兩學博討論修飾與縉互相詢質卜署左數椽開局賓醕饌環坐容膝中講貫刪述者再閱月始有成緒而於中歲月諱字多浮沉良久不可悉辨近賢篇什詞章亦緣期迫不遑廣羅應俟集

腋之成裘始可災梨以問世况吾封蒙

大司馬中丞公曠恩殊德迥異他邑如撤免協濟廩延夫馬重累及供應襄城大兵苦役皆澤被萬室感篤千祀者也奈封民貧瘠吏無城居尙未克勒豐砥志不朽茲事烏容忽諸然則封志雖成猶草創也雖續補舊志猶新篇也將來因人物民俗之盛爲潤色成書計者可不夙秉如椽以竟乃績乎

大清順治十六年歲次己亥四月河南開封府封邱縣知縣東越余縉謹述

封邱縣舊志序

封邑肇自漢然封父黃池三代輿圖有焉悉畿郡也城當五之一面梁帶河越在濕隘土瘠而民羸差繁而賦重然負省郡邊背爲之北屏其間百里天造地設人營物產與夫吏焉生焉遊焉顯而增重焉者道可述也往封志四帙已復彙爲二雖補闕飾陋亡殊舊簡又踏疏舛錯莫辨余一日合邑耆舊及青衿子謀曰我等封人卽寓內罔所聞知獨不能言封事旣封民俾後人迷厥視聽乎奈茲舉主裁視令適邑侯翔溟張公蒞封器識淵竑別釐備至尤垂意憲典覽封志謂於邑弗稱乃移千執幣造余廬而請新之并兒輩之靖屬焉其請於邑諸縉紳猶是也繼而少芳王公復蒞封沈總多治略力討舊典而振飭之伏命兩侯乃相與撥遺蒐隱繩訛去僞標格屬辭較昔略

封邱縣志

序

開封新豫印刷所承印

備斯亦文事之蠱耳昔李吉甫作元和志謂執此可以治天下而江文通則深慨作志之難卽蕞爾邑乘置筆惡容易哉乃大取其類次而詮審之畫壁分州先正經界用首疆場揆方奠居式重坊表故次營鳩若乃國吡民民依土土作貢而綏以文教董以官守口於是乎斧德擿藻郁郁盛焉此序次終始也人盡意而體必歸一事攷詳而用期有補增削因其有無勸懲寓之微詞而義則有所未逮蓋擬經附史之過辨之久矣斯志也歲三臘始成篇侯嘗偕計都下輒出示人輒加褒竄凡方志自畿而省而郡而邑及周禮禹貢史漢百家咸摭而斷焉忘其爲箸面也然傳心興起於斯賴焉敢弗獲儻瞻城圉則動整乂之思撫民財則生軫卹之想覲賢哲則切景行之心嘉藻麗則起博綜之志與夫剖壤建鐸者爛善敗而定法誠令一邑安恬輯睦以無

虧疆場之司則常有望矣嗚呼遷固作史漢續之猶需後人周小史外史掌四方邦國志事不無遺藉茲得無過任乎噫巖城霧列合之始成一統徵往詔來何論一邑與天下及久暫耶篇首增圖置表辨天文於房角之間分地形於兗豫之界兩邑二侯並麗諸境揭直臣於祀列綴斷例於新編析賦役於簡額皆余與邑人士鐫入焉而靖爲操觚從事者也摠之皆兩侯隳括裁成於上斬垂不泐且並捐俸令之鍍梓而復屬余爲序余曩有志焉而不嫻於文謹按其故實而直書若此云

賜進士出身中奉大夫整飭密雲等處兵備提督古北四路山東布政使司右布政使前按察司按察使加太僕寺卿邑人邊有猷撰

封邱縣舊志序

自昔鉅而國細而閭蔑不置史故國言信閭言悖則物地揆教于是鏡而衷焉班氏既以十志易八書別區從類蓋扶輿龐浩之務所斟挹于荃宰而郡邑各具六官朝宗之派金匱合之繡野分之一同踵志所自來矣封父之邑鹵沃相半土中河澹以翼行雀屏北爲蔽猶宋畿也前志遯東撮凡而止巖隆登耗漣焉曾不曙于其故無亦長民者忽焉或邑人士委諸平陰張侯蒞封爬蹴盤盪實百隙禠千釐徵往詔來不欲當吾世而有漏籍乃我浚儀徼天之靈爰得封怙淄川王侯趾嫩一切若舉大木前邪後許蘄奠之礎以無棟撓考文諮獻用終厥緒罔卿邊公季子孝廉若邑之考雋旁蒐博摭古綆今羅苴挂別訛若而篇又若而弱而軌蹟條章煌哉大備固以不厭瞻而無

封邱縣志序

二

開封新豫印刷所承印

軼于體卽務約其違騁裁侯曰子讀而善之敢請弁不佞唯唯蓋環汴而邑皆鄭衛墟也春秋周鼎其紐在鄭蟲牢之盟何休謂之備楚後雖脅齊懾魯猶恃平邱復飾以息楚氛而齊晉前驅魯衛驂乘滕薛夾穀而趨吳子進乎哉君子曰華之辱莫不瀚于黃池按牒考之胥封域也力政以還條典午條宣和彈丸之封奚逃百六蕭丘之火歷陽之浸不嗟蓬艾蟲沙與并盡耶明興沐浴醜化浸漉覃仁兩戎中有豫三川中有封不啻重深累茵壤翁幪童庶其覲已兩侯洒濯頤軀惟不洪潤大飫是懼襲乎鼓之軒乎舞之保后胥戚鮮以不浮于天時世澤綿亘淪肌不朽罔卿含一憲萬輦歸千篋懸車坐里塾子弟入出俾勤學矜行無扞文法善政善教輪輻相持頃持筆椽彰示有永凡所損益步墨依繩悖而信志而實史也封民覩此可無忘佑啟徵明

之賜以不昧於祈嚮而庶幾比屋之封則作志至意也按新唐書表云其事則增于前其文則省于舊文庸事幹惡疇而可二語實瑕封志無是憾矣進而求之其或班陳之間乎時張侯名鯉號翔溟王侯名策號少方前後循政具在別方志成復捐金助之問卿名有猷世所稱南園先生孝廉名之靖蓋便便經笥之裔當自浚而封者也志成僉曰邑言邑郡言郡郡棣邑者也請余拓而言之以誌其概其詳不復贅已

賜進士第中憲大夫奉勅整飭鄜延兵備陝西按察司副使前兵科左給事中侍經筵開封郡人李貴和撰

封邱縣舊志序

封邱志志封邱事也自山川人物之大至制度規畫之周凡可以資政治裨風教者靡不登載酌禹貢職方之例以準今因摠志舊志之略以致詳仰遵一統志法敘事以義表義以文彰別事類立標題加評議綱領提挈條貫分明釐爲四卷爲目凡三十有八其間有釐置之序寓勸懲之法經緯錯綜而端緒具存區別品藻而予奪自見陶鎔變化之機也其事核以實其文約以博其義嚴以正竊取史氏之家法治體斯立風教攸賴可稱一邑志矣封邱當古豫州之地毓中嵩大河之秀有斯實錄以永其傳顧不足爲一方之信史而備觀風之採集也邪是志之作雖不肖忘其燕陋少附一得之愚纂輯則學諭張君堯弼訂讐則司訓熊君棟黎君近光諏訪則庠生邵子絃輩咸

封邱縣志序

五

開封新豫印刷所承印

與力焉義有不可得而泯者因并述以爲序

嘉靖辛丑封邱知縣朱縉書

辛丑秋八月僕領教封邱既視事拜邑侯晴峯先生於庭下先生出一帙以示僕曰此封邱志諸生邵絃輩之所爲者予恐其事之弗核也文之弗工也義之弗精也子其正之吾將擇而取焉又出一帙曰此吾修志要略也子必宗之僕受命惟謹夙夜簡閱核其真僞剪其蕃蕪公其是非事以類別類以文冠篇目多更其舊而斷例悉宗先生之旨間有未備者以鄙意足之越兩月稿上遂命諸梓嗚呼輿地有志王者之制也志貴得人史氏之能也而一時掇拾之見是可以爲志也哉周禮職方氏掌邦國四方之志土地之廣亘古所無而明之一統志卽職方之掌邦志者而淺見薄識欲仰窺其萬一亦

難矣然文有工拙而事無損益其間山川人物土田貢賦則實錄也觀風者按古之所已然而考今之所不盡然者何爲利所當興何爲害所當去則遂因是志之行而百姓陰受其福矣又其居是地者河山不改文獻足徵君子而動其親賢之念小人不忘其樂利之由是又美風俗裨政教之一端也君子其無以下體而廢封非云

嘉靖辛丑儒學署教諭舉人張堯弼書

是編舊惟二卷日久錯訛苦不可辨嘉靖辛丑歲零陵朱公來主茲土慨其脫簡借學諭代州張君招延文士參互考訂越兩月復成二卷遂翻刻以示四方庶幾爲全志暨萬歷甲戌予承命屆此地披閱輿圖以觀文獻見其纂集種種有條未嘗不爲嘉嘆顧駒隙歲更易殆及三十禩其間立功樹猷

際運而興及人品風俗豈皆如昨久無表見任將誰歸於是咨三邑博及一二文生爲續志之竊謂志乃實錄此地負山帶河毓秀鍾靈人物風俗載在舊典已不容喙第恐崛起後時有光前牒如循良徽績保障巨功及科貢節孝與夫營造建置申畫縣境有關政體者不遺巨細悉加登錄俾爲一方信史分綱繫目復成二卷視昔爲備儻觀風者採擇亦可與諸縣史並垂簡篇書完余敘諸首簡亦不自知其爲妄云

萬歷乙亥封邱縣知縣胡以祚書

舊修志姓氏

整飭密雲兵備山東布政加太僕寺卿邊有猷重修

封邱縣知縣張鯉校正

儒學教諭郭衛民

劉守讀

訓導齊椿齡

王視朝

解臺參閱

岳州府通判李日敬

封邱縣志 姓氏

開封新豫印刷所承印

遼州知州張上澤

河曲知縣范鎬訂正

癸卯舉人邊之靖補輯

生員陳邦卿

邢道充

陳延年

李興唐

慈谿孫應元同輯

萬歷四十三年四月望日

舊志姓名

正德十八年修志姓名

封邱縣

知縣朱縉

教諭張堯弼

訓導熊棟

黎近光

邑人

知縣高雲漢

監生孫柱

生員邵絃 劉璐

賈至中 高士

封邱縣志

二

開封新豫印刷所承印

萬歷二年修志姓名

封邱縣

知縣胡以祚

教諭李尙賓

訓導劉訥

趙希廉

生員孫光閏 劉繼芬

修志六則

一封邑舊志文辭典贍體裁峻整未易增損一字今舊文俱錄存於首凡續編者咸加一按字以辨前後

一舊志星野疆里諸條考核詳確無可更議今併圖表皆仍舊貫俾將來修舉廢墜者有師古之益

一舊志記序多前令遷秩稱頌之篇詞甚溢美不敢概存祇錄其紀載實政者永爲龜鑒

一勝國末僚吏師儒多以亂離故姓字鄉貫及遷代歲月皆遺失不可詳考應從闕文以俟補葺

一舊志詩歌詞賦凡於本邑不相關切者概行刪芟以清瀏覽

一舊志各款目俱有總論今新編不敢重複祇就時事之殊於古者另綴數語以備稽考恐引證過多類於泛冒也

封邱縣志目錄

卷首

圖

表

卷一

封域

星野

疆里

沿革

山川

形勢

古蹟

風俗

卷二

建置

封邱縣志

目錄

一

開封新豫印刷所承印

城池

官署

廟祠

寺觀

倉庫

坊樓

閭鎮

堤廠

塚墓

卷三

民土

戶口

里甲

田賦

土產

物貢

徭役

馬政

兵防

祥災

卷四

學校

殿宇

繪音

書籍

祭器

養田

社學

鄉約

卷五

職官

官制

守令

僚屬

師儒

卷六

人物

賢哲

科貢

封贈

恩蔭

例掾

武弁

孝行

義門

貞烈

技術

卷七

藝文

王言

碑記

封邱縣志

目錄

一一

開封新豫印刷所承印

卷八

藝文

傳類

賦類

詩歌

卷九續

記類

詩歌

人物

圖

按周禮辨方正位職方氏掌天下之圖地以劃九州凡山鎮浸澤備載俾觀者一囑較若指掌至班孟堅仰推星列具有州國官宮之象謂其本在地而上應於天蓋天文地理非有二也然言者代異人殊旁稽折衷詎無可據用是因縣舊城圖舊境圖復參禹貢天官等書而增補之益以星野黃河二圖縣治縣學二圖而表附焉封邑上下中外並列錯陳展卷森然可備觀省噫是圖也圖其形也若安攘修抹則存乎其人矣

按修懿萬子曰今封邑尚可圖乎哉封之疆域幾滄海矣土地咸荆榛矣封之道路紀蹄而狼跡封之士民飛鴻而鉞鹿矣宰斯土者方皇皇築塞之不暇皇皇招徠之不暇皇皇啟闢建置之不暇其上念

封邱縣志

圖

一

開封新豫印刷所承印

國計下卹民生者劬勞不盡於萬狀安得一日者繪是圖以上獻之我后乎嗟夫此誠賢者憂時憫俗之言後之披圖而展冊者其亦有感於斯歟

封邱縣圖

封邱縣志

圖

一


開封新豫印刷所承印

壽星角宿之圖


東

北

南



亢宿之圖



封邱縣志

圖


二

開封新豫印刷所承印

大火氏宿之圖

○招搖

東




北

○天乳

○天輻

南

宿之圖



封邱縣志

三

開封新豫印刷所承印

縣境圖



北至北滑縣

東至長垣縣


界三十五里

東至蘭陽縣界四十五里

東南至蘭陽縣界十五里

南至南祥符

界十五里




封邱縣志


圖

五

開封新豫印刷所承印

縣治圖





黑山



大村集

延津縣



鄉官湖

河家鋪

水驛

古潭口



河神廟

荊隆口

中涿城

柳園


于家店
草廠

時和驛

張家灣

姚家店

孫家渡



封邱縣志

圖

八

開封新豫印刷所承印

表

唐虞三代兗州豫州封父侯國

春秋 東周京畿鄭宋陳衛

戰國 魏韓梁

秦 三川郡 東北境

漢 兗州部 陳留郡 封邱 平邱侯國

東漢 兗州部 陳留郡 封邱 平邱

三國魏 兗州部 陳留國 封邱 平邱

晉 兗州部 陳留國 封邱 平邱

南宋 兗州部 陳留郡 封邱

封邱縣志表

後魏 兗州部 陳留郡 封邱

東魏 梁州部 開封府 封邱

北齊 揚州部 陳留郡

後周 汴州部 陳留郡

隋 兗州部 東郡 封邱

唐 河南道 陳留郡 封邱

五代 開封府 封邱

宋 京畿 開封府 封邱

金 南京路 開封府 封邱

元 江北大道 汴梁路 封邱

明

河南布政使司開封府

封邱

大清

河南布政使司開封府


封邱

封邱縣志

表

二

開封新豫印刷所承印



封邱縣志卷一

封域

稽禹貢及地理志所載封原兗豫二州地控鄭衛韓宋間屬陳留郡在上

古爲封父侯國

郡志云夏后氏之世封父爲諸侯因於封建封父亭

漢高帝封翟母乃置封邱縣尋

析置平邱縣迨漢宣帝又封王遷爲平邱侯

太史公諸侯王表曰王遷爲尚書郎侍中立宣帝決疑定

策以安宗廟功侯二千戶秩中二千石至東漢國除仍改爲平邱縣封初原二邑東魏始合爲一春秋曰黃

池曰平邱曰蟲牢曰長邱皆在境內唐師古曰會在豫州外方之北書曰

河濟惟兗州則封爲兗豫二州之地無惑矣壑土四面曠平亡扼塞阻奧

然提封百里周宋皆附京畿密邇會城獨當郡北一面實省會藩屏云

近遭河決城復於隍封父亭翟母墓皆蕩然靡可復考而兗豫之界時切

封邱縣志

卷一

一

開封新豫印刷所承印

震隣爲北門鎖鑰計者修陴浚隍以壯屏翰似亦無容少懈云

星野

攷星垣吾封繫角亢而氏房心掾入焉

天官書曰角亢氏房心東宮蒼龍女耀鉤曰東宮蒼帝其精爲龍

司

馬班氏咸謂封屬兗州兗州角亢壽星之次也角亢下繫於氏若木之有根

氏又爲天根入房五度入心一度蓋天象的歷盤搏猶野土吞吐糾棼弗可

執一論也壽星一也費氏以爲起軫七度陳氏以爲起軫十二度則遼絕遠

矣惟唐僧一行本於李淳風之說爲是天文志曰角亢壽星也初軫十度餘

八十七杪十四少中角八度終氏二度自原武管城濱河濟之南東至陳留

封邱又申光許息江黃諸國皆豫州之分屬大火氏初氏二度餘千四百一

十九杪太中房二度終尾六度又曰初氏一度外末尾三度然涉壽星當洛

邑衆山之東與亳土相接爲亢分又南涉淮氣連鶉尾成周之東陽爲角分
角亢於分在鄭於辰在辰房心於分在宋於辰在卯在干戊己中州河濟一
曰戊魏己韓在支卯鄭已衛

蓋自昔言天道者往往互異高辛之前重黎唐虞羲和迨三代而昆吾巫咸
遞衍其說周則有保章氏司天以辨星土察妖祥十二列侯七國繼踵並言
二十八舍十二州斗秉之事然言者凌雜米鹽國異窟穴家占物怪唯唐臯
甘石數家略爲近理蓋天人之際精相濫而類相推一人可以參三才一邑
積而成天下而內史以百里之墟上合星垣爲疑何也間嘗稽輿地圖并諸
星家及先輩劉伯溫清類天文口口口之自漢興封屬兗州迄今矣先是蓋
屬韓地爲角亢氏之分野趙魏韓魏斯趙韓度實三分晉地鄭之分野與韓同分

封邱縣志

卷一

開封新豫印刷所承印

故又曰鄭分氏東南接少昊之墟西接陳鄭盡古宋葛商亳之地故又曰宋
分衛成公十餘世爲韓衛所侵得其旁邑據爲己有而封與焉故又以封與

長垣共屬衛分蓋星列有常而輿圖代變又奚惑於諸說之紛紛也史記曰

宮衛殷中州河濟之間左角李右角將大角者天王帝廷其兩旁各有三星
晉足句之曰攝提攝提者直斗杓所指以建時節故曰攝提格亢爲疏廟主
疾其南門其內天庭黃道所經七曜所行南爲太陽道北爲太陰道蓋天之
三門其星明大則天下平賢人在位不然反是索隱曰元命苞云亢爲廟廷
宋均以爲疏外也廟朝也聽政之所也其占明大則輔臣忠天下甯不然反
是氏爲露寢亦聽政之所居占天文則臣下奉度房心之間有客星出及疎
折皆地動之祥也漢天文志曰天文在圖籍昭昭可知者經星常宿中外官
凡百一十八名積數七百八十三星其伏見蚤晚邪正存亡虛實闕隱及五
星所行合散犯守陵歷闢食日月薄食暈適背穴抱珥蜚蜺迅雷風妖怪雲
子變氣皆陰陽之精動於此則見於彼猶景之象形響之應聲也

疆里

封域舊隸陳留或京畿或兗州東郡今附開封皆省會近地也距大河之北去省城僅五十里界古酸棗匡輔夾處其中南直汴梁廣八十里袤六十里然與列境碁牙交錯東西境盡可百里南北七十里故封南郊地便接祥符而祥符地夸河南寧者亦間有封邱其相爲枕藉如此黃河徙倚不常二縣土田遞南遞北冲淤無縣境東止平邱南止神馬西止史固北止居廂

東抵蘭陽縣界四十五里至縣九十里路通杞縣南抵祥符縣界三十里至縣五十里路通尉氏縣西抵延津縣界三十五里至縣四十里路通陽武縣北抵滑縣界三十里至縣一百二十里路通濬縣

東南至陳留縣一百一十里路通太康縣西南至中牟縣一百二十里路通新鄭縣東北至長垣縣六十里路通開州西北至胙城縣八十里路通衛輝

封邱縣志

卷一

二

開封新豫印刷所承印

府北至順天府陸路一千五百一十里水路二千八百里至江寧府陸路一千二百四十里水路二千一百里漢地理志曰黃帝方制萬里畫野分州得百里之國萬區禹置九州周建千八百國先王體國經野先正疆域使各有分土無相侵各有分治無相諉也且使人各附於其地以寓內視封固不翅滄海浮甌矣然古聖賢發跡或於一成一旅者有之疆境險易遠邇腴奧天造地設也若夫在闕不宥絕跡千里上應衡鼎接祗千秋則人之爲也匪茲土所能囿也故曰域民不以封疆之界在守土者齊輯而光大之耳

按封雖五達之衢而南距河北聯

畿輔境治不滿百里所暨及者七邑土宇疆界之際類多阡陌混淆兼之河患不常民俗易去其鄉每徭役稍繁則相繼逃逸如棄萃梗撫字而噢咻之

誠不得不深卹厥隱也

沿革

古夏后氏之世封爲封父侯國

封父國後莫知所終

七國入於魏至秦郡縣天下以其

地置延鄉隸三川郡至漢初封翟母始置封邱縣尋析置平邱縣

翟母嘗食漢高蓋仁

母也封邑得名以是邑人可知

漢宣時封光祿大夫王遷爲平邱侯食邑於此後坐受諸侯

王金錢財國除仍改爲平邱縣東漢仍舊三國屬魏晉省平邱入封邱南宋後魏因之東魏省封邱入酸棗尋復置北齊省隋復置唐五代宋金皆因舊元屬汴梁路至洪武元年兵下河南縣尹撒銀不花遁去民遂歸附隸河南省屬開封府舊邑各封阜

昔先王體國經野每覘其人民聚散州境廣狹土田磽确而廢置之前代肇

封邱縣志

卷一

四

開封新豫印局所承印

域既遠地名又數改易舊志載未悉茲復采獲舊聞考迹紀載自周下及漢唐宋綴統分屬彙爲沿革入帙噫嘻封近大河歷代漂沒浸灌者屢矣於大梁南北天塹兵爭搶攘之日又不知幾經培育幾經摧殘也語曰滄海桑田桑田滄海俯仰今昔於斯不能無感云

按封自明代迄今名號疆土俱無改易而崇禎庚辰以後寇亂兵興饑饉疾疫之患封民幾無孑遺賴

皇清鼎定生聚稍有起色乃七年九年河患相繼災難異常城池村落悉爲邱墟士民乞活他鄉者世傳歲久雖加意招徠而復業尙寡蓋亦從古變革之異觀也議者欲以封治仍省入別邑或欲以旁邑之地大不治者割幅員以益封二者未審孰是唯俟

黃河在縣南三十里河南北岸相去十里水色赤水土相半故名黃河源發

星宿海有泉百餘泓方可七八十里望如列星不可信視羣流奔騰匯為二

巨澤號赤賓河由西鄙東注至大雪山乃岷崙山也始名黃河由岷崙南復

折而北經關提塔刺赤兒之地東北行至積石始入中國書云禹導河積石

至於龍門底柱龍門在蒲津縣南及盟津即孟津東過洛汭洛汭水北過泲水

至於大陸澤水在信都又播為九河同為逆河入於海九河即兗州東河蔡沈氏曰此北條之大

河也歷代河所歸入或于江或于淮或于海亦無定處其北岸山則王屋恆山碣石也在唐虞夏商時

繞封以北厥後自盟津溢為滌水或曰滌水即霍濟也洪武初河決原武經開封北封

邱南入淮即今河是北道遂絕後又徙開封南朱仙鎮及宏治二年乃復徙封邱

縣南吞沁河溢流為二一自于家店經蘭陽歸德至徐邳入於淮一自荆隆

封邱縣志

卷一

六

開封新豫印局所承印

口黃陵岡東經曹濮入張秋運河自古迄今其滔騰遷變若此而譚者輒曰

覓故道孰為故道也按伊洛瀝澗至鞏悉入於河河出圖洛出書蓋靈氣所

浮瀾陰陽祕洩之藪也晉成公綏賦云覽百川之弘壯兮莫尚美於黃河蓋

言河冠百川為中原巨浸也然合岷崙以南千流萬派歸於一河至汴北勢

益洶湧湍悍而孟津以下諸水皆入於河且土性疏薄岸善崩衝決潰泐石

翹足而待前代至今蓋屢潰屢塞焉漢文帝十三年河決酸棗東潰金堤命東郡大興卒塞之元武帝至大二年秋

七月河決封邱趨東北有復鉅野梁山之意時河南道廉訪司言河當預為疏墾防護待河決民以被害然後修治勞而無功永樂九年三月命侍郎張

信築濬魚王口中樂城黃河舊岸二十餘里因先是河水累歲決為患至是乃發河南民丁十萬浚治民皆給米鈔及蠲戶內是年租稅宏治二年河決

下家店又決荆隆口副使張鼎疏通一支尤甚直潰黃陵岡東經曹濮決張秋夏六月大雨河水驟溢而荆隆口一尤甚直潰黃陵岡東經曹濮決張秋

運河復命右都御史劉大夏等塞治之大夏等以爲黃陵岡在張秋上而荆隆口又黃陵岡潰決之源不可不先殺其水勢遂濬孫家渡四府營贛魯

舊河分其支流乃悉用河南民兵夫匠以方而官分統之築臺捲埽晝夜凡五閱月竹木柴車芻麻之費以千百萬計乃塞河溢口獲成功焉萬曆十五年年秋月河決荆隆口河水丈餘夜半突至聲如巨雷直泊城下封全城幾沒水三至凡三閱月乃堰河決口壞民田廬官舍幾盡

按河自明崇禎四年五年復連決荆隆口直趨張秋至六年始堵塞時封城尙無恙至

國朝順治七年決朱源寨封土全淪城不浸者三版邑令宋翔殫力捍禦衆倚以定及九年復決大王廟口封邑全城衝潰水勢由長垣趨東昌諸邑毀安平堤北入海大爲漕渠梗

總河部院楊 偕

河南巡撫都御史亢 親駐決口起直隸大名山東東兗諸郡丁夫併河南夫役共萬餘治之旋築旋決者數載至十二年冬始竣工而封之官民廬舍

封邱縣志

卷一

七

開封新豫印刷所承印

蕩然無遺矣蓋兩河土性大率疏薄善潰而封爲甚又河勢高於平地者數仞隆冬水落則隄岸猶足防維夏秋水漲則數十里不辨涯涘一蟻之穴可以稽天勢使然也况屢決後南流益淤塞而高北流益卑窪而險河以湍悍之性乘建瓴而下欲以丸泥束薪立塞波臣之怒古人所云止啼掩口良無異也大王廟口工成固由

國朝福德深長百靈効順各執事忠勤勞瘁拮据綢繆所致然向使丁家寨引河不穿先從上游分其勢而徒以萬衆邪許於下流恐糜財曠日更有不可知之患也然則治河良法終以疏導爲上策而築堤捲埽其下此者耳

先臣邱濬曾曰河爲中原大患自古治之未有能得上策者也漢唐以來馮遂賈讓諸人言治河者多隨時致宜之策而非百年經久之計乃議築長垣

堤以遏泛溢開淤塞以通東隘遷村落以避冲突給退灘以償所失沿河邑

民稍稍蘇息

按歷來治河之方成敗相懸歷歷可考如昔淇園東郡平原呂梁七堞等處其成功最速為利亦最遠又如昭代黃陵閘塞河

諸臣并心畢力成功遠邁於往代其視塞飽子河躬勞萬乘羣臣負薪真河功用久而後成者大相懸矣第修築凌塞必早預為之計一至決溢浸城郭壞廬舍流死捕廳捍禦防治全城實攸賴之矣今設北河捕廳捍禦防治全城實攸賴之

大抵黃河利一而害百水沃而勢險河渠書曰鄭國說秦鑿涇水東注洛用

填闕之水溉田澤鹵之地皆為沃野乃河東守番係作渠田數歲河移徙不

利田者不能償種溝洫志曰孔光何武言河水多抵齊多穿漕渠使民得以

溉田涇鹵下濕填淤加肥張戎則更謂河水高於平地猶築垣居水歲增隄

防猶尚決流不可以開渠敗壞城郭田廬百姓怨恨河至汴南北有冲決之

害而無灌溉之利惟南達江淮利轉輸西通鞏維利取炭石之饒

封邱縣志

卷一

八

開封新豫印刷所承印

沁河源出山西沁源縣經武陟新鄉陽武流入封邱于家店北繞本縣南三

里穿桃陂河東注宏治二年沁河溢封被浸後六年黃河決于家店趨封邱

吞沁河岸流潰沒水去遂淤後上流徑經武陟木欒店南流入黃河

今高家莊前舊

河渠深可五六尺闊百尺潦雨數日流水自西南來繞郭外濼迴轉東北去至春日晴明朝旦有雲氣蔽蒸網縹地上里人呼為王氣云水經曰

沁水出上黨涅縣沁即泊水也魏野王中郎將表云沁水源出銅堤山屈曲

周迴水道九百里自王屋以東衆谷合流夾岸累石郡志云沁源出綿山今

悉識之以備參考

按順治甲午年秋大雨連月沁河水溢由陽武復入封邱境平地深丈餘滄

民田禾幾盡次歲懷郡增堤遏之水始全落然村落間潭壑積水澄澈汪洋

有踰年乃涸者

翟溝在縣南八里南接黃河支流引濟東入故道還帶洄瀉澄澈可愛今淤
又一名濮渠地理志註曰東郡濮渠水首受沛東北至都關入羊里水過郡
三行六百三十里說文曰濮水出東郡濮陽孟康曰春秋傳敗狄於長邱今
翟溝是按今有河渠漫漶自西來正當縣城中脇迤郭外北注繞東北與西
南之水合流向東北去以翟母墓視之渠溝徑直當其前或疑縣中爲昔翟
溝所經流處

按翟溝填淤已久今郭外皆乾壑無一勺之觀可慨也夫

金龍口在縣西南二十里河水自龍門砥柱而下至此最爲險隘歷代是口
累決因築堤數重以禦之沁翟二河及漕濮張秋淤決皆是所泛溢也一日
荆隆口宏治六年河溢捲荆埽以塞之豐隆而起故云蓋河壞要害南北使

者乘傳所必涉之區也且至是渡河必祭牲饌供具封令遙齎金移戟往應
之弗及則以是獲罪奔走供奉之苦他邑所未有也

按荆隆口近日離河稍遠然地勢窪下每伏秋水發則一堤之外皆爲巨浸
雖時率夫役修墊而下多朽埽水眼遇暴雨則塌陷最多此將來衝決之隱
憂不可不思患豫防者也至河口久遷祥邑乘傳者不復假道於是矣

古潭口一名九家潭又曰汪家潭在西南二十里于家店北大可七八畝潭
水恆不竭人相傳其下有泉每黃河水盛長間堤數里通徹泉下潭水湧出

漢熊罷氏引洛水至南顏下往往掘井井下相通竹水曰井渠又曰龍首渠理或有之北台西來之水流至封邱亦一

邑浸澤也然大雨旬日流水輒至滄害民禾議者濬一小河束水入渠令之
東注又議修築董家舊堤以禦之而民力不能舉

按古潭口久涸其歲月前志未詳意亦輯志後河患填淤故也大抵濱河坑塹類有泉眼每河水暴漲則泉亦湧出其氣脈相灌輸也然左決則右淤故陂池復爲林麓此無庸築鑿以累民耳

黑龍潭在邑東北三十五里深廣皆數丈餘舊傳有黑龍潛焉故名

按黑龍潭亦久淤龍潛之說或亦好事者神明其事歟

磨臍潭在邑東北四十里灣上周圍圓而下中高如磨臍然

按磨臍潭近亦淤塞

自舜封山濬川以爲鎮澤其蜿蜒浩渺均足以儲清淑之氣鬱勃爲文人封居平原境內無崇峯峻嶠水則迅猛洄瀉洋灑溼濕出人多坦夷而任俠徑直而細齊地氣使然也維嶽降神生甫及申河洛孕秀周家數聖人所淵源

封邱縣志

卷一

十

開封新豫印刷所承印

之藪也夫一邱一壑皆足以鍾靈矧封瞻嵩帶河支流錯峙嶼衛其間所藉於山川靈秀匪淺嗟嗟人以地靈地以人重士挺生於其間者將以斯爲重耶抑將有所重於斯耶

按封前際大川而右枕太行每烟雨則河氣網縕白光如練綠疇秀野極目芊綿至曉峯霽雪秋嵐夕雲則西山爽氣正復不減蓋亦山川佳麗之氣萃聚而成都會者也其人磊落而英多其俗淳素以溫和誠扶輿清淑所鍾乎近雖屢逢災患士大夫暨庶族多遷寄外邑而科目鼎盛人文蔚起孝友秀碩之儔輝耀閭左未嘗以困厄稍渝其節觀風者西望翠微南瞻淼渺其亦有會於斯歟

形勢

封邱黑山亘其北黃河經其南左引東昏之墟右阨博浪之阜近附郡城接境畿甸堤阜繚繞水陸洊及巖城深池重堤山河迤邐亦梁北之咽喉也村多樓居堆高丈餘者若布西北黑陽山水及諸潭口水合流浩淼瀦於東北廟岡坡有廟中央水聚則四面皆水島落渚懸捍波流如砥柱焉東連鄒魯西通河洛南接汴梁北仰嵩嶽又北依胙城沙邱爲擁護南河濼抱藩邱塔峯遙浮水面亦中原天地間氣所萃也宋周邦彥曰日月所會陰陽之中拱衛環雒周封鄭地晉人謂秦自西而啟壤齊據東而畫疆蓋輿圖四塞封處其中焉惟市城中高北直鹵瀉氣少弗聚議者欲增修狽缺更於東南起一文昌閣或塔則形勢完固一邑始能興起匪徒以侈觀望已也

按宋都汴卽以封邱名其北門封蓋爲都城藩封附汴梁四面於平砥無山險區奧乃往歲辛未至壬午羣兇嘯聚蹂躪邑境者屢矣終解去莫能逞豈非捍禦外侮雖以形勢爲險而得人心以爲固險尤足恃哉易曰地險山川邱陵也又曰有孚攣如富以其隣蓋地利不如人和民信之矣險夷形勢非所論也

按封雖平原夷坦非形勝之區而南阻河西峙太行東北聯界山左畿輔伏莽乘墉之輩恆患豨突明季長垣賊袁姓者率衆萬餘犯封鋒銳甚防弁督鄉兵數千人戰於縣東三里莊敗績賊乘勝圍城城幾陷邑令蘇茂杓以巨礮擊郤之賊遂焚南關遁去時崇禎十三年九月也方賊衆烏合而至屠膾之慘甚於正德辛未時首謀躡封封破則併掠旁邑因席捲渡河從闖寇入關幸封城池完固吏民堅守賊再攻不利遂毀柵而遁識者以謂河

北郡邑獲全由封力挫其銳也然則封雖無崇巖浚壑而設險以守實亦河朔要害之區耳今河決後城湮濠淤器具蕩然而鳴吠之恐時切震隣當事者可不亟議修繕以重藩屏資防禦哉蓋邑雖褊小爲省會之肩背控制津梁彈壓隣境有不可不豫謀於先事者耳

古蹟

黃河在縣南神馬里

周穆王傳天子東遊於黃澤歌曰黃之池其馬噴沙黃之澤其馬噴玉黃池昔爲周東京畿穆王嘗遊其地

春秋哀公十四年公會晉侯及吳子于黃池

杜預曰黃池在戶牖西

邑舊志云吳王夫

差會諸侯於此

郡志謂古有黃池亭史記孔子使子貢救魯說吳伐齊吳因以兵臨晉晉大敗之越乘虛入吳滅之

按神馬里卽今大王廟決口處也黃池故蹟不可復識而堤北當決口處積水潭汪洋數十頃深十餘丈微風撼之則波濤怒作澎湃之聲聞數里外現

封邱縣志

卷一

十一

開封新豫印刷所承印

設管河道行館統標兵防禦

蟲牢在封邱縣北春秋成公五年公會晉侯齊侯宋公衛侯鄭伯曹伯邾子

杞伯同盟于蟲牢

春秋傳註曰蟲牢鄭地陳留封邱北

平邱在縣東四十里黃陵社今平邱集是也春秋昭公十三年公會劉子晉侯齊侯宋公衛侯鄭伯曹伯莒子邾子滕子薛伯杞伯小邾子于平邱八月甲戌又同盟於平邱風俗傳曰平邱衛靈公邑邑名封阜西漢爲平邱縣後封光祿大夫王遷爲平邱侯食邑於是東漢仍改爲平邱縣郡志云此地舊

有臨濟亭平邱城

按一統志河南通志皆謂平邱在陳留西北八九十里漢書亦云封邱當陳留西北平邱集至陳留止可八九十里又

歷代沿革表又云晉省平邱入封邱平邱屬吾封疆域明矣或以爲屬長垣則無所考或以其民人今有其三之一與

按平邱集近屬祥符而稱封邑亦有仍舉平邱者蓋併省之後疆宇割裂名

號混淆類此甚繁而先賢必云平邱屬吾封疆域者意二邑畛界毗連其土地人民恆多兩屬故也

封父亭在縣治坊西北夏后氏之世封父爲諸侯建亭於此以爲公餘適情之所封父亭在縣治西

按亭雖久墟而封之命名取義實始於是今署西有隙地應構祠數楹仍作亭其上歲時禋祀以奉父如杞祀東樓虞祀胡公者或亦溯源始封之義乎劉光店在縣東三十里漢光武北征王郎駐蹕於此先是軍中苦蚊帝至蚊盡去人謂其地至今無蚊患云南北爲淄泮通衢舊亦屬邑大鎮今被盜繫累人民多逃竄復業者少

按劉光集以光武駐蹕取義亦猶高祖嘗於楚而受餐翟母也當時燕蓂亭豈粥滹沱河麥飯君臣艱難逆旅寧知有蚊蚋之爲患乎封人特神明其事

封邱縣志

卷一

十二

開封新豫印刷所承印

以志帝北征時曾提戈躍馬取道於是卒成東京之業雖託宿委巷殊非偶然耳今集遭河患屋邑零落殆盡近始稍稍編葺而茂草長葦人跡罕到淄青故道藜塞久矣

中灤城在縣西南三十五里元末達魯花赤黃漢臣築居河淤地肥今變爲鹽沙不堪耕種居民

落

按元通會通河湮塞京師米價踴貴命轉運使歲漕江南米數十萬由淮入汴至中灤城陸運赴淇門仍以舟載送京師此中灤城所由建也後以勞費不費用朱清策從海運至直沽而中灤城遂廢明季數遭河決居民逃徙幾盡村落坵墟

明太祖命徐達常遇春等率甲士二十五萬北取中原兵下河南發汴梁自

中灤城渡河取衛輝等郡軍宿城中夜聞雨聲起視之月白風清澄空如晝
劍樂相應則有聲五行攻勝則有聲將兵助順則羽豐應
之人心警備則未雨有陰雨之警北定中原渡兵始此

按書稱於爍王師驅風雷助鉦鼓挽天河洗甲兵此其兆徵也中山開平二
王北定中原師若時雨所至兵不血刃蓋濟河之夕百神告之矣

周太祖營在縣西北一里五代郭威主征伐自鄴郡將大軍趨汴至封邱屯

兵於此

時王命慕容彥超將兵拒戰敗還威遂入汴會契丹入壇威復將大
軍出擊之至封之北抵澶州將士忽大躁裂黃旌以披威體擁威南

行威乃卽
皇帝位

按封五代時恆在河南故周太祖師次封郊漢隱帝遣彥超拒之漢兵潰遂
長驅入汴既又因將士擁戴自立而還當是時曾未有禦諸河者蓋自唐末
河決北徙封恆在河以南故周太祖黃袍被於前宋太祖黃袍加於後皆鼓

封邱縣志

卷一

十四

開封新豫印刷所承印

行還趣都門遂卽位云

青陵臺在縣東北青陵社宋康王欲奪其舍人韓馮妻息氏築青陵臺以望
之息氏作詩自誓已志不從已而康王竟致其妻於臺上舍人馮自殺馮妻

息氏投臺下死人至今哀之

李崆峒詩曰兩山當中開路出青陵臺北山雖
張羅南山鳥不來我在南山自有匹吾頸可斷

志不易外咏吊
甚多見後藝文

按青陵社今爲至小村落臺塚故墟皆不可考或春秋時宋康王曾建國於
是乎然則封亦宋域也息氏鴛鴦塚故事膾炙千古而金石銷沉孤芳歇絕
弔古者慨然太息謂息氏貞烈奇蹤不可不建祠饗祀云

崔臺在縣治保和坊崔頤正崔偃佺兄弟讀書講習之所

保和坊在
縣治前

按崔氏棣萼相輝並膺主眷故鄉人志其讀書臺以記盛而今保和坊故址

不可復識矣

八角井在縣東二十里潘店世傳宋樞密使潘仁美之里有井八角不方不圓旁又有九井云

按今潘店尚有樞密故祠九井雖湮而八角者尚在蓋仁美為宋藝祖勳舊名將與石守信曹彬等皆賜第京師茲或其發祥之故里耳考潘氏後裔在本邑尚繁無能為樞密崇修祀典者噫何凌夷式微若是耶

封邑舊志以境內山川古蹟彙為八景然不出前編所載中矣復類而志之於左以存舊云一日中灤夜雨兵起視之月白風清天空如畫一日磨潭

秋月以其周圍俱平而中獨高故曰磨潭一日青陵古樹宋康王築青陵臺望韓馮妻息氏竟執於臺上馮死妻息氏亦投臺下死葬於里中有連王夫差理木交枝生於其塚又嘗有鴛鴦烏蝴蝶飛樓樹上一日黃池芳草

封邱縣志

卷一

十五

開封新豫印刷所承印

會諸侯於黃池一統志屬川蓋亦水澤之數也其地多膏腴草木翳茂一日封父舊亭夏后氏之世封父為諸

北以爲公餘適情之所今一日翟母遺塚漢高帝厄於楚設甚母嘗饋食及雖不存在昔爲一邑勝概

焉因置封邱縣歲時致祭一日淳于曉鍾每夜將旦淳于岡上隱隱有鍾聲焉舊有翟母祠在縣城中

且不爽一日翟溝晴波西接黃河支流引瀆東此八景也舊傳爲一方勝景

邑人豔爲美譚夫勝地必大有關係茲邑乃可歷千百世而無湮滅且史載

往蹟所以備法戒志興亡也不然即東山之慢遊蘭亭之禊飲曾不足當吊

古者之一盼執是遂可誇勝於一邑耶君子提衡曠古保界河山感是不能

無動念焉

按封土平衍夷曠雖無奇峯怪壑之觀而清揚恢廓亦宇內勝際也先賢點

綴八景以志舊蹟而今皆湮沒不可復覩愚謂封邑名勝正不係八景之存

亡後之君子苟有興懷往古賦章以見志者荒城烟雨寒墜草木無在非大塊文章也若夫役民力以修臺榭輟公務而事遊田益迂且拙矣

風俗

漢代班固謂其民守先王遺教君子深思小人儉陋習俗質朴精急高氣多晉公族子孫報仇過直又云嫁娶送死奢靡漢興號爲難治盜賊爲他州劇唐劉禹錫曰魏俗剛強其氣習豪宋地理志曰重禮教勤耕維俗尊年齒學尙經術邑附近畿養交都邑賂結權要有司難釐以法河南通志云梁魏之墟人多俊髦好儒雅雜以遊豫有魏公子之風難動以非易感以義季札聞鄭之歌曰美哉其細已甚民弗堪也物產半饒習俗喜醮祭用巫史至今人淳實巧不取愚強不凌弱好稼穡惡浮食開封府志云士興禮讓民知務本

嫁娶以時喪葬循禮多椎魯又云士以節義自重而羞干謁民以敦睦爲良而恥告訐大率地居土中物受正氣其人性而才慧近魯而少文平原修野故其人坦易洪濤巨河故其人浩溥

宋紫陽氏崇尚風俗深有取於人知善之可慕而必爲人知不善之可羞而必去又曰紀綱頹於上則風俗敝於下紀綱風俗必以仁義禮智信爲本五方風氣應五行五常配五倫封附中土人多信實又隸東郡得天地生氣且以仁母肇域卽今溫良勁直崇讓博物敦倫守信者固不乏人而且不習爲軟美之態依阿之言傾陷之習如宋儒所鄙云人謂是邑有古風信矣然而風會漸漓敦崇嫺睦未免少遜於古胥掾結盟羣朋膠固邇來士氣少振矜行力學崇尚師友漸剖文明隆興可待矣昔伯玉恥獨爲君子江都下帷三

載不規園吾儕當共勉勵以挽澆俗至於國奢則示之以儉國儉則示之以禮移風易俗在上之人先之於身而已書曰道有升降政由俗革故先王觀民風以驗吏治封之民儉耶奢耶誠如酌豐儉而制其宜於以返樸還醇文飾固陋封民同爲三代之民可也

按封雖阻河距會城僅六十里故風俗好尚與汴略同而敦樸趨義獨跨河朔與旁邑迥殊雖數逢災患或徙亡出鄉而風氣淳雅如故士雖貧落唯以耕讀爲生計鮮寡廉鮮恥辱人賤行之事男女耕鋤有禮蜡臘嫁娶儉而不奢敬長卹幼尊節孝重衣冠通有無閭井晏如無浮薄好事之患服徭輸賦多徇義亟公間亦歌舞祀神無妨耕織性或任俠勇悍易於爲非然馴謹亡嚚訟異獄吏以文法教訓諭告輒相率勉勵罔強梗扞法焉孔子曰里仁爲

美

傳曰瘠土民義其封俗之謂歟

封邱縣志卷二

建置

粵自易勒鼎建春秋紀城城書立廟綱目書宮室則建置誠重矣然而建置非聖人得已也為民社計也中原四戰無防禦之阻唯是崇墉堙谷足代山川之險乃體險守國則在司牧於是有官廳廬舍嚴隔上下頒布政教以至庶民捍患則重祀典表閭旌賢則先建豎卽細而庠庠邱隴靡非民命存亡一邑興廢所攸繫者用皆列之建置然而或存或廢缺圯固尚多也概存之者何漸修復也勞民靡費君子惜之誠有利於民社則庀材鳴工聖人所不廢也故曰使民以時以佚道使民雖勞不怨今修廢舉墜經畫伊始次第增所未備且盱衡俟之矣

城池

封城西漢時建元至正間淪於水洪武元年再建成化二年知縣王輔重修立五門宏治二年復圯於河十三年知縣袁仕增修正德六年知縣張守增修更立門數東曰通濟南曰鎮河西曰拱北曰連衡東北曰朝闕城圍五里七十步高二丈七尺廣一丈四尺池深九尺闊一丈三尺隆慶六年知縣李呈明將舊城用磚石包修頗稱完固高三丈廣一丈九尺萬歷三年知縣胡以祚挑濬護城河五門各置吊橋可為一方保障三十六年知縣趙浩重修萬歷四十年知縣張鯉重建城東北門樓并門外橋四十三年知縣王策重修東門外橋

詩曰築城伊洺作豐伊匹故有國者必先立城郭溝池以為固所以藩衛斯民捍禦外侮也國初城止高八尺迄今漸增崇峻若此設險以守誠易易矣

然往歲流賊犯境三至不能入者猶然舊土城耳又匪直城郭溝池之是恃者抑別有所以爲固者耶噫封爲梁蔽昔寇恂馳溫以救洛今鳳山全封以捍梁儻于有事之日預以恩信結固民心於先而需此堅城捍掖於後寧直一邑賴之耶

按封城自順治九年河決毀於水初四門樓櫓雉堞猶有存者近傾圮日甚磚甃剝落殆盡卽土壘亦漸欹斜矣夫封雖彈丸邑而北接天雄東界青堯名城兀然爲中土北屏繫斯築斯似亦非迂闊不經者但封民蕩析之餘哀鴻甫集增陴浚隍不費之費有非旦夕能辦者經營區畫是在當事者另爲綢繆耳

官署

封邱縣志

卷二

二

開封新豫印刷所承印

縣治在城內正中善政街洪武元年縣丞秦世傑建宏治八年知縣袁仕嘉

靖五年知縣龔治隆慶六年知縣李呈明相繼增修 正堂 三楹扁曰鳴琴堂 萬歷

三十三年知縣陰象坤重修 儀門 三楹內有勅諭坊 譙樓 三楹即大門 後堂 三楹

扁曰委蛇堂 戒石亭 勸諭爾俸爾祿民膏民脂下旌善亭 三楹縣右凡民間孝子順孫義夫節婦則

揭其行實於 萬歷二年知縣胡以祚重建三十三年知縣陰象坤重修 申

明亭 三楹縣左凡民有作姦犯科則書其名罪於亭以寅賓館 三楹儀門外示懲警者老里長在此會斷民間戶婚爭鬪之事

堂 萬歷二年知縣胡以祚創建三十三年知縣陰象坤重修 角門 東西各一 鸞

駕庫 官物庫 架閣庫 吏房 馬科 承發司 東書房 縣宅東周園池水由木橋

至通 獄司 倉房 萬歷四十年知縣張鯉重修 大戶房 萬歷四十年知縣張

鯉重修 知縣宅 縣堂後 縣丞宅 縣正宅西 主簿宅 縣正宅東 典史宅 縣正宅東

按封署自九年河決悉毀時知縣宋翔聞堤潰攜家登城樓避水水初至聲如轟雷官民廬舍頃刻圻裂樓亦隨毀遂乘筏渡去寄署於西南三十里之于家店今知縣余縉於順治十四年冬復建縣署凡正堂儀門後堂內宅主樓庫樓架閣兩廊等房舍皆以次第落成所未備者唯譙樓及旌善等亭耳是役也從洪流席捲之餘又值河工困弊之後經營鳩庀百倍艱難有不可與尋常興建同日語者後之臨是署者其亦無忘慘澹之力云縣丞主簿宅皆塌毀未建獨典史宅先完係今典史張學捐資自造

察院在縣治東南洪武初縣丞秦世傑建嘉靖五年知縣龔治隆慶六年知縣李呈明萬歷三十四年知縣劉民裕相繼重修荆隆口察院萬歷四十年知縣張鯉重修

封邱縣志

卷二

三

開封新豫印刷所承印

順治九年河決衝毀今議重修

布政司在縣治西南

一名府館今河捕廳同知住節

洪武初縣丞秦世傑建嘉靖五年知縣

龔治李呈明萬歷三十六年知縣趙浩相繼重修

順治九年河決衝毀今議重建

按察司在縣治西南

舊在普照寺址基

宏治二年知縣張天衢遷於西南隅

順治九年河決衝毀今議重建

官廳四一在荆隆口一在翟家口二在于家店萬歷二年知縣胡以祚建萬

歷三十九年知縣張鯉重建

按官廳止荆隆口尙存三楹而餘悉毀廢莫考矣

巡檢司在中灤城洪武三年建今革

中灤城近荆隆口乘傳至此嘗遇盜巡檢司宜設

新莊驛在縣

東南二十五里洪武二十三年建正統十三年革新莊驛半屬封邱中灤驛在

縣西南二十五里永樂十年建正統十二年革今渡口官廳俱移荆隆口馳傳如昔封邱協濟而驛則廢

稅課司在縣治左宏治十七年革

陰陽學在縣治右洪武十七年建萬歷三年知縣胡以祚重修四十年知縣

張鯉重建

醫學在縣治右洪治十七年建萬歷三年知縣胡以祚重修四十年知縣張

鯉重建

惠民局在縣治南 僧會司 道會司 演武場在縣南門三里隆慶四年

知縣朱希顏建

養濟院在朝闕門內隆慶五年知縣李呈明重修

急遞舖八總舖在縣治前東南曰竹村曰新莊西南曰辛口曰于家店西北曰留村曰應舉曰史固以上俱於順治九年

河決衝毀今議重建

朝廷張官置吏以為民也然居必有常所行必設邸次則官署胡可緩也稽夏

后氏五室堂三股人重屋四阿周因差其制以為州牧宮室之制下及廬閭

皆有攸處乃綱目書宮室而不錄間架者何哉若曰建官署者正以奠民居

也是一邑標表所攸繫也且召伯以南國寄愛胡潛以東璧遺思有令人睹

署舍而歌仰者所係豈微哉昔馬光祖典郡興建最廣而終不沒良牧之名

蓋節靡裁侈興所當務而已若秦人無廬則其永鑿也

野史氏曰與臺僚隸各有寧居而後可以集事矧出宰百里者乎封署素稱

軒爽前令屢輯之故事逸而工速今河患之餘官民廬舍蕩然無遺公私物

力又處極困非但買材鳩工煩長吏之早作夜思卽區區公旬力役之征有至艱難罔措者蓋樽節愛養爰致子來披荆剪棘以肇營室其勞逸實相倍蓰也

廟祠

城隍廟五楹在縣東街南向城內居中洪武五年縣丞張宗海建宏治十一年

知縣袁仕令邑人劉鐸重建萬歷十一年知縣郝國章重修方亭一座扁曰真司靈應大門二門各三

楹二門上建樓東西廊各七楹後寢室三楹東通錫印宮順治九年河決廟全毀知縣余縉重建後殿五

楹邑人周維昇等續建樂樓三楹餘寢室廊廡次第修舉

關王廟二一在縣西街北南向永樂九年鄉人賀繼等建萬歷十一年知縣

張澣增修二十六年貢士邊之藩等重修大門二門及前廈各三楹二門上建樓順治九年河

封邱縣志

卷二

五

開封新豫印刷所承印

決灌城廟全毀現議重修一在神馬村北二堤

總河尙書楊

巡撫都御史亢 捐資新建與大王廟決口南北相對蓋二公所建以祈

永奠隄防者也

玉皇廟三楹在縣東郭外西向邑人李尙志等建萬歷三十七年邑人知縣范

鎬等重修大門及前廈各三楹南有三清廟順治九年河決全毀

元帝廟三楹舊名大虛觀在縣北關南向邑人孫承先等重建大門一座三楹東西廊各五楹順治

九年河決全毀

東嶽廟三楹在縣東關街北南向永樂八年邑人劉俊等建萬歷三十五年邑

人劉志忠等重修大門一座三楹上建樓順治九年河決全毀

河濱祠在縣西南二十里荆隆口宏治九年副使張鼎建每歲致祭設祭田八十九畝今春秋致祭田廢廟後古槐二章夏月陰翳蔽日規制頗宏敞有張副使

治河碑記

火神廟三楹在朝闕門內街北南向萬歷二年縣丞董世宦重建萬歷三十七

年庠生孫繩武等重修大門一座三楹上建樓河決全毀今議重建

土地祠三楹在東街北城隍廟右萬歷三十九年邑人姬可久等建門樓一座河決

悉毀今議重建

龍王廟三楹在縣南門外萬歷三十年同知錢景醇建門樓一座

西大千廟二一在縣西南二十里中灤鎮至元十四年鎮民劉忠等建後河決廟毀

封邱縣志

卷二

六

開封新豫印刷所承印

一在神馬村大殿三楹畫棟雕甍金碧巍煥中門繚以周垣山門設鐘鼓俱極壯麗河道方大猷建廟西卽順治九年決口處也旁右廟祝房二所東卽管河道公館祠額曰功奠元圭戶部尙書戴明說書

三官廟三楹在西關東向萬歷二十四年知縣王三極重修貢士邊之藩監河修門樓一座河

決全毀

晉王祠三楹在縣西南小斗門舊名屯固村鄉人所建以祀晉王李克用也

唐末朱溫據汴河北羣盜縱橫民被俘掠最慘王以晉陽兵屯留茲土邑境獨全故民德之今廟雖近頽鄉人春秋賽祀歌舞不輟蓋由王功德深厚亦徵封民之感澤奕世弗衰云

二郎廟在西街南洪武二十五年邑人閻秦建門樓一座今廢

福神廟三楹在縣治儀門外西萬歷三十三年知縣陰象坤重修門樓一座河決毀
今重建

獄神廟在縣獄內萬歷四十年知縣張鯉重修四十二年知縣王策重修
河決毀今議重建

陳平廟在縣西北吳村永樂二十年村人劉順等建今廢

百里刺史祠三楹在縣東五里廟岡至大十年建成化八年知縣計璠置祭田

二十畝田今廢

今祠圯已久議重建以崇先賢尙未果也

馬神廟在縣東萬歷四十二年知縣王策建三楹門樓一座廟今廢議重建

翟母祠在城內縣治西遺址前有井井今尙存邑人傳謂淘井可得兩嘉靖

封邱縣志

卷二

七

開封新豫印刷所承印

二十年歲大旱知縣朱縉懇禱淘井果大雨滂沛邑人徐圖等建祠以祀之
今圯

按祠前井數經河患未堙似亦有神異者今議作亭其上以表賢母故里

三清廟在縣東北門外舊為三教廟慈谿孫應元在封講學啓今廢

社稷壇在縣西門外磚砌

風雲雷雨山川壇在縣南門外磚砌知縣龔治重修

八蜡祠在縣南門外嘉靖五年知縣龔治建

邑厲壇在縣北門外或疑漏澤園即其地云

以上諸祠俱係順治九年河決衝毀今議重建

張公生祠在荊隆口爲按察司管河道副使張鼎建

張公生祠在儒學南爲知縣張守建

龔公生祠在西門外爲知縣龔治建

詹公生祠在東門外爲知縣詹頤吉建

陰公生祠在縣治西爲知縣陰象坤建

張公生祠在西門外南向邑人爲知縣張鯉建

高公生祠在縣治西南向邑人爲知縣高有建

語云改定神祇上儀也欽修百祀成秩也故周有甕幕鞮屨氏以司祀事蓋神爲山川民社之主庇國捍患全邑實陰賴之弗可諉也左氏曰以死勤事則祀之以勞定國則祀之苟其前世有功德於民則亦惡容湮沒而不載在祀典乎且務民義而敬鬼神其道一而已矣有爲民爲國之思者自不得忽

禋薦爲具文也

按以上諸祠亦先賢衣冠俎豆之遺而今悉毀廢矣夫召棠因樹而思人峴墅存碑而墮淚餘愛在人几筵忽替嗣此者能無喟焉嘆興乎

寺觀

普照寺

在縣東南隅正德二年知縣熊鎮重建

崇興寺

在縣東北三十里

雲峯寺

在縣東十五里

永寧寺

在縣

寶峯寺

在縣東北十五里

陡山寺

在縣西南五十里

龍泉寺

在縣西北二十里

石佛寺

在縣東十五里

應舉寺

在縣西二十里

大道寺

在縣西北三十里

南宮寺

在縣西北二十里

薦福寺

在縣東二十里

三臺寺

在縣西北三十里

報恩寺

在縣西南三十里

觀音寺

在縣西南二十里

崇福寺

在縣

釋迦院

在縣東北三十里

洪量寺

在縣西南五十里

觀音堂

有二一在縣西南

白衣觀

在縣東門外

音堂

有二一在縣西門外

泰山行宮

在縣北門外

錫印宮

在東街北城隍廟東

綱目凡國邑立廟非其族類晦菴氏必譏之戒淫祠也若曰徒爲是靡費民財瀆神而不可爲也然廟祀已具而必議毀滅以謝希逸則非善學狄梁公者矣天地道大釋以清淨老以靜虛吾儒以靜專動直兼之自聖人視之二氏皆我一得可藉以勸善而勵俗者但愚民舍民彝而動欲邀福於神是之無取於崇壇建祀云耳

按以上諸寺院皆頽廢有僅存其故址者然邑無名山邃壑非崇修宗教之地盛衰消息任其自然可已

倉庫

官庫即常平倉在縣治寅賓館前萬歷四十年知縣張鯉重建 順治九年河決毀今議重建

封邱縣志

卷二

九

開封新豫印刷所承印

預備倉

舊止存谷五百石萬歷四十年知縣張鯉積補谷二千石

在縣西南隅洪武十七年建隆慶五年

知縣李呈明重修萬歷三十九年知縣張鯉增修添置廩房一座牌房一座

萬歷三十五年添設倉吏一名舊審縣民大戶一名磨斗級賠累不堪萬歷三十八年知縣張鯉申請裁革斗級另召募人充應

順治九年

河決毀今議重建

義倉有三一在北後街街北宏治八年知縣袁仕創建一在荆隆口一在留光集

按此卽朱子社倉法也有在城有在鄉欲民受賑者各從所便耳今倉廢而法亦久隳有心濟世者可不亟圖修舉乎

庫樓二座在縣堂東西

今東有庫樓西止庫房

隆慶五年知縣李呈明創建 順治九

年河決毀十四年知縣余縉重建

昔賈生有言曰蓄積者民之大命也王制國無九年之蓄謂之不足况蓄積不及闕歲何恃而無恐往富鄭公爲吏置救荒之策至今膾炙人口大要不過捐賑平糴二事而已然欲備賑施待荒歉活民於數十年之後非預爲積貯不可封都鄙郊野積金可充歲幾積粟可充歲幾設有歲時旱潦計將安出耶有國大計誠惟是彊本節用是務儻更議積備之方則有棗祗屯田積粟及古常平之法在口口口口口口可採而行之以益廩粟否

按常平儲粟之法近亦講求者屢矣然通都大邑所積無幾而鼠雀耗之至於出陳納新以備朽蠹法非不善而奉行不得其人往往厲民過於青苗儲質是又不可不防其流漸也封民貧瘠在豐亨大有之年先賢尙憂無卒歲之計矧今河患之餘家鮮蓋藏萬一年穀不登公私交匱其害有不可言者

封邱縣志

卷一

十

開封新豫印刷所承印

語云備於豫而後可以應猝有識者宜亟爲之計耳

坊樓

崇節愛坊在縣治前

萬曆三十三年知縣陰象坤修

萬古文明坊在儒學前

萬曆三十二年知縣陰象坤修

威靈感應坊在城隍廟前

萬曆三十八年知縣趙浩修

以上諸坊俱河決衝毀俟重立

東街

監察御史

爲監察御史李振綱立

上林春色

爲上林苑監丞劉瓚立

戶部尙書

爲戶部尙書黃紱立知縣張鯉重建

大都憲

爲左都御史黃紱立

世科

爲舉人高亮高進立

光裕

爲知州賈宣立

文英

爲舉人劉衍立

南街

世科爲舉人劉瓚 壬辰進士爲兵備副使陳組立 貞節爲生員彭儀妻吳氏

西街

棘寺霜威爲大理寺評事劉繼德立 恩褒三代爲誥贈山東參政邊鴻邊實山東 甲戌進

士爲甲戌科進士邊有猷立 亞元爲經魁陳組立

北街

納言爲左通政劉繼德立 重光爲舉人方顯方正立 紹芳爲監察御史方德懋立 綉衣爲監察御史方德懋立 鳴鳳爲舉人吳立

世科爲舉人韓立 飛騰爲舉人韓立 孝行坊爲孝子陳瑛立 以上諸坊俱河決毀訖

蓋自周有鄉大夫之職考其國中賢者能者則賓禮之獻書於王勒名天府而又表於鄉閭以寵異之此坊樓所自始也至孝友貞烈勁節芳名炳耀一時的歷千載亦當與甲第共揚以風勵來世者以是搜列並載以俟後人飭

封邱縣志

卷二

十一

開封新豫印刷所承印

葺用識先德不朽爾

按坊樓自明季萬歷以後鄉先達多未建立蓋時方多事帑藏日匱表閭旌宅之典漸從裁節故也迄

國朝鼎興士之奮附風雲者多銘功太常志續鍾簴而建坊之役尙多未逮亦以大難初夷賢人君子猶謙讓不遑耳乃封土不造新坊未立而舊坊已委逝波邱墟板蕩之餘致先輩寵榮茂烈無所復覩可慨也夫

閭鎮

啟明鄉 里仁鄉 南薰鄉 宏道鄉 恆德鄉 長庚鄉 通元鄉 精

義鄉共八鄉 黃陵社 板堂社 賈色社 李雄社 北侯社 馬村社 潘

固社 東吳村社 陳道社 治安社 盤邱社 淳于社 西吳村社

沙壘社 付固社 史固社 保和社 天鵝社 時文社 辛口社 留

儀社 東斗社 西斗社 東姜社 神馬社 南邢社 共二十社 中灤城

于家店 荆隆口 平邱城 楊村 王村 李村 孫村 留村 應舉

韓村 桑村 居廂 龐村 胡村 張郭村 閻村 曹村 竹村

蔡村 毛村 耿村 大張村 七城村 廟岡村 高家莊 孟家莊

黃家寨 趙采 柳橫 柳固 馬臺 皮固 瓦窰 潘店 中宮店

劉固 桃陂店 新安集 黃村營 水驛 陸門 大村 祁村 永頭

村 馮村 劉光集 辛興集 丈八村 黎林莊 李家莊 以上村落據舊志所存及

目耳所觀記者載之餘未及載

古有修閭氏掌輿地凡比閭族黨罔不登載覽者可以周知境地廣狹人民

封邱縣志

卷二

十二

開封新豫印刷所承印

萃渙厥土肥磽民土誠重矣然林釋之論州郡於人所聚多處則無取焉豈非窮巷蓬華反多畸人所發跡往往寄輿幽遐林棲野處有不可泯滅而無聞者耶故書鄉鎮者冀與人俱顯也若夫日中之市貿遷有無出入相友使百姓親睦則教固行於其中矣

按封之鄉鎮村落自崇禎庚辰後歷歲奇荒兵燹丁壯轉徙老稚溝瘠房舍焚毀殆盡入

本朝稍有起色而七年九年連歲河決乳乳子遺復竄逃外壤爲人力田及河工告竣而室廬蕩然無復故園景象矣當此荏葦荆棘中刺草植穀數椽弗蔽風雨故家大族或仳離不能自全通邑至繁村墮居民不滿百家凋殘零落於斯極矣有生聚教養之責者當若何噢咻之哉

堤廠

護城堤周圍十一里頂闊一丈高如之宏治八年知縣袁仕創築

先是河決

封邱當事者議遷封邱於蔣村鎮不果正德十三年知縣張憲復堞垣牆於

上高八尺厚三尺嘉靖二年知縣龔治於西北堤口各置望樓一座以備兵

患且可瞭望云

近日河流高於平地堤岸一決勢如建瓴傾瀉直至夜則不

入也若復治望樓非就堤萬歷三年知縣胡以祚重修築樹柵欄大門七座

縣扁其上東曰永綏南曰永保西曰永鎮北曰永賴永靖東北曰永豐堤圍

牆下栽樹萬株後堤外皆砌石橋規制宏廠名曰護城堤實與重城無異矣

萬歷四十八年知縣宋學道見堤勢日損河流益高深憂之力請於上發銀

募夫加築高一丈八尺闊一丈五尺既而崇禎四五年荆隆口連歲潰決封

封邱縣志

卷二

十二

開封新豫印刷所承印

城恃以無恙人咸服其先見至順治七年河決朱源寨直衝封城時黃流圍

繞淤土漸與堤平兼浸漬日久堤內積水日深里巷往來皆以舟筏至九年

大王廟口復決水遂越堤灌城而築垣居水中之喻於茲大驗矣今城外淤

土高丈許舊堤祇存顛脊議者云修城必先修堤蓋堤可以禦暴水而既築

之後尤不可不歲加修葺以防漫溢也不然則河流高於城堞而荆隆神馬

中灤于家店一帶距邑不過數十里其堤防善潰自古為患封何恃而無恐

哉

長堤

一云大堤

在城南十三里高可三丈頂闊一丈五尺起荆隆口迤邐東南直

抵徐州宏治六年都御史劉大夏平江伯陳銳副使張鼐所築

河溢于家店又溢荆隆口

累歲漂沒東決運道上遺劉大夏荆隆口之東西各二百餘里黃陵岡之東

等塞治河口復築長城以禦河患

西各三百餘里又以金龍口黃陵岡二處河口屢塞屢決築堤三重以禦之

按當日塞河築堤悉用河南民兵草束薪蒸以千百萬計部方面官以下皆分統治之乃獲成功塞河堤口至今沿堤設堡夫防守

按長堤一名小長堤自朱源寨決後河道方大猷復剏築大堤於小長堤之南東起祥符之陳橋西訖封之荆隆口計三十里高闊倍於故堤蓋北岸迤邐窪下苟避河北徙則地勢愈卑河憑高潰下無可復禦故不得不漸南以拒之然而東之益隘捍之益怒將來潰溢之患更可寒心耳

董家堤在城西二十里高五尺闊亦如之歷來有此堤障禦黑洋山水黑洋山在

陽武縣境內又澤潦之水西來并順堤北注入沁衛二河萬歷三十年堤口冲決

數十丈至今未塞每霖雨旬日則黑洋山水合古潭口水輒流入封邱是西來水

環抱城郭北西亦浸澤也但封無水田東西淪沒八九十里有害禾稼今因城邑近地被浸議築塞舊堤復於堤西略濬舊渠合仍北注水歸故道又綱

封邱縣志 卷一

開封新豫印刷所承印

目及一統志僉云自開封付東至千乘海口千餘里歷代築堤以禦河患通謂之金堤漢孝文時河決酸棗東潰金堤即北堤也長垣延津志俱載金堤人考實次記不敢以所疑遽入

按董家堤係祥符境而前志載之者以其邊禦西水有裨封疆也今堤毀已盡勢難更築近議又欲修太行堤以備河不知太行堤與金堤總屬一堤歷代修築各隨其宜今使

國有餘財民有餘力於臨河大堤加工修築務令高大數倍足資防禦是即金堤太行堤也亦何事訪求故址奪民田園廬墓舍切近之保障而從事迂遠廢便利之工作而更滋勞費乎至封土平行無川澤陂池之利每夏潦秋霖蓄洩靡地多至泛溢傷苗稼則修溝洫之制以營水利似亦無容緩也草廠在于家店宏治九年建設每歲辦買梢草積置廠中以備河患捲掃支

用舊設廠夫四名收支審邑中富民充之賠累傾家者十常八九舊日廠中

如山支用弗盡數年霖雨浸漬多至沓爛舊例悉令廠夫包賠每遇萬歷四

十一年議革去廠夫另召募人應充歲給工食又議添設廠大使一員監管

以防侵弊此法民甚稱便宜決行之萬歷三十年同知劉源因河患急緊暫

中備用後遂爲例然河患有無難料而稍草用與不用亦不可知時值荒歲

價必增倍且如往年載送朱旺口三百餘里賠苦不堪似此稍草量宜稍減

如河水驟盛用急暫可借用別廠稍草迫其用急亦以是廠所積與之此權

宜濟變之計不至委積無用且免沓爛包賠在典守者防其出入之弊而已

至修堤銀兩多寡原無定數

歲料河工請發斷不可減也

按草廠近以河勢東引歷歲修防俱在神馬一帶草廠圃廠因亦移設其草

束恆用河夫採辦凡出入官爲收支民不受累頗稱良法唯是舊設廠書一

名廠夫四名司登記守望之役

十五

開封新豫印刷所承印

封邱縣志 卷二 鼎革後工食裁免始用堡夫代爲看守此輩皆濱河貧民家無斗筲頗以此妨其農業甚苦患之牧斯邑者俟封土漸闢賦額如故仍應力請設立廠役以蘇苦累

今夫載堤廠者志河防也河自周漢再徙礫屢潰金堤唐宋恆遷郡以避之其最易決者無如開封南北岸蓋黃河上經龍門砥柱山險夾流下至呂梁二洪有東北諸山防捍惟至開封封邱等處衆河畢會勢甚洶湧而土性又薄疏易潰故防禦爲甚艱耳大率築堤宜審地形高下水勢利病委廣虛實預爲築塞則堅而可恃若待河水瀑漲霖雨不止浮壤淖漬雖丁壯數千無可措手至捲埽之弊更難枚舉舊日廠役利用稍草欲盡名曰下埽實則委芻實河無裨實用近查革此弊巡行覈實更議捲埽一法以備後患云

埽

法用竹絡長二三丈高一丈實以小石雜以薪芻踏實推捲成埽量水淺深制埽小大腰索及管心索或徑寸或三寸許縱橫網束掛於鉄錙大槩之上用丁夫數百漸推岸下河流通湧惟石埽則不可沖去非竹則亦不能攔石漢河堤使者王延世元時漕運使賈魯捲埽築堤多用此法卒獲成功無石則易以磚無竹則易以木權宜制變在人善用之耳此外猶有壘埽臺縛方舟安大椿繫龍尾諸法難以備載且治河者已廣籌而預圖之底厥成功庶永無後患云

按近日塞決法不復用竹絡磚石大約以柳梢數千束外裹以芟纜蔴草役夫千人而上始克推挽大王廟口之役有捲埽高至三丈餘長至二十餘丈者每埽估議物料約費千金既推岸下往往以水勢浩悍絕維而去亦有釘大椿數道仍浮出與波俱逝者蓋埽大而河勢攻之愈力雖貫以繩索三面繫之猶拉枯朽罔成績也後賴挑濬引河水勢分殺始克堵塞近議捲埽仍以一丈爲度不特事省力易卽間有衝失亦不至過費金錢誠良策也至於柳梢一項每至河工亟需價輒騰踴而採運收支之弊有不能盡述者留心河務之人可不曲思所以變通乎

塚墓

翟母墓在縣內保和街今縣治西舊墓北有祠漢高帝厄楚時餒甚母嘗饋食及帝帝業成母已逝乃封其墓置封邱縣縣之得名以此

按翟母墓近在城坊而故址湮滅不可復問意當時漢高封識坵隴間應有華表碑碣之屬而世遠莫考今唯有里門古井相傳爲姬家舊跡耳

百里嵩墓在縣東五里廟岡村漢徐州刺史邑人百里嵩葬此嵩所至甘霖輒降邑人立

廟祀之廟卽在墓前

按百里刺史歷官多善政今墓及神道碑尙存而廟祀莫爲修舉此亦弔古

者所歛嘯也

王百當墓在縣西北二十里唐王百當葬此

舊有神道碑

按百當爲李密謀主後密歸唐復叛遂爲盛彥師所執而百當以功名終是其智過邢公矣遺墓樵牧弗禁能無慨然

韓圻在縣東十五里世傳宋韓丞相墓

志遺其名久廢無可考

韓馮妻息氏墓在縣東北二十五里青陵社韓馮妻息氏見執於康王不從

投臺下死韓馮亦自殺同葬此地

唐李商隱及近代弔息氏詩見後藝文志

按息氏塚雖相傳在青陵社而屢遭河患無可復考苟懷芳烈者過墟生哀則建祠數楹以慰貞魄似不可已也

完顏君用墓在縣北西吳村

舊有神道碑

封邱縣志

卷二

十七

開封新豫印刷所承印

按完顏氏係金宗姓君用以武功食邑於封故卒葬縣境今墓雖廢故碑尙存前志載此亦以表封俗之厚不因興廢爲成毀也

漏澤園在縣邑厲壇後

義塚舊縣西有二南門外有一計地十畝萬歷二年知縣胡以祚置萬歷四十年知縣張鯉復置義塚四一在三里莊一在劉光集一在荊隆口一在郭家莊皆立石碑界

以上義塚皆河決後蕩然莫辨今議選高阜處另置數區以澤枯骨

夫人形生不過百年而姱節嫩名則歷千百世而不朽舍陵墓將奚識哉古志士仁人義夫烈婦貞魂沉於斷隴正氣宿於河山令人瞻墟起敬式慕興思慷慨悲歎恨不能起泉壤而親炙之陵墓胡可泯也至窮魂旅魄時或暴

骨原野亦未免有虧至仁預頡天和故惠政矜卹下逮髑髏乃體物不遺之
深恩也

按封土濱河平行世受水患卽故家大族其先世坵隴恆不能盡識矧數千
年陵谷滄桑之後衣冠中絕典祀無人而欲死士之壠永禁芻蕘貞女之塋
弗替汎掃此實難耳夫茫茫原隰金石銷沉易世之後將園陵坏土有不可
復問者矣唯志其人復志其地則九京可作猶尙論者所考衷也至於漏澤
數區非高阜遠河之地不足永安暴骨是尤在好德者共圖之耳



封邱縣志

王廣慶題



CM 119
3/12
2002

封邱縣志卷三

民土



書曰民惟邦本又曰任土作貢蓋國繫於民聚民以財均徭定賦用以培元氣厚根本也周司徒載師按土定賦凡取民芻秣絲枲悉有經制兼以九職任萬民非卒旅征戰之事弗以擾之外此則有校人掌六馬庾人平物價象氏察稜祥法至善也迄末世乃有稅畝差輪等弊譬如弋繒橫加魚鳥交亂民用解體境爲不寧而國運隨以陵遲哀哉明初深卹疆圉重軫民籌其於民土所在恆欲舒其力以休養之制其常賦以寬貸之以是託國建基悠久若此乃至今日戶口漸減而徭役繁多本業日費而賦額滋益困憊極矣語曰牧以地得民昔仲舒減賦額以來民錢微寬稅力以

封邱縣志

卷三

一

開封新豫印刷所承印

厚下國民實兩賴之吾不敢謂今無其人在爲吏者加之意耳

按封自明季迄今頻罹災患旱蝗疾厲之餘加以兵燹河決歲無寧宇生齒凋耗土滿而不治視隆萬間盛衰懸絕矣幸

國朝立法寬大輕徭薄賦與民更始當事勞來撫輯不遺餘力遺民始稍稍復業數年來丁壯漸增榛莽漸闢疇昔魚鱉之鄉狐兔之藪近日雞犬相聞烟火相望矣顧瘡札之餘詎堪重負癘疾趨寧能致遠自非賢有司加意休養生聚以培育根本則此哀鴻甫集者又恐有適彼樂土之懷矣嗟夫滌鹵之域雖曰民無作業易去其鄉然誰無田園廬墓與婚姻宗族之繫其心而致彼饑寒切身掉臂不顧耶有人土之責者可不以焚林竭澤爲戒哉

戶口

洪武二十五年

戶五千五百七十八

口二萬四千九十九

嘉靖十一年

戶五千七百二十三

口四萬八千七百八十五

萬曆四十年

戶一萬四千一百五十九

口二萬二百七十五

八丁無上上中上下三等自中上起中上每丁派銀五錢中下每丁派銀三錢下上每丁派銀二錢下中每

丁派銀一錢下每丁派銀五分
共丁銀一千六十八兩九錢五分

封邱縣志

卷三

開封新豫印刷所承印

國朝順治十六年

實在戶共二千二百六十七

實在口七千一百八十八

八丁無分上中下止存下一則人丁每丁派銀五分共丁銀三百五十九兩四錢

按丁口舊有等則而封邑獨皆下下丁者蓋本邑疊罹災患卽搢紳家恆無擔石之儲不但小民此備播遷戶鮮蓋藏也穀貴則乞糴隣邑婦子嗷嗷穀賤則鬻貸無門輸賦倍迫封之丁則誠不可與他邑衡也

漢立口賦法以給朝獻以口數率人歲六十三錢以給獻費卽今丁銀是也漢制近古蓋謂稅租有定額恐守牧入覲之費取辦民間乃以是給之耳然多用以充相餽餽租不行則獻費不加饒而用足矣蓋民以出賦賦以定民三代有遂人氏書民數獻之王王拜受之蓋重民也而卽以九則取民又重

賦也重民故不得不重賦今天下人戶口七千一百三十九萬八千六百九十口較之秦什伍漢鄉亭唐宋里戶倍之然其數實藉之郡邑邇來差賦滋煩民苦流移逃徙爲備族旅凋落不止一封邑然也其存者雖旦夕少延然而命脈虛耗國之本實先撥且民生有繁減國勢之強弱繫之爲國家計久大者尙念之哉

按戶口丁賦實兼庸調二法蓋唐有世業口分不專供牧守朝貢道里費也周禮大司徒歲以民數書之版獻於天子俾知民俗登耗此戶口所自昉耳漢唐之世刺史守相或僞增戶口邀遷擢而隋文令營田使檢括以誇富強於是圖籍益盛閭閻益衰歷代相因迄明初每十歲令郡國繕造黃冊進呈民間所費不貲後漸寢不行而神宗以迄光熹間承平歲久戶口益繁州邑

吏胥恣爲漁獵正項賦役而外派累數倍卒致騷然罷敝而國運隨之今

國家法制簡易民間自兩稅丁口而外盡除無名之費卽公甸力役之征有司亦類能省節愛養以惠黎庶故封雖凋敝之餘而生齒漸繁氏族浸熾十年後林摠之象當復侔隆萬時矣

里甲

明初編戶四十三里今并二十六社社分十甲十甲輪役以十歲爲率週而復始此法甚均夫一邑差役宜統計一邑人戶充之通約合社貧富爲差重輕不分里甲條鞭民賦一體並行

萬曆二十九年知縣崔熾不拘里甲台縣審大戶一百餘名行之未幾復寢 至

里甲之設十里有廬三十里有宿五十里有市置候館委積巡而比之則在厚民五隣爲里五里爲鄣五鄣爲鄙掌其政令刑禁歲時稽其人民則在防

姦近日保甲之法守土者藉以弭盜如里中有盜人自檢舉否則連坐如近日劉光劇盜悉以偵伺就擒編氓亡匿他郡者往往歸里復業誰謂沈命沈命法可行於古而不可行於今也

按里甲之不均至今日已有必當變通之勢矣蓋民間貧富消長不一必欲按數千百年里社舊額而責之以趨事赴功是膠柱鼓瑟刻舟求劍也焉能使貧弱之民不鴻飛而鹿鋌哉封里舊分二十六核其實不過他邑一大里耳且里中排甲有死亡故絕者有僅存一二丁者有客戶多而土著寡每歲賠累不堪者逢輪報里役之叩輒哀鳴求諸甲夥應甚或有隔越三四而竟遞於五六者名爲十排甲而四五年間周流往復未嘗有休息之日是甲既不平里何由得均也爲今之計莫若通計一邑戶丁地土酌量審編衷多益

寡補短截長務使各里無偏富偏貧之弊各甲無簡衆簡寡之患而後循環輪遞苦樂相等殆良策耳語云琴瑟不調必解而更張之其今日里甲之法乎

田賦

明初原額地共一萬五百頃四十四畝七分七釐正管上地五千七百二十一

六百八十四頃四十三畝九分正管中地一千四百三十五頃八畝六分寄

莊中地五百七十一頃四十三畝三分正管下地一千三百五十八畝三分寄

五畝下地六百九頃一十三畝三分正管黃河灘場地一百五十一頃九分

夏稅麥八千六十一石五斗三升六合七勺五抄五撮

秋稅米二萬五千三百六十一石一斗六升二合二勺二抄以上二項俱折銀載後條類

內

原額糧差丁銀共三萬一千一百五十四兩一錢九分六釐九絲九忽九微

九織正管上地銀二千六百五十五兩四錢六分四釐八毫九絲九忽一織正管

中地銀三千八百一十五兩八錢四分八厘八毫二微七織正管下地銀一千三百

六十五兩三錢八厘三毫八絲一忽八微二織免米賠頭銀八十六兩八錢五分八厘

八分八釐七毫八絲一忽八微二織免米賠頭銀八十六兩八錢五分八厘

銀一千六百八十八兩九錢五分優免鄉官監生員吏承人等銀三百五十五

兩五錢八厘六毫四絲一忽五微二織在額外免派及黃河灘場地銀糧差

原無載

皆不無載

萬曆三十八年共折上地八千一百八十三頃六十三畝五分七釐

三等正管地六千九百七十三頃五十九畝七分寄莊地一千二百一十頃

三畝八分七釐優免地三百六十頃三十五畝五分三釐六毫五絲在內黃

河灘場地十四頃二

十畝口厘在外

夏糧折麥六千二百八十石每地一畝起麥七合六勺七抄三撮八圭七粟

秋糧折米一萬五千三百六十一石一斗六升二合二勺二抄每地一畝起

條鞭共派糧差丁銀三萬一千六十七兩三錢四分六釐九絲九忽九微九

織二毫五絲二忽八微二織寄莊地銀四千六百九十四兩六錢七分一

七兩八毫四絲七忽一微八丁銀一千六十八兩九錢五分優免銀三百五十

折易舉獨力難支此銀似不可減仍宜派入又萬曆四十年知縣張鯉申文查

國朝順治十六年賦役全書照原額折定上地八千九十九頃八十二畝一分

封邱縣志

卷三

開封新豫印刷所承印

一釐無分正管寄莊有主荒地一千六百一十頃二十一畝六分二釐無主
荒地二千二百三十七頃六十畝八分五釐未墾水滄荒地一千九百四十
四頃九十一畝九分七釐行糧熟地二千三百七頃七畝六分七釐河灘渠
地七十六頃七十六畝四分在外 先是順治九年河決大王廟口封四鄉
滄沒殆盡祇餘西南乾熟地一隅計地一千四十餘頃時昏墊未釋士民遠
徙而原報四千餘頃之額賦催征如故人情皇皇通邑幾盡逃竄知縣余縉
抵任卽具文申請甚力會蒙

督撫兩院具 題奉

旨令俟水落地出報墾起科蠲豁節年逋課以鉅萬計封民始漸歸復業今新
墾已及三千餘頃陸續清丈冊報民無負賦波累之憂更有墾荒裕課之錄

封邱縣志

卷三

六

開封新豫印刷所承印

皆前此

國恩 憲德所致也

條鞭連閏共派糧差丁銀四萬四百九十兩八分四釐八毫三絲一忽六微
四織七沙一塵三埃六渺除荒徵熟銀一萬八十兩三錢一分五釐三毫四
絲五忽一微四織二沙二塵六埃五漠九灰

戶部夏稅折色起運原額銀一千七百二十五兩二錢四分五釐三毫七絲

一忽五微除荒徵熟銀三百八十二兩二分三釐八絲 保定府廣盈左右二倉小麥原額銀七十

二兩六錢七分五釐除荒徵熟銀二兩六錢五分七釐二毫陝西延綏關白綿布原額銀十二兩除荒徵熟銀二兩六錢五分七釐二毫陝西延綏關白綿布原

額銀一百一十六兩一錢除荒徵熟銀四錢五分七釐二毫六絲除荒徵熟銀五十五兩

兩六錢九分九釐八毫二絲除荒徵熟銀一兩九錢九分五釐稅絲折京

庫三十五兩六錢九分三釐四毫農桑絲綿折一毫四絲原額銀一百五十一兩
兩一錢五釐七毫五絲除荒微熟銀三十三兩九錢二釐四毫通州通濟庫
關白綿布原額銀八十二兩八錢除荒微熟銀十八兩三錢三分四釐五毫

戶部秋糧折色起運原額銀七千三百四十一兩二錢六分四釐六毫九絲
四忽九微四纖除荒微熟銀一千六百二十五兩五錢八分四釐七毫八絲

河間府巨盈倉粟米原額銀三十八兩八錢一分四釐除荒微熟銀八兩五
錢九分四釐六毫富戶原額銀二兩除荒微熟銀四分四釐除荒微熟銀八兩五
府豐盈倉粟米原額銀三千六百一十四兩四分除荒微熟銀四百五十三兩九錢二
分八釐九毫六絲三忽二微除荒微熟銀古北口倉粟米原額銀七十五兩六錢三
忽三微六左右二倉粟米原額銀三百七十一兩一分八釐一毫八絲保定府紫荊關
新成倉粟米原額銀八分一釐九毫保安州柴溝堡井西陽河堡倉粟米原額
銀二十五兩九錢八分一釐九毫保州柴溝堡井西陽河堡倉粟米原額
毫華城倉黑豆原額銀七十兩一分三釐五毫三絲七忽二微三纖除荒

封邱縣志

卷三

七

開封新豫印刷所承印

徵熟銀十五兩五錢三釐二毫宣府在城宣德等三倉粟米原額銀十九兩
五分二釐除荒微熟銀四兩二錢一分八釐七毫石匣倉黑豆原額銀一
粟米原額銀四十二兩六錢七分五釐二毫除荒微熟銀九兩四錢四分九
三纖除荒微熟銀十六兩六錢三分三釐六毫御馬倉粟米原額銀一
兩一錢二分四釐除荒微熟銀三兩九錢九分三釐六毫御馬倉黑豆原額
銀三兩二分一釐七錢三分九毫九絲三微六纖除荒微熟銀七十一兩二
錢四分一釐二毫織牲所蒸豆原額銀二十九兩三錢三分八釐六毫德州改保
定府庫關白綿布原額銀五百三十七兩九錢六分除荒微熟銀一百一十九兩
一錢七釐七毫協濟昌平州原額銀三十七兩九錢六分除荒微熟銀一百一十九兩
九釐

戶部折色馬草起運原額銀二千四百九兩九錢五分五釐除荒微熟銀五

百三十三兩六錢三分九釐一毫五絲 御馬倉內場草原額銀一千一百二

荒兩二錢二分九毫中府外場草原額銀三百六十一兩三兩五錢一分五釐除
荒微熟銀八十九兩五分七毫庫草原額銀四百六十一兩三兩五錢一分五釐除

除荒銀五分五釐一兩五錢九分八釐三毫西城坊草原額銀二百三十一兩八錢五分五釐

戶部鹽鈔折色起運京申鹽鈔帶間原額銀七十八兩一錢五分三釐五毫八絲七微四沙除荒徵熟銀十八兩一錢五分三釐五毫八絲

加增九釐原額銀七千二百八十九兩八錢銀三分八釐九毫九絲除荒徵熟銀二千七百七十六兩三錢六分九釐

絲釐三

禮部折色起運藥材原額銀一兩九錢一分三釐八毫五絲五忽徵熟銀五錢七分四釐一毫五絲六忽五微

工部折色起運原額銀三百六十七兩六錢九分八釐四毫一絲一忽七微

二織九塵三埃六渺除荒徵熟銀一百一十兩三錢九釐五毫二絲三忽五

微一織六沙二塵八埃八漠磚料原額銀六兩三錢除荒徵熟銀一兩八錢八錢九分卅文每副加銀一兩二錢卅加銀二兩五錢共銀三十兩順治三年五月

八錢九分卅文每副加銀一兩二錢卅加銀二兩五錢共銀三十兩順治三年五月

封邱縣志

卷三

八

開封新豫印刷所承印

除荒徵熟銀十六兩二錢料價原額銀一百三十一兩除荒徵熟銀十兩八錢五分

一毫六兩順治三年五月內奉

旨新治三年五月內奉 六兩三錢甲六副每副折銀七兩五錢共銀四十五兩順

旨新治三年五月內奉 十三兩五錢腰刀五口每口折銀二兩共銀十兩順治三

旨新治三年五月內奉 三兩撒袋五副每副折銀二兩共銀十兩順治三年五月

旨新治三年五月內奉 三兩箭一百五十八枝每枝折銀一錢共銀十五兩八錢

旨新治三年五月內奉 四兩七錢四分弓絃十條每條折銀一錢共銀一兩順治

旨新治三年五月內奉 三錢料價原額銀十九兩九錢六分三釐除荒徵熟銀一兩

四錢四分燒造原額銀二兩八錢四分五釐八毫除荒徵熟銀一兩

織九沙二塵除荒徵熟銀一兩六錢六分九釐一毫七絲九忽五微二織九沙一

沙七塵三埃六渺除荒微熟銀四錢八分七釐
三毫七絲三忽五微五纖六沙五塵二埃八洪

太僕寺依馬等項折色起運原額銀一千五百三十一兩二錢除荒微熟銀

三百三十九兩五分五釐四毫四忽依馬本折四十四兩每匹原額銀二十四兩共銀九百六十四兩順治二年六月內

奉

旨每匹加銀六兩七錢一分七釐三四毫四忽前共銀一千二百兩除荒微熟銀二百六十五兩七錢一分七釐三四毫四忽原額銀一千二百兩除荒微熟銀二百六十五兩七錢一分七釐三四毫四忽

熟銀六十八兩九分八釐四毫除荒微熟銀一錢二分二釐九毫三絲二忽馬院

原額銀二兩除荒微熟銀四兩四分二釐九毫部馬吏赴京盤費原額銀十

兩除荒微熟銀二兩二錢一分四釐三毫醫獸藥材
原額銀六兩除荒微熟銀一兩三錢二分八釐六毫材

戶工二部起運本色正兌漕米并臨德二倉米及黃丹牛角等項共原額銀

二千一百七兩七錢三釐八毫八絲八忽七微二纖二沙二塵除荒微熟銀

封邱縣志

卷三

九

開封新豫印刷所承印

一千九十九兩四分七釐二毫七絲三忽七微六纖五沙一塵四埃正兌本色漕米原額

百九十五兩七錢五分除荒外每石微銀八錢六分六釐五毫原額銀一千二

額銀四百二十八石除荒微熟米二百六釐六毫八絲九忽五微外二八加耗米原

額銀二十二兩五錢除荒微熟銀十一兩八錢一分一釐九毫四絲五忽原

倉小麥原額三錢五分除荒微熟銀二兩七錢五分抄本色無麥納米每石微臨清

六錢原額六勺二除荒微熟銀一兩五分六釐四毫四絲九忽外九斗

耗米原額三十四石一斗三升二合五抄五撮除荒微熟米二石九升八

撮二圭本色無麥納米每石微銀八錢原額銀一百八十八石七斗八升四分八

勺除荒微熟銀一百一十四抄六撮四分七釐四絲外加一耗米原額二石七升八

合三毫六絲二忽二微二纖每丹原額價銀四分三厘鋪墊銀一分一釐二分三釐

銀四十八兩五錢一分六釐九毫六絲三忽六微九纖原額丹價鋪墊共銀六十兩九錢
 四錢一分一釐三毫一分六釐九毫六絲三忽六微九纖原額丹價鋪墊共銀六十兩九錢
 上傳八釐二毫七絲九忽九微六釐一十順治十年六月內尊奉
 鋪墊銀四錢五釐六毫二絲五忽共實銀一兩五錢八分五釐六毫二忽二微七纖改
 折丹原額一千九百一十兩六錢二分三釐六毫六絲二忽二微七纖照
 十年十一月內題准每兩折價銀一錢四分九釐鋪墊一分二釐原額丹
 價銀一百六十兩二錢六分六釐二毫二絲二忽二微二纖沙二塵除荒實銀一百七十四兩六錢
 二分八釐二毫二絲九忽六微二纖二沙二塵除荒實銀一百七十四兩六錢
 兩三錢四釐七毫一絲五忽四毫四釐一纖七沙二塵鋪墊銀三兩四錢一分八
 釐四毫六絲八忽九微三纖八塵共實銀一兩單車脚原額銀十九兩九錢二分
 一分八釐三毫八絲四忽八微四纖除荒微熟銀四錢四分
 工部本色起運上弓五張折半角五分內奉徵銀四兩共銀二十兩置買本色

封邱縣志 卷三

開封新豫印刷所承印

旨新增除荒徵熟銀六角壹
副壹隻徵熟銀六兩

宗祿折色起運共原額銀三千七百六兩二錢二分七釐六毫四絲六忽三

微七纖除荒徵熟銀八百二十兩六錢九分六釐四毫五絲民校工食原額銀三百八十四

兩除荒徵熟銀八十五兩二分九釐六毫三忽三微七纖除荒徵熟銀七百三十

五兩六錢六分
六釐八毫五絲

一存留解支銀遵奉 部文除荒徵熟原額銀一百八十一兩六錢除荒徵

熟銀四十兩二錢一分一釐九毫閏月原額銀十三兩八錢除荒徵熟銀三

兩五分五釐七毫五絲內除裁扣府廳各役工食銀十兩八錢除荒徵熟銀

二兩三錢九分一釐四毫六絲裁閏月銀九錢除荒徵熟銀一錢九分九釐

二毫九絲實支領銀一百七十兩八錢除荒徵熟銀三十七兩八錢二分四

毫四絲支閏月銀十二兩九錢除荒徵熟銀二兩八錢五分六釐四毫六絲

修理龍亭銀一兩除荒徵熟銀三兩三錢二分一釐五毫按院書辦二名每名工食

銀四毫八兩八錢歲該銀五十七兩七錢除荒徵熟銀一兩六分二釐九毫七錢五分四

歲該工食銀七兩二錢除荒徵熟銀一兩二錢五分二釐九毫一兩五錢九分四釐三毫閏月原額銀

七兩二錢除荒徵熟銀一兩二錢九毫一兩五錢九分四釐三毫閏月原額銀七兩二錢除荒徵

銀二兩八錢除荒徵熟銀五錢三分一釐四毫本府北河捕同知皂隸九名每名

工食銀七兩二錢歲該銀五兩四錢除荒徵熟銀一兩一錢九分五釐六毫五絲

順治九年四月會議每名月給銀五錢共該銀五十四兩九錢九分六釐

三毫六絲裁閏月銀九錢除荒徵熟銀一錢九分九釐二毫九絲

本縣經費原額銀一千六百三十一兩四錢六分六釐除荒徵熟銀三百六

封邱縣志

卷二

十一

開封新豫印刷所承印

十一兩二錢五分七釐四毫二絲閏月原額銀一百二十九兩二錢八分八

釐四毫六絲除荒徵熟銀二十八兩六錢二分八厘四毫八絲內除會議裁

扣修宅家伙各役工食共銀二百三十八兩四錢除荒徵熟銀五十二兩七

錢八分九釐一毫九絲裁閏月銀十八兩二錢除荒徵熟銀四兩三分五絲

實支領銀一千三百九十三兩六分六釐除荒徵熟銀三百八兩四錢六分

八釐二毫三絲支閏月銀一百一十一兩八分八釐四毫六絲除荒徵熟銀

二十四兩五錢九分八釐四毫三絲本縣知縣俸銀每年二十七兩四錢九

月原額銀二兩二錢九分八毫除荒徵熟銀五毫閏月原額銀三兩除荒徵熟銀

六兩除荒徵熟銀七兩九錢七分一釐五毫閏月原額銀三兩除荒徵熟銀

四分六釐九毫修宅家伙紙張油燭每年三十兩除荒徵熟銀四兩四錢二分九釐

一毫五絲順治九年四月會議全裁解部仰送上司傘扇銀十兩八釐除

荒徵熟銀二兩二錢五分六釐三毫吏書十二名每名工食銀十兩八釐除

封邱縣志

卷三

十三

開封新豫印刷所承印

荒三	分二	一銀	三除	開微	五額	一錢	荒除	銀錢	十熟	八微	九微	分熟	一兩	一分	荒問	微五	額書	除兩	分微	微順
分熟	熟銀	兩二	分荒	月熟	錢銀	名一	荒微	四四	四銀	錢除	毫裁	一釐	分荒	兩三	月銀	錢共	銀一	荒三	順治	
一釐	六兩	錢三	二釐	銀一	共六	歲分	熟銀	分二	兩五	荒八	銀五	釐四	毫庫	釐三	熟銀	該銀	名兩	錢一	九年	
五兩	三毫	錢二	釐八	錢一	錢六	該四	五兩	釐九	錢三	分八	兩三	毫庫	毫庫	毫庫	一錢	除荒	兩一	毫一	一兩	
三順	錢七	分八	順兩	除荒	兩六	工釐	四錢	毫裁	分一	釐八	錢八	兩三	四兩	兩三	分八	荒六	兩一	兩一	四兩	
治九	分七	釐二	治五	荒分	兩六	食三	分八	銀八	釐五	釐八	分八	錢二	名四	釐三	分七	兩六	兩八	錢三	兩一	
年四	釐七	毫六	年九	七毫	兩六	銀七	釐八	分八	兩三	釐八	釐一	釐二	名二	釐二	釐七	分五	兩六	兩六	分五	
四月	釐二	分六	分四	銀二	兩六	兩二	釐四	釐五	釐三	釐八	釐二	釐二	工二	釐二	釐七	分五	兩六	兩六	分五	
三月	毫二	分五	會釐	分二	兩六	釐二	釐四	釐五	釐一	釐八	釐二	釐二	食八	釐二	釐七	分五	兩六	兩六	分五	
議每	閏月	釐七	議每	釐一	兩六	兩二	釐四	釐五	釐一	釐八	釐二	釐二	銀七	釐二	釐七	分五	兩六	兩六	分五	
月名	原銀	兩二	月給	閏子	兩六	兩二	釐四	釐五	釐一	釐八	釐二	釐二	兩六	釐二	釐七	分五	兩六	兩六	分五	
月銀	新銀	錢二	銀五	微一	兩六	兩二	釐四	釐五	釐一	釐八	釐二	釐二	兩六	釐二	釐七	分五	兩六	兩六	分五	
二給	銀二	錢二	錢五	閏一	兩六	兩二	釐四	釐五	釐一	釐八	釐二	釐二	兩六	釐二	釐七	分五	兩六	兩六	分五	
兩除	兩四	錢二	錢六	閏一	兩六	兩二	釐四	釐五	釐一	釐八	釐二	釐二	兩六	釐二	釐七	分五	兩六	兩六	分五	
荒錢	錢二	錢一	錢六	該一	兩六	兩二	釐四	釐五	釐一	釐八	釐二	釐二	兩六	釐二	釐七	分五	兩六	兩六	分五	
共該	錢二	錢一	錢六	該一	兩六	兩二	釐四	釐五	釐一	釐八	釐二	釐二	兩六	釐二	釐七	分五	兩六	兩六	分五	
熟銀	錢二	錢一	錢六	該一	兩六	兩二	釐四	釐五	釐一	釐八	釐二	釐二	兩六	釐二	釐七	分五	兩六	兩六	分五	
四錢	錢二	錢一	錢六	該一	兩六	兩二	釐四	釐五	釐一	釐八	釐二	釐二	兩六	釐二	釐七	分五	兩六	兩六	分五	
四錢	錢二	錢一	錢六	該一	兩六	兩二	釐四	釐五	釐一	釐八	釐二	釐二	兩六	釐二	釐七	分五	兩六	兩六	分五	
分兩	錢二	錢一	錢六	該一	兩六	兩二	釐四	釐五	釐一	釐八	釐二	釐二	兩六	釐二	釐七	分五	兩六	兩六	分五	

歲銀一分二釐一錢除荒銀二錢六分五釐七兩二錢歲間該月銀二十一錢除荒銀
 銀二分二釐一錢除荒銀二錢六分五釐七兩二錢歲間該月銀二十一錢除荒銀
 除荒銀三分一釐五兩三錢順治九年四月二會談每月原額銀二兩四錢除荒銀
 兩除荒銀九毫裁銀五兩三錢一分四釐除荒銀一兩六分二釐九毫裁銀四錢四
 錢除荒銀五錢九分四釐三毫六毫馬夫一名歲該工食銀七兩二錢除荒銀
 八毫順治九年四月會談每月給銀五錢共該銀六兩七毫裁銀一兩二錢除荒
 除荒銀熟銀二錢六分五釐七兩二錢歲間該月銀二十一錢除荒銀
 三毫閏月原額銀一兩六錢二分六釐七毫除荒銀二毫閏月原額銀一兩二錢
 荒銀熟銀二錢二分一釐四毫喂馬草料銀每十二兩除荒銀二兩六錢
 閏月原額銀一兩六錢二分六釐七毫除荒銀二兩六錢二分六釐七毫
 年十二兩除荒銀二錢二分一釐四毫喂馬草料銀每十二兩除荒銀二兩六錢
 熟銀二錢二分一釐四毫喂馬草料銀每十二兩除荒銀二兩六錢

封邱縣志 卷三 十五 開封新豫印刷所承印

五分七釐二毫閏月原額銀一兩七錢二分一釐四毫除荒銀二兩六錢二分六釐七毫
 膳夫二名七釐閏月原額銀二兩六錢二分六釐七毫除荒銀二兩六錢二分六釐七毫
 書一名二毫閏月原額銀七兩二錢二分六釐七毫除荒銀二兩六錢二分六釐七毫
 原額銀六錢除荒銀七兩二錢二分六釐七毫除荒銀二兩六錢二分六釐七毫
 名每工食銀七兩二錢二分六釐七毫除荒銀二兩六錢二分六釐七毫
 釐五毫閏月原額銀三兩除荒銀二兩六錢二分六釐七毫
 微熟銀六錢六分四釐三毫

存留內起解司府款項原額銀四十八兩八錢五分七釐六毫除荒銀
 十兩八錢一分八釐五毫九絲鳳陽倉小麥原額銀四十五兩八錢五分七
毫奉文加派布政司歷日銀三兩除
荒微熟銀六錢六分四釐二毫九絲

河夫款項原額銀七百八十二兩四錢除荒銀一百七十三兩二錢四
 分七釐七毫五絲閏月銀二十八兩除荒銀六兩二錢七絲河夫一百

每名工食銀三分六釐九毫五絲原額銀四百四十六兩四錢三分六釐九毫二絲二忽除荒徵熟銀九十八兩八錢四分六釐九毫五絲原額銀四百四十六兩四錢三分六釐九毫二絲二忽除荒徵熟銀九十八兩二錢三分八釐五毫七絲九釐四分三釐閏月原額銀六兩二錢二分除荒徵熟銀一兩二錢三分八釐五毫七絲九釐四分三釐閏月原額銀二兩六錢四分荒徵熟銀四兩八錢七分一釐五毫內分鄉堡夫五十四名每名工食銀一兩九錢二分共該銀九十六兩七錢七分一釐五毫除荒徵熟銀一兩七錢七分一釐五毫一兩二錢二分三十八名每名工食銀六兩共該銀一百六十八兩除荒徵熟銀三兩一錢

本縣驛站款項原額銀三千四百四十八兩除荒徵熟銀七百六十三兩四

錢七分三釐七毫六絲五忽三微六纖八塵三埃九渺七漠九灰閏月原額

銀二百八十七兩三錢三分三釐除荒徵熟銀六十三兩六錢二分四釐五

毫走遞夫一百三十名每名工食銀九兩六錢四分六釐一毫閏月原額銀一千二百四十八兩

除荒徵熟銀一千三百三十七兩八錢八毫走遞馬五十五匹每匹工食銀二十

封邱縣志 卷三 十六 開封新豫印刷所承印

銀八百二十五兩共原額銀二千二百兩除荒徵熟銀四百八十七兩一錢二分七釐六毫六絲五忽三微六纖八塵三埃九渺七漠九灰閏月原額銀一百八十三兩三錢九分五釐七毫

協濟驛站款項共原額銀四千二百一十兩七錢二分二釐除荒徵熟銀九

百三十二兩三錢八分五釐九絲閏月原額銀三百五十兩八錢三分四釐

八毫除荒徵熟銀七十七兩六錢八分五釐七毫六絲官講驛館夫工食銀

七毫協濟安陽所牛一百四十九隻每隻工食銀二毫除荒徵熟銀一兩三錢

百七十四兩二錢二分荒徵熟銀八分五釐六毫除荒徵熟銀七十一兩四錢七分

一蓋九毫六絲磁州所牛十四隻每隻工食銀二毫除荒徵熟銀三兩三錢

六兩除荒徵熟銀七十四兩四錢九毫閏月原額銀二十四兩八錢除荒徵熟銀

支發款項共原額銀九百七十三兩四錢六分六釐四毫二絲二忽除荒徵

六兩二錢一分本縣支銷

熟銀二百一十五兩五錢五分五釐八毫一絲閏月原額銀三十二兩六錢

九分除荒徵熟銀七兩二錢三分八釐五毫八絲兩廩生二十名每名糧銀八

兩除生員隨熟行花紅酒席原額銀四毫閏月銀十四兩除荒徵熟銀三兩三錢二分一釐

錢四分五釐六毫新進生員迎送花紅原額銀二錢七分除荒徵熟銀四兩四

毫文廟各壇祭原額銀九十四兩除荒徵熟銀二十兩八錢一分四釐五毫

本縣新官到任祭中伙等項原額銀四兩除荒徵熟銀八錢八分五釐七毫本

錢五分七釐六毫本縣迎存酒席及門神桃符原額銀五兩除荒徵熟銀一兩九錢九分

二釐九毫香燭原額銀六兩除荒徵熟銀一兩三錢二分八釐六毫孤口

糧原額銀七十三兩八分除荒徵熟銀十六兩一錢八分二釐六毫閏月原

額銀六兩九分除荒徵熟銀一兩七錢四分八釐五毫八絲馬神廟祭原額

銀五兩除荒徵熟銀一兩七錢四分八釐五毫八絲馬神廟祭原額

一分六釐四毫二絲二忽除荒徵熟銀六兩六錢四分二釐九毫本縣舖司

修理城池原額銀三十兩除荒徵熟銀六兩六錢四分二釐九毫本縣舖司

兵二十六名原額工食銀一百五十一兩二錢除荒徵熟銀三十三兩

四錢八分四毫閏月原額銀十二兩六錢除荒徵熟銀二兩七錢九分

賓興款項共原額銀一百七十九兩四錢八分一釐六毫七絲除荒徵熟銀

三十九兩七錢四分二釐八毫四絲二十年一辦送貢考貢生員花紅原額銀

原額銀二十兩除荒徵熟銀四兩四錢二分八釐六毫五釐七毫原額銀一

兩六錢六分六釐六毫除荒徵熟銀三錢六分九釐三年一辦本縣應朝正

官盤費銀三十一兩首領官二十五兩共銀五十五兩除荒徵熟銀十二兩一

錢七分八釐七毫舉人會試盤費銀二十三兩三錢三分三釐除荒徵熟銀四

兩九錢四分一釐二毫舉人坊牌銀二十二兩三錢五分奉文加銀四兩四

錢一分四釐共銀二十八兩九錢四分四釐除荒徵熟銀六兩三錢六分九

釐九毫進上坊牌銀十兩七錢七分四釐除荒徵熟銀二錢二分一釐四毫

七毫鹿鳴宴家伙原額銀一兩除荒徵熟銀二錢二分一釐四毫

三名每名工食銀五兩共銀十五兩除荒徵熟銀三兩三錢二分一釐五毫

應裁解部款項自本縣收糧櫃書工食起至本縣舊編餘剩銀止通共裁原

額銀一千六百三十二兩八錢八分五釐二毫四絲九忽六微九纖除荒徵

熟銀三百六十一兩五錢七分一釐六毫八絲

三兩二錢八分五釐九毫本省遊擊門兵粒原額銀一百兩除荒徵熟銀二十兩

一錢四分三釐一毫本省遊擊馬兵一名工銀一百兩除荒徵熟銀二十兩

標兵遊擊步加兵六名工銀五兩二錢其原額銀一百一十五兩二錢除荒徵熟銀

二兩五錢一分四釐三毫戶部京邊車脚原額銀五十一兩七錢除荒徵熟銀九

兩二錢一分四釐三毫戶部京邊車脚原額銀五十一兩七錢除荒徵熟銀九

毫九錢一分八釐九毫織除荒徵熟銀一兩九錢五分二釐六毫工部車脚原額銀八

兩八錢一分八釐九毫織除荒徵熟銀一兩九錢五分二釐六毫工部車脚原額銀八

額銀二兩除荒徵熟銀八毫二錢六分七釐七毫稅監司房奏官馬夫廩糧原

羊原額銀十兩除荒徵熟銀二兩二錢一分四釐三毫上司新官到任祭河原

新銀五兩除荒徵熟銀一兩一錢七分二釐二毫本縣一毫房井合周司吏糧銀二

十兩五錢六分八釐九毫織除荒徵熟銀一兩一錢七分二釐二毫本縣一毫房井合周司吏糧銀二

除荒徵熟銀一兩一錢七分二釐二毫本縣一毫房井合周司吏糧銀二

七兩二錢六分八釐九毫織除荒徵熟銀一兩一錢七分二釐二毫本縣一毫房井合周司吏糧銀二

五兩除荒徵熟銀四兩四錢五分三釐六毫上各衙門使用大小講家伙原額銀三十

兩除荒徵熟銀四兩四錢五分三釐六毫上各衙門使用大小講家伙原額銀三十

三兩除荒徵熟銀六兩六錢二分五釐九毫六毫四釐絲本縣分司門子三名

工食原額銀十兩八錢八分八釐九毫六錢二分五釐九毫六毫四釐絲本縣分司門子三名

四名工食原額銀十兩八錢八分八釐九毫六錢二分五釐九毫六毫四釐絲本縣分司門子三名

院口官廳門子工原額銀十兩八錢八分八釐九毫六錢二分五釐九毫六毫四釐絲本縣分司門子三名

銀二兩八錢一分九毫庫糧雜支等項原額銀十兩八錢八分八釐九毫六錢二分五釐九毫六毫四釐絲本縣分司門子三名

熟銀二兩八錢一分九毫庫糧雜支等項原額銀十兩八錢八分八釐九毫六錢二分五釐九毫六毫四釐絲本縣分司門子三名

封邱縣志

卷三

開封新豫印刷所承印

原食	工食	裁熟	除銀	際原	一原	額食	事足	油食	二釐
額額	原額	銀銀	荒六	原額	兩兩	銀銀	吏新	燭原	分除
十銀	新銀	一兩	兩兩	銀十	九錢	二兩	工編	原額	荒微
二兩	銀十	兩二	除荒	四兩	四兩	四錢	食經	銀十	釐四
兩除	兩四	錢九	熟荒	兩四	分五	兩四	費外	兩兩	毫家
荒八	兩六	分九	銀一	錢八	釐五	錢六	銀七	兩兩	伙原
錢除	兩除	分四	兩五	錢除	釐除	錢除	兩四	兩兩	七釐
二荒	兩除	釐三	錢九	荒除	荒微	荒除	兩二	兩兩	釐一
兩微	兩除	毫四	分二	微荒	熟銀	熟銀	錢四	兩兩	毫一
六錢	兩六	釐二	釐八	熟銀	三銀	四銀	錢除	兩兩	分巡
五兩	兩九	分七	毫六	兩七	兩一	兩二	荒除	兩兩	道修
兩七	兩一	釐三	釐六	錢八	錢八	錢七	微熟	兩兩	理原
釐三	釐一	釐七	釐六	分八	分八	分七	銀一	兩兩	額銀
釐四	釐二	釐八	釐六	釐八	釐八	釐七	兩九	兩兩	二釐
釐七	釐三	釐九	釐六	釐八	釐五	釐五	錢七	兩兩	一兩
釐七	釐四	釐九	釐六	釐八	釐六	釐五	錢九	兩兩	分除
釐七	釐五	釐九	釐六	釐八	釐六	釐五	錢七	兩兩	釐四
釐七	釐六	釐九	釐六	釐八	釐六	釐五	錢九	兩兩	毫快
釐七	釐七	釐九	釐六	釐八	釐六	釐五	錢七	兩兩	銀二
釐七	釐八	釐九	釐六	釐八	釐六	釐五	錢九	兩兩	釐快
釐七	釐九	釐九	釐六	釐八	釐六	釐五	錢七	兩兩	釐二
釐七	釐十	釐九	釐六	釐八	釐六	釐五	錢九	兩兩	釐二
釐七	釐十一	釐九	釐六	釐八	釐六	釐五	錢七	兩兩	釐二
釐七	釐十二	釐九	釐六	釐八	釐六	釐五	錢九	兩兩	釐二
釐七	釐十三	釐九	釐六	釐八	釐六	釐五	錢七	兩兩	釐二
釐七	釐十四	釐九	釐六	釐八	釐六	釐五	錢九	兩兩	釐二
釐七	釐十五	釐九	釐六	釐八	釐六	釐五	錢七	兩兩	釐二
釐七	釐十六	釐九	釐六	釐八	釐六	釐五	錢九	兩兩	釐二
釐七	釐十七	釐九	釐六	釐八	釐六	釐五	錢七	兩兩	釐二
釐七	釐十八	釐九	釐六	釐八	釐六	釐五	錢九	兩兩	釐二
釐七	釐十九	釐九	釐六	釐八	釐六	釐五	錢七	兩兩	釐二
釐七	釐二十	釐九	釐六	釐八	釐六	釐五	錢九	兩兩	釐二

按本邑存留各款或裁解或除荒捉衿袒肘之患事事皆然是誠二簋用享時也然存心廉儉之士布衣蔬食以養清福上可為

國家省財用下可為民間恤物力中亦可為清白以貽後人王孝先曰生平志不在溫飽嗟夫世之營溫飽以敗德汚行者何樂樂也夫國奢示儉國儉示

禮士君子當盛大豐亨之日猶宜刻意樽節以存餘地矧處艱難困賈中而

可時詘舉贏以暴殄天物耶

封邑糧差較諸邑最號煩碎然民貧土多墳壚沙濕豐歲每畝入不盈石兼數罹河患殘喘猶未盡甦木邑差徭力尙不支乃別縣差役推諉暫加如延

津申准封邱暫協濟彼縣銀一百五十兩正德年間廖監用事絡繹煩延津申准常道陽武封邱各出無礙

官銀一百五十兩暫時協濟原非為例後大監掣回協濟未止乃因循日久竟於均徭中徵起給付歲以為常又河夫一十九名周

府民校四名俱改撥封邱謂將二役改撥封邱抵協濟彼銀九十二兩又萬

歷初年原額協濟延津驛糧銀四千一百七十二兩後延津又申准當道改

撥轉解安陽所牛頭銀四千一百七十二兩則途遠勞費數倍於前矣今安

陽又申文上司更欲每牛一隻加銀四兩令封邱額外復加伊牛頭銀六百

五十二兩則情理難堪滋又甚矣封邑含冤申告不勝萬歷三十九年知縣孔鯉力請裁減因常

封邱縣志

卷三

開日新豫印刷所承印

除加安陽牛頭銀六百五十六兩免派不徵封邱賦之外有帖衛輝府防夫四名濬縣水夫十名

沙門弓手十名崇寧淇門驛遞馬一十七匹驢二十六頭牛七十六隻柳園

渡水手十二名堡夫八十名往日小民供應已苦疲憊今前項一切等差并

折銀派入條鞭內徵收封邑小民貧差煩賦重錢糧歲苦難完差賦豈堪再

益設非軫恤均平捐此額外之征歸彼原有之課封民幾不聊生矣萬歷四十一

安陽復申文來索額外牛頭銀六百五十二兩知縣王策中文常道言封民不堪加賦復獲免派夫先王體國經野則壤成

賦中正之法具在今監司頒行條鞭一法規制畫一剔弊省繁最為得法銀

分糧差丁三等有租庸調之遺意焉然條鞭不止鞭派一邑必且鞭定合郡

而無推諉坐派不均之失法行始為亡弊以至派銀之歲有多寡也折地之

時有上下也錢糧之互有出入也徵課之遞相支藉也種種弊竇難以枚舉

良有司持衡秉鑑於上固不難洞查而力革之使田有定數賦有定法又何有不均不平之嘆哉

按封與延唇齒相依其畛域既多毗連而史固等鄉密邇延城土地房舍皆延民有也先是封邑受協濟廩延之累舊志悉載之矣然未有舍折色而苛求本色者也自明季流寇決河灌汴祥符移署埽頭及

國朝定鼎王師南下乘傳往來者始假道封城因而暫用里夫里馬以濟祥延之不逮實一時權宜計耳既而河決封土城鄉全滄東道不通祥符復歸汴城廩延大梁南北徑直使節載馳咸從祥邑渡河不復涉吾封土則按古站修郵制自不當扳累封邱矣乃廩延不情之呼多方邀挾傍邑又爲之夾助當道不獲已暫從所請始令封邑歲領撥補銀一千六百兩爲召募芻秣之

需俾出馬二十八夫三十往廩延供役知縣余縉申文力辨不獲復親詣懇切而陳者再四皆不納封邑勉役二載騷然罷做幾不聊生蓋隔屬行差艱苦較倍真水火倒懸之厄也幸賴今

巡撫大司馬中丞賈公諱漢復憫中州繁苦衝疲甫下車卽繪圖抗疏分差山左旬日間民樂休息而廩延一站使輶杳然於是

驛傳道程公諱澆開封府知府席諱式各公議站途衝僻令諸邑通融撥協以資緩急知縣余縉復條上封延協濟始末謂夫馬宜亟撤事下道府公議咸稱邑論至善

兩臺可其議遂令封以十五年應領銀一千兩助廩延爲夫馬費而以封馬二十八代廩延驛撥協南陽諸邑是役也封雖勞費出於分外而感荷

上恩若離湯火登衽席從此殘邑吏民其庶有室家相保之慶乎前後申牒批辭幾數萬言不可盡載具詳縣卷中今略載撤免原申併

部院暨各

上司詳批以志始末俾將來封邑吏民世世知

憲恩拯救之實蹟云耳

一本縣申爲衝途之驛站既蒙 恩改無益之協濟併宜撤裁謹據實叩陳

仰祈

憲鑒俯酌以節

國用而甦殘邑事順治十五年十月初五日據本邑鄉紳趙光普袁孕秀萬泰等通學廩增附生員劉漢宮趙象賢韓逢暘等鄉民孫應龍李之龍石民燦

封邱縣志

卷三

二十二

開封新豫印刷所承印

等呈稱封邑瀕河殘苦在中州最稱凋敝自順治七年河決朱源寨九年又決大王廟口本邑全境衝浚城郭鄉村成成巨浸紳衿民役逃生外壤地土盡委洪波官吏寄居荒野從古災難之慘莫斯爲甚近雖決口告塞而流民尙未全歸榛莽猶未半墾蚩蚩子遺卽勉辦本邑之賦役猶屬剜肉醫瘡安能爲鄰邑代行差徭以致重困難堪乎查中州驛遞北有廩延南有大梁此亘古額設之程途從無封邱協濟夫馬之事載在

憲案班班可考奈廩延不情之板累疊經申告業蒙前

上臺鑒封民疾苦之情令封邑暫貼延津馬三十八匹夫三十名代延行差於司庫歲撥補銀一千六百餘兩以濟封邑夫馬之費此雖荷

上臺矜恤之深仁無所不至而封民之苦累實不堪命矣况查前此議貼者

不過爲中州驛站衝繁輪蹄如織恐廩延一日不支勢必悞
皇華而稽

使節故不獲已寧令隣封朋受其苦以共濟迺事耳今幸蒙

巡撫部院曠恩殊德念兩河衝站之累抗

疏繪圖分差山左業蒙

俞旨頒布數月以來江浙閩廣之差皆改轍東道廩延恣梁一帶盡已休息安

寧較前之騾騷困弊者真不啻天壤矣普等思衝站既蒙蘇息協濟之苦亦

宜沾

恩况歲領帑銀一千六百餘兩養此無用之夫馬令其坐食邸舍間不但虛
費民力抑且徒糜

封邱縣志

卷二

二十三

開封新豫印刷所承印

國用曷若及時申請撤免令殘邑沐更生之慶而

國家省無益之費乎且差使既稀卽廩延舊設之夫馬儘有餘力亦何事於經
制之外多此贅疣以苦累凋殘之隣境耶爲此亟切籲懇伏乞轉申待命等
情到縣據此該本縣知縣余縉看得封邑舊無協延夫馬其暫議幫貼者原
因前此中州驛站衝繁廩延屢申呼籲在前

上臺亦不獲已而勉從厥請也自奉

批示行差以來雖歲蒙

憲恩撥給封邑銀一千六百餘兩以資芻糧而隔屬辦運困苦罷敝之狀實
所難堪卑縣前此亦屢屢申告具詳舊牘中想

憲案尙可稽閱也然自十三年秋迄今隱忍二載無敢妄聒者總緣郵政孔

艱知

憲裁調劑之難不敢不仰體耳今幸逢

憲臺不世之恩憫念衝途繁苦抗疏具陳均差隣省業奉

俞旨頒布數月以來廩延一帶差使頓焉休息此誠曠古殊典也封邑鄉紳士民感激洪恩見郵政既已安暇協濟俱屬無用而芻葑菽粟等項猶然餽餉苦累力求推

慈甦息等情具控且以坐食之夫馬虛糜匱缺之金錢在吏民均有所不安合無懇請

憲鑒軫封邑災苦之情酌方今長便之計

蚤賜撤免以卹殘邑而節

封邱縣志

卷三

二十四

開封新豫印刷所承印

國用實

垂恩萬禩之道也緣係衝途驛站既改無益協濟宜撤事理擬合具詳申請撫院賈

按院李

驛傳道程

本府照詳去後該開封府知府席

覆詳看得封邱協濟延

津雖非舊制然爲日已久而一旦議撤在延津似爲苦難然已經分道行差卽延津夫馬將來尙未必照額留用而况在協濟之封邱乎其不能仍舊協濟也不待智者而知之矣但念延津衝要之地且今歲尙或有已往勘合仍由舊路者姑准將封邱原協之馬二十八匹歸併延津再將封邱應領十五年撥補銀一千六百兩內撥給延津一千兩以爲芻牧募夫之用以後封邱

免其協濟卽令延津全領其撥補銀兩一摠支應可也在延津得銀得馬不爲稱苦而封邱雖目下協銀協馬亦可免將來越境支應之累矣本府面同各該縣酌議已定似爲兩得其平伏候
憲裁定奪等因呈詳

驛傳道程 照詳蒙批仰候轉詳行繳案照先據該府詳呈到道據此該本道覆詳看得封邱原未設有驛站緣會省水患取道封邱今水患旣平路歸故道馬在延津封邱喂養殊有未便然初當改路遽難議裁應將封邱協濟夫馬交付延津並將應領十五年撥補銀一千六百兩內准延津領一千兩以爲收馬募夫之用封邱免其協濟可也等情照詳蒙

巡撫部院賈 批據本道呈前事蒙批果係面商安確卽如議行仍候

按院詳行繳等因蒙此又於順治十六年閏三月初四日蒙本府帖文同前事蒙

驛傳道程 案驗順治十六年二月二十九日蒙

巡按李 批據本道呈前事蒙批旣經議妥照

撫院詳行繳

土產

穀類 黍 稷 稻 粱 薺麥 藜麥 玉麥 蕎麥 粟 蜀秫 黃

豆 黑豆 扁豆 菘豆 茶豆

泉類 布 縑 綿 絲 紬 錠 藍 紅花 繇麻 葵麻

木類 榆 柳 桑 椿 棠 槐 楊 楮 柏 松 桐 竹 葦

苜蓿 黃楊 棟

蔬類 芥 葱 韭 茄 蒜 白菜 蘿葡 葫蘆 蔓菁 王瓜 西

瓜 東瓜 南瓜 菜瓜 蘑菇 絲瓜 菠菜 芹菜 匏 藕 藤蒿

芫荽 蒼蓮 蒿苳 莧菜 豆角 眉豆 黃牙

果類 桃 李 柰 杏 梨 柿 核桃 石榴 梅子 花紅 杪菓

葡萄 甜瓜 棗 軟棗 櫻桃 柀果 文冠果 棠梨 無花果 白

果

花類 菊 牡丹 芍藥 雞冠 刺蘼 葵 絳桃 碧桃 薔薇 月

季 黃梅 木槿 玉簪 臘梅 紫丁香 紫荊 海棠 地棠 蓮

萱 石竹 錦蝴蝶 絨花 木香 百日紅 迎春花

封邱縣志

卷三

二十六

開封新豫印刷所承印

藥類 地黃 半夏 牽牛 枸杞子 甘草 薄荷 地骨皮 車前子

益母草 桃仁 杏仁 瓜蒌 香附 兔絲子 金鈴子 鳳眼草 紫

花 地丁 茴香 米殼 皂角 椒 艾 葶藶 阜蓮花

毛族 騾 驢 牛 羊 犬 豕 兔 獾 貓 狐狸 鼠 獐 野

豕

羽族 鵝 鴨 鷄 鸚鵡 雁 鴛鴦 鵲 燕 天鵝 禿鶯 提壺

鳩 鶴 鷓 烏 雀 鷺 鸕 鷗 野鷄 野鶴 鴿

鱗族 鯉 魴 鯉 鮓 鮒 鯽 鱧 鱖 鱉 鱉 鱉 鱉

蟲族 蠶 蜂 蝶 螢 蚊 蠅 蛇 牛 蝸 蟬 蟋蟀 蜘蛛

伊威 螳螂 蚯蚓 蛙 蛾 螻蛄 螻蛄

蓋聞五方之士不一其性其所生亦不一其物故候息耗者視其封疆田疇畜產虛實繫國用饒乏尚矣封土無他奇產卽篇中所載多昔有今無者舊西南陡門多繭絲臨清客來貿易今屢被河災蕭索殊甚東留光集地宜綿今人民懼盜逃竄十存五六且習俗黠窳卽耕蠶工賈力有未盡况其它乎周有虞衡川澤以盡物利凡牛羊糜鹿豕犬皆有所養今百姓僅稍知種樹而河灘隙地尙多不毛萬歷三十九年知縣張鯉貸藏金一百五十兩與蓋中灤城人民買牛耕田歲終收入始將原銀還官蓋勸導自上地無不可田人無不可耕用無不可足者若彼石壁菁茅之謀君子所不道也今第使邑亡嗷民地無曠土而復以樽節愛養之方裁成於後是亦厚民之一端也

按封土產自五穀而外無可稱方物者卽桑棗瓜菓之屬他邑在在有之而

封境寥寥罕見蓋河患相仍諸物產經滄溺後種類幾絕惟飛走之屬甚爲繁殖然田豕害民禾菽狼狐竊食鷄犬而愚弱之民僅知持兵自衛鮮能作網罟以佃漁者良由風俗拙樸自蔬布米粟而外無他嗜好亦近古之遺也先正慮河灘不毛而邑令輒貸官錢以助牛種近日負郭膏腴之地皆荏葦彌目而庫藏罄懸又無可假貸以資耕植不識古人處此當以何者爲良法美意耶

物貢

明初歲稅絲四千五百兩五錢四分六厘九毫郡志云農桑絲綿捐絹二百一十八疋二丈一尺六寸七分五厘

歲納野味皮翎張枝九千九百二十八隻鷓鴣四隻折鈔三十三錠四貫二

百文雁十七隻折鈔一百四錠八百文羊皮二百一十八張折鈔三百八十五錠二百文翎毛九千六百七十九枝折鈔二十九錠一百八十五文稅草三萬五千四百九十八束十三斤八兩一錢

按農桑絲絹及翎毛皮張等項自明神宗朝用閣臣張居正議俱併入條鞭銀內今款項雖列而每歲祇解折色於本省藩司交納真便民良法也

課程歲辦商稅等項八百七十錠二貫四十文酒鈔一百五十四錠四百二十九文房鈔一千錠六百四十文缸鈔八十六錠四貫四百文打鴨鈔七錠商鈔二千九百六十三錠八百三十二文門攤鈔二百五十九錠四貫九百文戶口食鹽鈔七萬五千六百三十貫郡志云稅課鈔銀四十八兩六錢九厘鹽鈔銀一百八十九兩七分五厘

萬曆四十二年福王之國渡河封邱例宜造船三十隻知縣王策捐金貨兩河

封邱縣志

卷三

二十八

開封新豫印刷所承印

行船暫用遂免
伐木加課等費

按課程商稅等項皆明初行鈔時法也後鈔法沮格不行因改爲徵銀概省入條鞭總解藩司

太史公曰自農工商交易之路通而龜貝金錢刀布之幣興焉封匪九州腴奧金綺華實鮮可爲國珍者卽舊志所載一二絲翎等項已不知何所處辦查漢法自食租衣稅而外無過取民且散幣邛夔以寬物力歷數世而後百姓富庶蕃殖佐伐南北支費數十萬迨武帝權酷郡邑空虛財賂反衰耗而不瞻然則監前代虛實之故故知藏富於民實至計已

按封夙稱殷庶猶無可充物貢者矧近日河患之餘閭閻凋耗卽老稅一項舊稱出之房稅門攤今城郭邱墟彌望皆荆榛瓦礫而每歲督徵如故邑令

捐俸賠解習爲常例矣又如鹽鈔一項當時行開中鹽輸粟實邊故於各州縣徵鈔以給緣邊將士今開中法已變而鈔徵如故况封民生齒寥寥每歲鬻商鹽一千餘引恆不克如額官民並處極困而參罰之累歷歲不免商賈或射利高其價值則鹽益壅滯不行而逐末者亦病此尤於國課民生關切至重所當亟議變通以善後者也

徭役

封差役前三歲一審今一歲一審輕重止以地畝多寡爲差每里十甲每歲一甲應役十歲遞至十甲與古先王歲用民力不過三日之法相合萬歷四十一知縣王策任封接父迎養不用封役一人令佃戶數人肩輿抵任 舊二十六里共審大戶二十六名錢糧徵收起解盡付其手率或私費官錢及擅藉支不登記簿或至重征小民萬歷

封邱縣志

卷三

二十九

開封新豫印刷所承印

三十九年不用大戶錢糧止令吏收官解

封邱知縣張鯉每起解銀兩正數外凡添搭火耗等費量給與之後

因爲例大戶免賠又裁革原催二十六名不用

按徭役一項自

本朝蠲免悉盡民最暇逸封土雖疊罹災患而兩稅之外民足跡不入公舍大戶既免賠累小家亦鮮追呼誠盛世事也苟相繼休養無忘孳育瘠羸其漸有起色乎

封大差如梢草廠夫倉斗級臨德二倉運米等項皆賠累不堪今起運銀兩一體加貼又革廠夫斗級官吏監之俱屬良法至如歷代兩稅輪差唐楊炎

宣宗制輪差之制

明初五十一子之條

明會典云民五十以上一子應當役而無田者許代之

則優恤民力之至意法外

之仁也

按梢草廠夫及倉斗級等差久屬召募不復僉報富戶矣至臨德二倉運米解役雖以吏書領之而每歲勞費多寡及掣批遲速往往不同蓋人有優劣時有難易不可不選擇而責成也外有漕米一項每歲正兌耗米九百餘石委本縣丞部解至小灘兌軍秋成畢起運迄臘盡竣事舊例先徵米價於道口買米上載船運至小灘近更於本縣買米卽覓車陸運往彼較爲安捷

馬政

正統十一年山東鉅野縣因彼處地方災傷將種兒騾馬二百五十匹暫移封邱寄養

宏治八年吏科韓給事中陳請減去種馬四十正匹止存二百五匹約養馬

封邱縣志

卷三

三十

開封新豫印刷所承印

人戶一千八百四十五丁遞年起買正儀給軍操馬二十匹用銀七百兩折馬銀用銀四百兩往年富戶起儀萬歷四十年知縣張鯉裁革不用官買官解並不派及百姓

按儀馬近祇解馬價且除荒減徵每歲令縣役徑資至太僕寺交納民間無養馬之累

走遞馬舊六十匹後革去十匹萬歷三十五年又添五匹共五十五匹共給

銀一千三百七十五兩

開月加銀一百一十四兩五錢八分

按本邑走遞馬自前奉文撥協廩延止存馬十匹每日遞送公文及京報塘報咨文會稿等項殆無虛刻往往竟日馳驟不遑芻秣旋致倒斃然今猶寄處村落無使節往來上臺至止故馬雖不敷尙可勉支將來歸署邑城乘

傳雜沓豈此數馬遂可供應乎按例申請以遵舊額似不可緩也

昔韓給事中論疏謂各縣坐落地方水衝沙漲不堪耕種一概坐派馬匹愈

加負累故減馬若干然今猶於春秋二季招買他郡起俵馬二十匹自宏治

八年迄今未還彼處歷年既久糧差歲增喂養日費苦不可言後之仁人君

子必有所以處之矣至走遞馬近日驛絡煩騷烙馬一匹外剩畜馬三兩匹

乘傳旁午而至則併用之馬一而用三價一而馬三豈可減哉周禮校人掌

芻牧而戎馬之出於邱井者因地以爲多寡馬政之立可謂善矣下及漢唐

政有善否而閑廐之登耗隨之至宋景德廐馬充牣在外十四監馬政之設

有自來矣其法官給孽生之本賦出飼秣之需皆則壞而成殆非無名之役

兵防

封邱縣志

卷三

三十一

開封新豫印刷所承印

洪武初設教場於本縣正統己巳于肅愍公始設機兵以爲城守舊馬步民

壯共一百五十一名今止存七十四名萬歷四十四年城西小斗門巨盜二

令典史項廷輝領縣兵快攻擊偏賊自縊自焚死者九人餘全獲縛無一人脫者擒賊奇功從來未有

按馬步民壯近經裁汰止存經制額數共五十八名而地畝除荒較多工食

不足糊口每歲藉藩司撥補僅給其半此輩貧瘠最易流亡嘗有禦寇爲寇

之憂雖

功令屢飭訓練而馬匹弓矢不能全辦即操演亦同故事耳防守巡緝自應

有整厲鄉勇之法未可僅恃諸役也

兵者盛世之所不諱言也易謂除戎器戒不虞蓋取諸豫今所恃禦侮守城

者民壯已耳且數不滿百農又不習兵無論材官騎士步卒不堪京衛宿邊

卽一旦有草寇奸掠蹂踐中原大者如劉六王堂小者如師尙詔高曹輩孽萌起何以待之古先王制師旅卒兩以講武事而又舉蒐苗獮狩以習戰功其備甚周明武功最強郡軍輪聚北藩然皆藉民養兵郡縣土著殊弱漢人調兵起田中爲吏卒衛士業農桑唐府兵更番執耒荷戈以從事皆有寓兵於農遺意今可略倣一二設行若城守一事呂都撫曾行之畿右寧謐至今成法可攷至韜略武經七書百將傳兵略諸書間令一二章弁習之久當精曉可用黑山黃巾之變如吾封昔日者亦可爲寒心矣今不可不思患而預防也

祥災

周木生連理

韓馮與其妻息氏爲宋康王所逼仗義死節葬青陵臺下有梓木生於其塚根連於下枝交於上常有鴛鴦棲於其樹後化爲

封邱縣志

卷二

三十一

開封新豫印刷所承印

飛蝴蝶去

漢文帝十二年十二月冬河決酸棗東潰金堤流入封邱

是歲東郡大興卒塞之

漢成

帝建始四年河決東郡金堤

按漢書河堤使者王延世用竹落盛以小石兩缸夾載而下遂塞河口

鴻嘉四年

河復決金堤弗治

時李尋議尋河故迹而穿之且因其自決以觀水性何居然後圖之故止弗塞民甚苦之

桓帝延熹八

年豫州饑四年河水清靈帝建寧四年二月河水清

按河清爲聖人出又河竭而夏亡桓靈漢祚將

亡河奚自而清哉或亦河流近竭勢緩故清耳不然則祥災事應幾於謬錯而不可信矣

中平元年夏妖草生

大如手指爲龍蛇鳥

獸形五色頭目毛羽皆具蓋

建安二十五年九月大水

晉武帝泰始四年九月大水七年六月沁水溢出

傳曰簡宗廟廢祭祀逆天時則水不潤下

咸寧

四年螟蝗害禾稼

唐五行志云國多邪人居位食祿如

安帝義熙十一年五

月慧星出天市在房心北

隨開皇十八年豫州大水仁壽二年大水

唐高宗永徽六年汴鄭等州大水傷稼京房易傳曰誅罰絕理饑而不損厥

也肅宗寶應二年九月甲午河清德宗興元元年春熒惑守歲星在角亢史記

天官書曰火犯守角則有戰熒惑火星貞元元年河南諸州饑穆宗長慶元年九月戊午河水

赤三日劉向以為火沴水也問密而刑虐則五行色變

五代太祖廣順六年六月晝晦漢五行志曰思心之不容厥罰霧時則有黃皆黃祥大風晝晦

宋太祖開寶元年蠶織成被色人程鑠家蠶自織成被廣五尺長倍之

淳化二年正月熒惑犯房第一星多無冰真宗祥符二年八月封邱蝗仁宗

天聖二年封邱等十三縣大旱英宗治平七年黃河沁河二水泛溢合流至

封民禾沒盡

封邱縣志

卷三

三十三

開封新豫印刷所承印

元世祖至元二十五年河決封邱漂禾壞屋順帝至正四年貴魯濟河得石

人於黃陵岡一眼童謠云石人一隻眼挑動黃河天下反此詩妖也是年買

斬黃之兵起明成化初年棠綻冬花彭儀妻吳氏夫卒欲殉葬遂自縊死十九年

大旱二十一年大有年五穀豐稔正統十四年河決宏治二年河決荆隆口

六年河復決荆隆口水浸城下全邑幾沒是歲黃河吞沁正德六年劉賊攻

城不克劉六劉七皆霸州文安嚮馬賊將齊彥明等衆號十萬夏四月自

自汴北渡河督參將宋振等共奮勇截戰敗賊於劉脚追奔五十里賊驚散

逃走繼而僉事陳和率毛葫盧兵三千分巡至此繕城隍飭武備以待不虞

十一月賊果自昨城延津復來攻城知縣張守同教諭何瀚以忠嘉靖七年

大旱蝗民多饑死二十二年有秋三十二年大水浚民禾六年大稔萬歷四

年四月雨雹毀麥禾八年雨錢有錢飛自空中止十五年三月地震地下有聲

北來自申至七月河決荆隆口大灌封邱河水濕溢決堤數十丈突至封邱

夜半動數次盡人民溺死者不可勝紀水至勢甚湍急賴邑磚城完固知縣李養賢率城中民囊土禦寒城得保全然沒城數仞浸灌月餘水凡三至民甚危苦因設

北河捕 十六年三月大疫榆莢落後瘟疫流行民死者十八年三月大風晝

晦黃沙蔽天見其掌風忽起石沙相半白晝如夜舉目不止三十四年七月大

水三十五年六月飛蝗過野投河而死禾未甚傷秋七月大水霖雨六十日

禾盡沒潞水入城市可行舟嗣是連年大水霖雨旬日則黑洋山及古潭口水泉泛溢輒流入封害民禾稼傷有董家堤可以禦水今議補築舊堤障水

令水歸故道萬歷四十年枯樹流液不止邑人耶道隆幼事親孝父疾割股

北注未果萬歷四十年枯樹流液不止活父有枯樹流津液不止人謂可療病云

萬歷四十二年河決小桃園萬歷四十八年河決陽武胡村鋪直衝封城賴護堤堅完城獲無恙是年縣西南三十里磨兒張界碑自移二百餘步忽仆

封邱縣志 卷三

開封新豫印刷所承印


崇禎四年河決荆隆口由長垣曹縣毀張秋安平堤北入海河道陸之祺北河同知程之試知縣任治統督夫匠捲埽堵塞五年復決至六年大工始告竣

崇禎十二年歲大稔穀價踴貴比戶絕炊牛馬無芻撤屋草以飼貧人摘野菜螺蚌食之餓莩載過十三年春大旱風霾蔽天麥禾盡稿至秋東方羣寇大起袁賊突犯封城知縣蘇茂杓拒却之八月隕霜殺菽十四年春瘟疫大作人死十存一二蝗蝻蔽野斗米價至數金民採木皮草根嚼之至有父子相食者遺民渡河就食多為流寇所俘獲免者無幾

清順治七年河決朱源寨毀民田廬幾盡順治九年河決大王廟口直灌封城官民廬舍悉毀水初至聲如轟雷人有溺死者賴邑人御史李嵩陽子承

統買舟濟之獲全甚衆十一年夏霖雨連月平地水深丈餘壞民禾稼民間
墻宇傾頽壓死人畜無算多大饑十三年三月黑風大作白晝晦冥老弱在
道者多仆絕發屋拔木信宿乃止夏六月飛蝗自北來蔽川塞野知縣余縉
齋戒設壇步禱踰夕蝗盡南徙遺蝻不嚙禾稼至七月悉抱草棘僵死人咸
異之十五年歲大有斗米價值數十錢黔者始暫

易曰天垂象見吉凶凡風雲山川草木人形物怪莫不各有微象先見如董
向諸人所質驗的有可據令覽者懼然動色卽愚者恨當日不卽禳去然而
觀影以察形非湛密者不能由也滌除補救良亦難之春秋書六鷁兩觀大
水日食不一而足時凶悍篡逆備載勒鑿照然事應不爽矣故作善降之百
祥作不善降之百殃物理之常無足怪者雖然天道不可測知人亦不可自
信太過周禮十二荒政蓋猶不可不講云



封邱縣志卷四

學校

蓋自唐虞有上庠下庠夏商立東序西序右學文學至周設膠庠瞽宗科條始備當時若夔稷契臯尹畢散之徒皆佩服聖化度粵千古歷代廣置學宮郡邑皆立學校擇民間雋秀羣之宮墻申之誠令牖以圖書贈以廩餼一道同風化及閭里故封邑士子往往負瓌材節氣潛養闇修崛起有待然而沈淪曲屈多所未伸於戲河圖洛書非封也封接其流鄒魯洙泗非封也封亘其域逆流窮源聞風沾澤泫然可自勵矣古人有言曰通天
地人曰儒朱子亦曰取士大者在經子史時務與夫古今興亡得失之變禮樂制度天文地理兵謀刑罰之屬皆不可不習故曰士不可以不宏毅

封邱縣志

卷四

一

開封新豫印刷所承印

又曰隱居以求其志豈曰染翰操觚遂足以爲士哉

殿宇

儒學在縣治東南唐武德時建元至正間重建明洪武五年縣丞張重海重修

先師廟

七楹明初曰大成殿今改曰文廟

宣德七年教諭陳普建成化七年知縣計璠嘉靖

三年知縣龔治三十三年知縣文大才萬歷九年知縣郝國章相繼重修

國朝順治九年河決衝毀知縣余縉重建工始於十五年八月至十六年正月落成

東廡西廡嘉靖十三年主簿謝鉞修葺隆慶五年知縣李呈明萬歷三十二年知縣陰象坤三十五年知縣趙浩相繼重修順治九年河決全毀今重建

戟門嘉靖十三年主簿謝鉞修葺萬歷二年知縣胡以祚重修

樞星門正德九年知縣劉澄重建萬歷二年知縣胡以祚重修德配天地坊

四十四年知縣王策重修又建興賢育才坊添柵欄泮池宏治十七年知縣王麟創建萬

歷二年知縣胡以祚重修舊基在學外萬歷二十四年知縣王神庫在文嘉

靖十四年縣丞趙昌齡建

神路宏治十七年知縣王麟砌

啟聖祠在文廟東北嘉靖十年知縣孟霽創建萬歷六年知縣葉正蒙三十二年

知縣陰象坤重建

明倫堂五楹在文廟後成化二十二年知縣張天衢正德九年知縣劉澄嘉靖十八

年知縣朱縉相繼建修隆慶五年知縣李呈明重修 敬一亭三楹在明倫堂後中藏臥

封邱縣志 卷四

一一 開封新豫印刷所承印

碑一 五歲註嘉靖十年知縣孟霽建遺隆慶六年知縣李呈明重修 敷教堂

進德齋 修業齋萬歷四十年知縣張鯉重修 東號房 西號房俱知

縣張天衢劉澄朱縉相繼建修 尊經閣三楹有臺高一丈五尺在文昌閣萬歷二

十五年知縣王三極創建 魁樓一座在儒學門內以上俱於順治九年河決全毀

今陸續重建秦公祠三楹在文廟西正德九年邑人建十二年知縣張守嘉靖五年

知縣龔治重修十七年御史石沙玉命知縣易冲增修添置頭門隆慶五年

知縣李呈明重修萬歷四十三年知縣王策重修添設二門甬道增設垣壁

順治九年河決祠全毀今碑記尚存議鳩工重建

按秦公以大梁監司值劉六寇黨自長垣突犯封城吏民駭懼援帥欲率衆

遁走公巡徼適至用忠義激勸羣心遂厲氣登陴賊再薄城殲之殆盡卒全

封邑故封人德之建祠於文廟西云

陳公祠三楹在文廟東嘉靖二十四年知縣文大才重建萬歷六年知縣葉正蒙重

修今全圯議建 名宦祠三楹在聖祠左鄉賢祠三楹在聖祠右俱知縣張天衢劉澄

朱縉相繼建修李呈明重修萬歷三十二年知縣陰象坤重建

按名宦鄉賢二祠尤為報功銘德鉅典今以河決全毀亟議修建 土地祠

在尊經閣東即舊射圃亭地基萬歷二十九年教諭馬載經建 射圃亭在尊經閣東今建土地祠

教諭宅在文廟西北萬歷四十年教諭郭衛民重修 訓導宅一在文廟東一在文廟西萬歷

三十一年訓導紀壯重修四十年訓導齊椿齡建修 以上俱湮毀現今重建

薛文清曰今太學有廟闕里有廟天下郡邑學皆有廟俾所屬各以時飭正

封邱縣志 卷四

二

開封新豫印刷所承印

祀事國家所以致隆於夫子之意可謂厚矣往太牢一祀漢以開四百年之
基業終綱目書祀孔子者六皆深嘉而特與之要未有如明歲時致祭二典
埒於天子者也然尊聖人所以開來學也興賢育才不可緩也古者設庠序
以化於邑仁漸義靡故造士皆有實用足以濟世務而興太平不然即擗藻
揆天聲名若日月亦奚裨實用有補於聖教哉故教有隆替繫國運汚隆士
有真偽關世風醇漓及門之彥與有作人之責者得無致慎於斯乎萬歷四十一年

知縣張鯉羣士子於明倫堂會文給饌時加品題上下以示激勵萬歷四十年知縣王策復於東察院約士子會文給饌朝夕移子臨視并令三師監之

按封自河決後學宮既毀官吏師儒散處村落非督學使者校歲科試則諸
生恆以貧落營生計輟學弗恤知縣余縉殫力訓勉勤加課試有捐本業弗

率教者與教諭宗錫印共懲之數年來士風雅馴好學彌篤公廷遂無曳裾近文廟各祠宇陸續重建將來興賢育才勿遷其地而文行相砥俊髦蔚盛封庠其有異舊之觀乎

綸音

洪武十五年頒

禁例於學校鐫勒臥碑於明倫堂之左永爲遵守

今臥碑移置敬一亭

嘉靖五年頒御製敬一箴五箴註

嘉靖九年頒御製正孔子祀典說

在昔有周制成均立宗伯令一國子弟教以中和祇庸孝友乃諷誦言語諄諄警覺甚且濫以管絃象以箏舞用以申巽命惕遊佚也今諭立戒甚嚴牧

封邱縣志

卷四

四

開封新豫印刷所承印

師鐸作人釐有成法士且蒸蒸丕變矣然石篆止屬空文偏趨徒習揖遜謂宜時親講幄舉昔日二館三舍舉幡歌雅之事時一舉行於以滌蕩身心振厲惰窳則敦倫力行之士且將淳艾而起無日叔季之世難與思皇媲美也以上舊頒宸翰皆淪胥悉盡矣

國朝嘉惠作人新制肇錫來茲金石之篇自有

天章煥發者於論鼓鍾當不止雅歌誦習爲一代菁莪之化已也

書籍

洪武十四年頒書於學校

四書大全 見存十六本

易經大全 見存十一本

書經大全 見存十本

詩經大全 見存九本

禮記大全 見存十七本

春秋大全 見存十八本

性理大全 見存十九本

永樂十七年頒書於學校

大誥 見存

大明律 見存

五倫書 見存四十九本

爲善陰隲 見存

封邱縣志

卷四

五

開封新豫印刷所承印

孝順事實 見存

勸善書 見存六十三本

歷代添置書籍

文獻通考 見存四十五本

文類 見存十六本

大明會典 見存三十九本

大明一統志 見存十一本

河南總志 見存七本

朱子語錄 見存八本

大學衍義補 見存三十本

史記 見存二十本

通鑑 見存三本

禮書 見存七本

樂書 見存六本

周書 見存八本

晉書 見存三十一本

宋書 見存三十七本

梁書 見存十本

陳書 見存七本

隋書 見存二十本

封邱縣志

卷四

六

開封新豫印刷所承印

魏書 見存三十二本

五代史 見存八本

元史 見存四十本 以上歷來失遺不全後漸添補

萬歷四十二年添置書籍

大學衍義補 六本

史記評林 四十本

五代史抄 十本

荆川文集 八本 知縣王策添置并置書櫃藏貯

以上諸書舊志已云散亡當不至洪流潰決之日始全委波臣矣蓋河朔經史子集家藏者最少借書還書恆多舛謬學博稍瞻顧人情任其攜取五車

二酉旋爲河東三篋矣嗟乎柱下之文不灰於秦而燬於咸陽之一炬封庠之籍不漂於水而溺於好事之乞觀雖大小不倫而顛倒紊失其可太息痛恨者若相類也

自結繩而後聖王有蝌蚪鳥跡之文而書契興焉然書所以載道也道在六經四書則至精微迨有宋諸儒述演發明聖道燦然簡牒有目者皆獲共覩矣楊子雲曰著古昔之噤噤傳千里之恣恣者莫如書歷代諸子百家遞有纂述而照代爲盛然龐雜亦甚傳會不少乃經義典謨并御製諸書則皆大經大法藉以正人心厲世風者所謂羣書郭郭也舊志失載今特按蒲城志及學中書册一牒謄書於右索之學宮則散失多矣深咎往日藏貯不謹典守非人遂致殘缺令車書一統之世封獨不睹典謨訓誥之全也後之人有

彙次而增補之者斯亦繼往開來一事嘉惠後學豈淺鮮哉

按學宮羣書爲多士誦讀師資之要典今散佚已盡亟當購補增備以充講習且立厲禁條約以杜後來竊匿之弊俾主藏者世守勿失更設立書田數頃歲收租稞資買補凡士之單寒無藏書者令得時赴學熟習願手錄者聽之如是則古學蔚盛雖窶士之腹便便富於武庫皆通經適用之才矣

祭品

鐵香爐四十五箇

銅爵盞三件

錫爵盞一百二十二件

錫籩豆二十二件

鐵花瓶一副

鐵蠟臺一副

祭帛匣六副

祭文板二座

絹帳幔五副

布帳幔四副

木籩豆五百件

萬曆三十九年
知縣張鯉置

春秋加意祀典凡牲牷肥腍黍盛豐備必書詩重犧尊禮謹薦俎蓋祭貴備物能備然後能祭然祭物非自外至也自中出於心者也故祭統謂致其誠信奉之以物道之以禮明薦之而不求其爲此仁孝誠敬之至推之師聖則

愈大而備矣豈曰此器數之末庖人之守哉

按舊志所載祭器因河患後蕩然無存矣近重建文廟役夫隄土所獲鐵爐臺之屬甚多而銅錫器具百不存一意水至時已爲人所豫竊也今聖域巍然而樽俎不備享祀盥獻奚以薦誠有教養斯民之責者制器尙象以志蠲潔誠不可旦夕緩也

養田

嘉靖四十年

輸學田三十畝生員劉勃劉勅輸

在留村提學副使
發尙義局旌其門

萬曆二年

置學田一頃四十畝知縣胡以祚置

在縣東
三里許

萬曆三十九年

置學田二頃知縣張鯉置

在柳固立石界
有學田碑記

昔司馬君實不期溫飽豈以士而沾沾升斗以自給耶孔子曰行已有恥孟
子曰有恆產者有恆心則所謂倉廩實知禮節衣食足知榮辱者豈虛語哉
官以養廉士以養恥故於廩餼之外別有養田以給士者上之人厚士意也
若士則窮當益堅矣

按封庠舊置學田皆勒碑鬻宮以防兼并杜廢弛也近田在草間蕪穢不治
而士之貧無立錫者亦不敢擅爲耕墾蓋賦稅徵催甚速恐荷鍤甫歸而追
呼立至也詩曰季女斯饑楚辭曰西施負薪言公田廢而贍養無資猶責窈
窕者以樵蘇之役而靜女淑媛刺繡紋不若倚市門也嗟夫戶無斗筲鳴琴
在室當塗者可不亟爲之所乎

封邱縣志

卷四

九

開封新豫印刷所承印

社學

社學有九在縣者二一在縣治西一卽稅課局在鄉者七中灤城大張村一
新興集一馮村集二劉光集一千家店二俱嘉靖二年知縣龔治建修隆慶
六年知縣李呈明重修萬曆四十三年知縣張鯉重建

社學升於小學實次於學校學理無精粗特功需馴詣耳程子曰學須合內
外之道一天人齊上下學而上達故古人十五入小學盥弁食息各有所
養非僻之心無自而入今人鄙薄日用動希玄解是猶未陟絜絜而欲登崇
山未識涓涘而欲測重淵也故蒙養作人猶當以社學爲始而司社學者尤
貴得人始訓習有實效云

按社學卽古小學也封先世賢令建置者九其於作人勸學可謂篤且摯矣
惜歲月漸久茂草叢棘中遺址無可復辨今議擇村落繁稠之區仍各設數
楹以資教育凡民間子弟年十歲以上天資穎敏者俱得入社肄業選庠衿
老成有學行者爲之師歲時廩給衣襪之屬官爲措置其生徒貧乏者從游
勿受館穀書冊楮墨諒爲調濟以俾奮勉如是則鄉里受學者益衆而由小
學入大學循序漸及教無躐等誠萬世不易之良法也

鄉約

明郡邑各設鄉約所揀里巷耆碩充之每鄉約立正副二人平居則令羣鄉
民子弟訓說以爲善道理朔望則聲其勸戒令小民環堵而聽之無非欲民
嚮善安業無卽嚮頑也三代有鄉老掌鄉之政教禁令鄉射鼓鐸詢之衆庶

月正讀法歲終考事用以敦比誼行糾舉姦惡故其民比屋可封今諭民孝
順六語簡切明盡與臥碑相爲表裏所謂勞來匡直又從而振德之者非耶
使家喻戶遵豈不和容媻穆人皆良善柰法久民玩舉行視爲故事鄉約正
副任用或非其人昔黃次公親執俎弁鄭子產不毀鄉學百姓化之俗以愿
美古人留意於鄉學若此舊刻中有一二鄉約事宜可行者附錄於左

甲飭鄉甲約曰

甯陵呂坤按
察關中刻

成周立教監於夏商士有庠序學塾以合其

羣民有比閭族黨以萃其渙故百井結爲一體千民聯屬成家觀俗於鄉則
里仁爲美化行於下則百姓親睦未有人各任情家自爲俗而成遷善遠罪
之治者也自教衰民散之後惟鄉約保甲最良雖化民成俗之意未及古人
而軌衆齊物之方實仍前代茲法累朝申明建白不啻再三矣奈約束不擇

善良編派委之里老時逢朔望聚者豈無千人講者不聞一語混雜而來饑
疲而散聖諭昭揭違違誰復知聞罪犯逮捕繩糾獨憑三尺積習既久振舉
實難若殿最之條但以教化風俗爲首則守令之政自以鄉約保甲爲先其
法凡在市在鎮以百家爲率孤莊村落以五里爲率各立約正一人約副一
人選公道正直者充之約講一人約史一人選善書能勸者充之十家內選
九家所推者一人爲甲長每一家又以前後左右所居者爲四隣一人有過
四隣勸化不從則告於甲長轉告於約正書之紀善簿一人有善四隣查訪
的實則告於甲長轉告於約正書之紀善簿其輕事小事許本約和處以息
訟端大善大惡仍記季終報官以憑獎戒如善惡有顯跡約正等不報者坐
罪如鄉閭平居無事則互相丁寧一有過惡則彼此詰責奸宄何所容其身

百姓安得不寡過刑清政簡之效可以漸臻知禮畏義之風可以日長願與
一二有司一講求之儻以怠忽之心應督責之命選擇不得其人激勸不由
其道則其會祇增煩擾約束反濟奸雄非法之無良則行法者之罪也

鄉約主勸

善以化導爲先保甲主懲惡以究詰爲重此法邑皆可行行皆有效

同心共濟約曰

邑人邊有儻守西安刻

鄉約之行先教化而後刑罰移風易俗之方莫

善於此蓋耆老良民百姓之望如有公道正直勸善攻惡積財救貧安分守
法一鄉一村一街一巷人人稱有德者許鄉村街巷百姓連名保舉以充鄉
約之令鄉約令查里民六十以上無兒夫婦能看家做活年力尙壯者卽責
付其侄婿令其收養姑免丁銀不肯收養以不尊敬長上論無侄婿者方收
付養濟院其節婦義夫死事之妻有德之老貧乏不能自存孤苦無人依賴

濟院非其所屑此等善人宜加優賚有司令鄉約開報申上司每年給與粟

布視養濟數差人以禮送諸其家

選用鄉約及導民養老恤貧凡此皆勸善事往時行之秦中民多從之

按鄉約之設化民導俗戢暴禁奸誠令典也封民雅重高年無敢恃壯侮老但旌善罰惡之舉久不行於里社而醇愿者多樸拙既不能以古道勸諭子弟其巧猾無行者或冒充以免徭役則躬罔克藏何由善物此鄉約之法所以日趨於廢格也近又奉

憲令增設木鐸鄉約以資講訓然選舉未獲其人朔望期會僅奉行故事旋亦迂闊視之矣苟欲振刷頹俗以敦古道可不慎重厥選行漢鄉三老之法乎



封邱縣志

王廣慶題



地 150.119
31.2
部 = 3

封邱縣志卷五

職官



古先王建國設官分職以爲民極其事曰治典教典禮典政典刑典其宰
 曰官治官聯官常官成官濶舉凡一邑疆理建置民士學校諸事咸待理
 焉蓋守牧者安危理亂之主也周以六計弊羣吏百司各脩其職掌卽佐
 幕師氏咸無瘵曠明倣周制建官巡行觀使者監舉其上在下則又有口
 碑常存輿論難泯見前慮後模範彰彰已吾封二百餘年以來來撫茲邑
 者佈德振膏咸有造於封邑且善政奇蹟應須紀勒詔示將來用訪耆舊
 及耳目所覩記者并漢唐宋一二鐫之左以見後先媲美且使千載而下
 紀循吏者有所考焉然或備書政績歷履欣豔以數言或止書姓名貫籍
 難假借以一字非敢曰法詩人之美刺效史氏之予奪也聊以垂監於後
 人云爾

按封雖彈丸邑而歷代令長多以循卓著聞通考前後良吏可另爲一傳
 亦寓內盛事也自明季神宗末迄

國朝定鼎初其間遷陟代謝歲月不可盡記而詢諸長老參以見聞大抵徽政
 懿猷相繼焜耀後之牧茲土者遵守勿失則軌轍易循苟事不師古而冀跨
 越前賢沾汲聲譽債轅脫輓之患慮弗免也

官制

萬歷十七年添置北河捕廳同知一員

明初設知縣一員 縣丞一員 主簿二員 裁革一員 典史一員 儒學教

諭一員 訓導二員 陰陽學訓術一員 醫學訓科一員 僧會司僧會一員 道會司道會一員

按周設官正春秋曰宰曰尹曰大夫秦曰令長漢因之宋曰知縣明因之國朝亦仍其名丞簿尉自漢以來俱有

守令

萬歷添置同知

張士奇貢士陝西宜君縣人萬歷十七年任嚴明朴直政治修舉

桑自省舉人山東博平縣人萬歷二十二年任

錢景醇舉人直隸無錫縣人萬歷二十六年任

魯伯淑舉人湖廣孝感縣人萬歷三十一年任謁廟講學雅意作人

封邱縣志 卷五

一一

開封新豫印刷所承印

劉源舉人四川雲陽人萬歷三十三年任

王祈禎舉人山東館陶縣人萬歷三十五年任

馬治道舉人直隸魏縣人萬歷三十七年任聽治明允署開封府印六月民

咸頌之

李化春舉人山東滋陽縣人萬歷四十一年任

潘舜口舉人福建莆田人天啟元年任

陸順天
府治中

林綱中舉人普天縣人天啟年間任

程之試舉人湖廣黃岡縣人崇禎四年任

劉躍龍舉人陝西安定縣人崇禎八年任

蘇翹楚舉人北直景州人崇禎十二年任

牛光斗貢山西蒲州人崇禎十四年任

國朝

張獻捷貢沈陽城人順治二年任陞南陽府知府

楊惠心貢北直廣平府人順治七年任陞本府知府

張爾翮貢陝西富平縣人順治十年任見任

按同知府佐也曷為附於邑志蓋北河之患莫過於封大率亡二十年不潰決者故以北河同知駐劄封城相河勢緩急歲加修築誠捍禦河防之要策也舊官署在縣治西南即布政司行館順治九年河決毀於水今河廳暫遷陳橋

歷代宰令

封邱縣志

卷五

三

開封新豫印刷所承印

漢周舉字宣光汝陽人幼博學洽聞為儒者所宗延禧間辟司徒後舉茂才

為平邱令屢上書言當代得失辭甚切直

尚書郭虔等見之歎服上疏稱舉忠直願帝置舉所言御座以為規

遷并州刺史後左雄薦舉徵拜尚書舉又尚書勸上順四時節陰陽遠邪

佞錄忠貞已而復定廟次典禮止北鄉之謚却梁商之燕卒遷諫議光祿大

夫及卒上嘉舉清公亮直深痛惜之詔曰舉性倖夷魚忠踰隨管予錄乃勳

用登九列賜金錢十萬以旌之

入名宦祠

唐高適字達夫一字仲武滄州人少客梁宋間與杜甫李白相友善皆盛唐作者為詩詞簡而意味深長嘗歌詠吹臺上御史毛伯溫為記有集十卷行

於世適崇尚節義語王道滾滾不厭後舉有道科

開封志云肅宗時為封邱縣令縣志云調封邱尉尉

累官節度使

綱目曰初上皇制命諸子分總節制高適以為不可上不聽以永王璣領諸道都節度使璣反乃遣淮南節度使高適討平之

入爲侍郎擢諫議大夫負氣敢言權近側目人皆敬憚之廣德中任散騎常侍封渤海侯 入名宦祠

宋豐稷字相之明州鄞縣人神宗時爲封邱令封附畿內素苦權要請託稷不峻拒之第直其情取平於法不以人爲重輕人亦無敢干以私者吏民畏

愛之 入名宦祠

元晏只哥兒 大德四年任 劉循 大德九年任

王克讓 至大十一年任 王信 至正四年任

黃漢臣 山人 至正二 撒銀不花 至大二十一年任

明知縣

孟志仁山東德州人洪武七年任

封邱縣志

卷五

四

開封新豫印刷所承印

高昇直隸高郵州人洪武八年任

潘德義江西武寧縣人洪武十年任

劉應直隸雄縣人洪武十四年任

韓九成山西太谷縣人洪武十八年任

衛護山西聞喜縣人洪武二十一年任

王理山東定陶縣人洪武二十四年任

倪起賢山東霑化縣人洪武二十五年任

李恕江西鉛山縣人洪武二十八年任

崔冉山西榮河縣人洪武二十九年任

王亨陝西平梁縣人洪武三十一年任

張彥仁山西安邑縣人永樂七年任

金孟隆江西樂平縣人永樂八年任

白玉山山西吉州人永樂十年任

董珪直隸元城縣人永樂十二年任

王鼎山西山陰縣人永樂二十一年任

王亨直隸定州人宣德元年任

李昱直隸邢臺縣人宣德元年任

張素直隸固安縣人宣德六年任

奚哲山東冠縣人宣德八年任

張茂直隸徐州人正統四年任

封邱縣志

卷五

五

開封新豫印刷所承印

張慎陝西渭南縣人正統二年任

朱昇直隸華亭縣人正統七年任

李大都山東寧陽縣人正統十年任

王遂山東益都縣人正統十三年任

任寅山西朔州人景泰元年任

左誦山西夏縣人景泰四年任

張存釗江西武寧縣人景泰七年任

陳善山東德州人天順二年任

倪昇直隸平谷縣人舉人天順五年任

賈恕山東歷城縣人舉人天順八年任

王輔山西安邑縣人舉人成化元年任重繕城郭民樂爲用時稱得治體
計孺直隸上海縣人舉人成化七年任

董誼直隸雄縣人成化十三年任

李贊直隸完縣人成化十五年任

姜丙山東平陰縣人成化十九年任

張天衢直隸高陽縣人進士成化二十二年任宅心愷悌蒞政嚴明隣邑人

民有訟皆願來質取平擢監察御史歷官陝西兵備副使有去思碑
入名宦祠

馬麒直隸鉅鹿縣人舉人宏治六年任平易近民去後民思慕之

袁仕湖廣棗陽縣人進士宏治七年任才猷敏捷政事無不修舉築護城堤

擢河南道監察御史有去思碑
入名宦祠

封邱縣志

卷五

六

開封新豫印刷所承印

王麟湖廣黃岡縣人進士宏治十三年任性資剛直不避權勢卒於官

熊績湖廣麻城縣人舉人宏治十八年任

王德明直隸清苑縣人進士正德四年任

張守陝西涇陽縣人舉人正德六年任才堪治亂守城禦侮邑民賴以保全

當道實依重之去日民不忍舍爲立祠祀之歷陞四川成都府知府有去
思碑

劉澄陝西邠州人舉人正德九年任學中祭器多所制建士子戴之

張憲陝西涇陽縣人舉人正德十一年任政尙清簡民享安靜有去
思碑

劉洋直隸吳縣人舉人正德十四年任

龔治山東堂邑縣人進士嘉靖二年任恩威兼濟吏畏民懷有古循吏之風

歷陞承天府知府有去
思碑

洪玉浙江淳安人監生嘉靖七年任

孟羈山西澤州人進士嘉靖九年任才敏而獄不留政簡而民不擾歷陞陝西兵備僉事

潘鈇直隸婺源縣人舉人嘉靖十二年任

易冲湖廣巴陵縣人舉人嘉靖十四年任

朱縉湖廣零陵縣人舉人嘉靖十八年任重修封邱縣志

文大才湖廣廣濟縣人舉人嘉靖二十一年任陞四川嘉定知州

于炳府軍右衛籍山東昌邑人官生嘉靖二十七年任

蔡完湖廣麻城縣人舉人嘉靖三十年任有修城功

林宗和湖廣麻城縣人舉人嘉靖三十一年任

封邱縣志

卷五

七

開封新豫印刷所承印

汪本正湖廣江寧縣人監生嘉靖三十二年任

龍子昂江西泰和縣人舉人嘉靖三十四年任

于宏道山東寧陽縣人舉人嘉靖三十四年任革弊釐奸政務修舉

吳越山東萊蕪縣人監生嘉靖三十五年任

張國光江西南昌縣人舉人嘉靖三十七年任

孔宏川山東曲阜縣人孔子七十九代孫監生嘉靖四十一年任

王繼韶山東益都縣人舉人嘉靖四十三年任性資明敏人不敢欺

朱希顏山東德州人舉人隆慶二年任政尙仁慈民多愛之

蕭文元湖廣江寧縣人舉人隆慶四年任

李呈明山東陽信縣人舉人隆慶五年任建修磚城最爲完固可以避兵禦

水邑人至今賴之有修城碑

胡以祚直隸邢臺縣人舉人萬歷元年任重修縣志

張應舉陝西洋縣人舉人萬歷三年任

葉正蒙湖廣黃岡縣人舉人萬歷六年任

郝國章直隸宛平縣人進士萬歷八年任

張澣直隸行唐縣人選貢萬歷九年任

李養質山西蒲州人進士萬歷十四年任直政嚴明力禦河患調陞工科給事中遷密雲兵備副使

張夢鶴山東莘縣人舉人萬歷十七年任

遲可化直隸穎上縣人選貢萬歷十九年任

封邱縣志

卷五

八

開封新豫印刷所承印

馬應圖浙江平湖縣人進士萬歷二十一年任剛方峻直一塵不染折贖止用數錢陞刑部員外郎

顧自植直隸吳江縣人進士萬歷二十一年任作興學校成就人才歷官兵備副使

王三極湖廣黃安縣人舉人萬歷二十三年任建尊經閣

劉三畏山西寧武衛人選貢萬歷二十五年任

詹頤吉四川巴縣人舉人萬歷二十八年任存心愛民政尚寬厚建儒學魁樓有生祠

崔燾山東平度州人進士萬歷三十年任資性明達政尚簡靜

陰象坤山西芮城縣人舉人萬歷三十二年任才優盤錯法制多所修舉有去

碑思

劉民裕湖廣江陵縣人萬歷三十四年任

趙浩直隸長垣縣人舉人萬歷三十六年任學富才充縉紳多尊禮之

張鯉山東平陰縣人進士萬歷三十九年任興利去害甚多革弊黜姦務盡

德威並著吏民畏愛之時治最有聲入覲調祥符知縣有生祠有去思碑

王策山東淄川縣人舉人萬歷四十二年任

張士葵山東東阿縣人舉人萬歷四十五年任

宋學道直隸永年縣人進士萬歷四十七年任大有惠政

馮一鴻浙江錢塘人舉人天啟元年任以同官論陞封邱令性儉朴勤政治

每歲春稅于桑田勸課勤敏置社塾七設更夫百蘇居民城守之累在任四

封邱縣志

卷五

九

開封新豫印刷所承印

載與民相安有大馮君之謠陞真定府同知立有生祠碑記

楊文見

高有聞山東益縣人進士天啟五年任清廉正直捐資重修儒學陞計部轉

陞吏部立有生祠及去思碑

陳時春直隸唐縣人舉人天啟七年任陞浙江台州府同知

李可植湖廣黃岡縣人進士崇禎二年任

任治統山西芮城縣人舉人崇禎四年任

曹宗璠江南金壇縣人進士崇禎七年任

欒國祚山東安邱縣人舉人崇禎七年任陞江南廬州府同知

蘇茂杓福建晉江縣人舉人崇禎十年任政治嚴明禦劇賊有功陞本府同

知流寇決河灌汴殉難

張聘雲南太和縣人舉人崇禎十四年任時值奇荒撫字倍篤後流寇陷都門棄官不知所之

國朝知縣

王開期直隸固城縣人進士順治二年任時值編審以疆域甫靖民困未舒全邑人戶悉定爲九則河工嚴急上檄令封邑買梢草鉅萬衆方愁苦罔措期已令役持帑金赴彼辦納訖而民未之知也凡爲民興利除害初不令人知惟期於事有濟其厚重類如此未逾年陞禮部主事邑人立有德政碑崇祀名宦

呂封齊山東福山縣人恩貢順治三年任

封邱縣志

卷五

十

開封新豫印刷所承印

宋翔號子飛順天大興人丙戌進士順治四年蒞封時當奇荒兵燹之後復新經

鼎革村落丘墟人烟殆絕兼值汴省淪陷往來使節咸假道封城送迎供億之繁不可殫述翔身歷諸艱一以公平簡靜治之民業未復多方招徠勸墾分甘茹苦相與休息生聚教訓無遺力焉公事之暇卽講學課士一時人文蒸蒸蔚起間有巧滑爲民蠹者嚴法剪除務盡惟東省餘寇時介馬突至頻爲地方害翔訓練防禦整厲有法民不知有寇并不知有兵率安堵無驚擾時封城河帑餉銀山積羣盜耽耽終莫敢犯凡貢賦入都者由其道咸賴無虞視事三載封土雞犬相聞烟火相接幾俾隆萬時舊觀汴民失業來歸者卜居鱗集隣封之令亦數借寇願沐治化焉順治己丑歲河決朱源寨四履

皆成巨浸賴翔力禦者復二載致壬辰歲六月河再決城郭廬舍遂潰圻不可復救翔率民登阜每舟楫至不忍先渡必令百姓老幼婦女悉濟而後登舸故露處者閱五日始離城攜家人出焉寄寓於縣西之于家店茅屋數椽頹陋尤甚翔處之怡然惟重念封民昏墊之苦呼號哀痛力請蠲賦稅減徭役以拯子遺窮約日甚撫字愈勤衣被乳哺踰慈母之鞠子焉暇則以讀書娛志而周禮一書尤所深究雖勞憊未嘗釋卷其天性篤學如此癸巳冬以久績陞計部將發前數月念封邑協濟廩延夫馬爲累幾不聊生復力申當道獲撤免殘邑賴以蘇息至今封民戴之大約仁心惠質磊落有風概爲政不事小節處常履變識量崑然尤爲時輩所罕及云今陞吏部考功司郎中余縉浙江諸暨縣人進士順治十一年任

今夫朝廷立監置牧以爲民也乃士出而剖符分壤領民社重寄亦孰不以濟世利物爲心者故朝興一利而朝卽澤逮窮簷夕除一害而夕卽仁流市井者無如守令且發動舉事惟我所欲爲可使事悉得宜民悉得所故昔人往往願爲長吏良以職領專城澤易下究也吾封賢有司後先暉映深仁茂績如昔周豐輩者蓋不乏人奈歲遠僅存梗概而實蹟莫可考詳初任義當需載而揄揚未及一二秉掾者固當徐勒於後惟是近日法網太嚴有司方略鄉導莫可自專申請乞告閭閻又難遽沾膏澤誠無使有司奉官救過不暇而一意民瘼則監司者之責矣

按封邑前令多錚錚有聲卽遷轉亦殊於他邑考之前志及里巷傳述曾未聞有居官不職以賄敗受黜者蓋地雖濱河貧瘠而稟河洛之靈潤鍾嵩行

之蜿蜒故官斯土者率多豈弟愛人勤勞撫字去官之日民亦愛戴如失乳哺歲久猶稱道惠政弗置無異曾稽父老桐鄉子弟也語云蓬生麻中不扶自植後之握符綰綬者苟取鑿先賢亦孰敢肆爲敗類以玷迺邑乘乎修懿萬子曰司牧者萬民之本也周官三百六十屬獨重長正親民故也世之記循卓者衆矣亦知循卓有難易歟蓋天下宴然民社無事卽有事矣而爲所欲爲爲所得爲此日之稱循卓猶易易也今封則時事孔難矣民生多故矣醫瘡剜肉百姓嗷嗷日以疾痛呼父母而父母亦靡室靡家單騎六載身廬曠野手闢汗萊心力殫瘁而荼苦不敢以告人詩曰予手拮据予口卒瘁又曰予未有室家予室翹翹風雨所飄搖予維音嘒嘒此則今日令封者之謂也蓋或當無事而補苴太平或值多難而調濟艱苦或際境治安全而坐守

封邱縣志

卷五

十二

開封新豫印刷所承印

畫一或遭淪胥昏墊而奔走經營其功雖不敢分上下其時則不可不分難易也

僚屬

縣丞

張宗海直隸溧陽縣人秀才洪武四年任適兵燹之餘民多流移留心招撫不踰年而復業者千餘戶自是戶口日增田野日闢陞寧陵知縣

入名
志

秦

世傑直隸廬州府人洪武九年任邑居規制多所建立

孫獻洪武十五年

任 王文直洪武十七年任 周公輔直隸行唐縣人洪武二十年任 方

矩陝西富平縣人監生洪武二十一年任 盛典浙江鄞縣人洪武三十年

任 梁成直隸懷柔縣人監生洪武三十四年任 徐道元浙江嘉興縣人

監生永樂二年任 秦毅山東壽張縣人監生永樂四年任 王琦直隸高郵州人吏員永樂八年任 裕從道山東齊東縣人人才永樂十年任 熊紹宗湖廣天水縣人吏員永樂十六年任 郭敏山東博興縣人吏員永樂十七年任 蕭都山西大同府人吏員十八年任 夏蕙直隸盧江縣人吏員宣德元年任 孟整山東益都縣人監生宣德元年任 郭英陝西邠州人監生正統五年任 金志江西會昌縣人監生正統十二年任 墨芸山西廣靈縣人舉人景泰三年任 陳有信湖廣長沙府人景泰五年任 袁寧直隸江都縣人監生景泰七年任 鄧勉湖廣劉陽縣人監生天順元年任 楊文魁浙江餘姚縣人天順七年任 沈琦直隸棗強縣人監生成化元年任 張達山東商河縣人監生成化五年任 王恭山東濱州人監生成化十二年任 溫英陝西三原縣人監生成化十七年任 范銓山西蒲州人監生成化十八年任 王瑛山西曲沃縣人監生成化十九年任 何源湖廣道州人成化二十二年任 何綺直隸雄縣人成化二十五年任 趙雲直隸永年縣人監生宏治元年任 陳貴陝西狄道人監生宏治二年任 張嵩山西夏縣人監生宏治六年任 龔茂永四川成都府人吏員宏治九年任 李廷樞穎元縣人監生宏治十一年任 劉景直隸蠡縣人監生宏治十二年任 唐森浙江慈谿人吏員宏治十四年任 王相直隸南宮縣人監生宏治十六年任 朱昶直隸常熟縣人監生正德二年任 姚紀陝西通渭縣人監生正德五年任 李貫山西屯留縣人監生正德八年任 李嶧山東泗水縣人監生正德十一年任 杜文貫湖廣長沙府人吏

員正德十四年任 許綱湖廣石首縣人監生嘉靖五年任 呂毓資山東
平陰縣人監生嘉靖八年任 李廷樞直隸宿寧縣人監生嘉靖九年任
趙昌齡山西廣靈縣人監生嘉靖十四年任 尹玉直隸靈壽縣人監生嘉
靖十六年任 陳悅江西高安縣人吏員嘉靖二十一年任 孫士奇山東
嶧縣人監生嘉靖二十四年任 趙榜山西高平縣人監生嘉靖三十年任
周安山東歷城縣人吏員嘉靖三十四年任 賈應彥直隸淮安縣人監
生嘉靖三十七年任 鄭琦直隸蘇州人吏員嘉靖四十年任 姜臣直隸
倉州人監生嘉靖四十三年任 寇學詩吏員嘉靖四十四年任 許長齡
直隸宛平縣人官生嘉靖四十五年任 劉一相山東章邱縣人監生隆慶
二年任 董世宦山東鄒縣人監生隆慶五年任 徐元浙江海寧縣人吏

員萬歷元年任 王玟陝西岐山縣人歲貢萬歷四年任 李凌璜山西陽
曲縣人歲貢萬歷七年任 楊宗祿直隸肅寧縣人選貢萬歷九年任 鄧
伯述浙江寧海縣人監生萬歷十二年任 范時棟山東歷城縣人選貢萬
歷十五年任 朱以成江西清江縣人恩貢萬歷十八年任 王邦治山西
平順縣人選貢萬歷二十一年任 張堯佐山西寧鄉縣人選貢萬歷二十
五年任 陸延津縣知縣勸民爲善修學有功 王序湖廣清浪人選貢萬歷
三十年任 陸四川隣水縣知縣 陳一和江西萬安縣人吏員萬歷三十四
年任 向之廉四川雲陽縣人選貢萬歷三十六年任 陸貴州平越府通判
郭生芹山西曲沃縣人監生萬歷四十一年任 王方泰貢士萬歷四十
六年任 穆孔卓直隸任邱縣人監生天啟三年任 劉奠基浙江山陰縣

人儒士天啟七年任 尹倬山東曹縣人恩貢崇禎三年任陞山西大同府經歷 王宏德江南鳳陽縣人吏員崇禎六年任 張懋勳貢生崇禎七年任 李月蔚山西和順縣人恩貢崇禎八年任陞歸德府睢州衛經歷 羅衆善山西太原縣人貢生崇禎十一年任 麻光宇直隸冀州人恩貢崇禎十三年任

國朝縣丞

聞自明山西清源縣人吏員順治二年任 胡潢浙江山陰縣人吏員順治四年任陞苑馬寺主簿 張大章山西高平縣人歲貢順治十四年任

按丞之佐邑各隨其地職業不倫考汴屬各邑有治河務者有兼轄鹽政者唯封嵒以部糧爲任每歲自漕輓而外輒可運甓哦松昌黎藍田廳壁記其

封邱縣志

卷五

十五

開封新豫印刷所承印

爲封丞寫照耶河決後官無定署常僦居村落間竹籬茅舍桑戶繩樞凄其不可名狀

主簿

游藝直隸宛平縣人洪武八年任 都彬山西陵川縣人洪武十四年任 力伯起福建侯官縣人洪武二十四年任 曾景槐福建侯官縣人洪武二十五年任 郭景義直隸魏縣人洪武二十八年任 石隣山西萬全縣人洪武三十一年任 官口山東曹縣人吏員永樂五年任 許俊四川新寧縣人永樂七年任 婁禮直隸當塗縣人永樂十五年任 周文山東青城縣人吏員永樂十五年任 張縉直隸和州人監生永樂十八年任 賈慨山西平陽府人監生正統十年任 李庸山東泗州人監生正統十二年任

趙應芳四川巴縣人天順五年任 徐闈山東莒州人監生成化元年任
安盤陝西秦州人監生成化六年任 張進直隸高陽縣人監生成化十
八年任 劉霽山東海豐縣人成化二十二年任 楊紳四川閬中縣人宏
治元年任 崔永亨直隸宛平縣人宏治三年任 馬驥直隸威縣人監生
宏治五年任 胡璉山西岢嵐州人監生宏治六年任 張彪直隸臨城縣
人監生宏治七年任 楊昭陝西隴州人監生宏治八年任 張哲直隸高
誼縣人監生宏治十五年任 薛鳳陝西長安縣人吏員宏治十七年任
王弼山東昌樂縣人監生宏治十八年任 賈泉山西馬邑縣人監生正德
三年任 康濟陝西長安縣人監生正德六年任 令秀陝西甘州衛人監
生正德七年任 陳大經直隸開州人監生正德十一年任 杜洪直隸懷

柔縣人監生正德十四年任 周金直隸豐閏縣人監生嘉靖元年任 符
珽陝西武功縣人監生嘉靖四年任 路鏡直隸永年縣人監生嘉靖六年
任 謝鉞山東博平縣人監生嘉靖八年任 張洽陝西平涼縣人監生嘉
靖十四年任 劉惠直隸大州人監生嘉靖十五年任 郭九臯山東靈山
衛人監生嘉靖二十年任 高文光山西繁峙縣人監生嘉靖二十年任
沈席珍直隸慶都縣人監生嘉靖二十三年任 李馨湖廣鄖陽縣人監生
嘉靖二十四年任 杜天祿陝西同州人監生嘉靖二十五年任 高九錫
陝西鄜州人監生嘉靖二十六年任 馬允敬直隸沛縣人監生嘉靖十三
年任 陳縉山西大同縣人監生嘉靖三十一年任 季還直隸倉州人監
生嘉靖三十五年任 毛存古直隸滑縣人監生嘉靖三十六年任 姚景

春山東蒙陰縣人吏員嘉靖三十八年任 朱春旺直隸蘇州人監生嘉靖三十九年任 楊鏜直隸興濟縣人監生嘉靖四十一年任 侯思忠直隸苑縣人監生嘉靖四十二年任 張朝政山東章邱縣人監生嘉靖四十四年任 趙珂山西陸安縣人監生嘉靖四十五年任 張應奎直隸霸州人監生隆慶三年任 邊濬直隸任邱縣人監生萬歷二年任 李歸極直隸遵化縣人監生萬歷五年任 安勳直隸雄縣人監生萬歷八年任 呂騰翼山東福山縣人監生萬歷十一年任 張九苞霸州人監生萬歷十四年任 毛禎江西峽江縣人監生萬歷十六年任 傅思誠浙江山陰縣人監生萬歷十七年任 王從諫陝西盧施縣人監生萬歷十九年任 單汝安山東新泰縣人監生萬歷二十年任 胡效忠直隸定州人監生萬歷二十

封邱縣志

卷五

十七

開封新豫印刷所承印

二年任 趙謙山東嶧縣人監生萬歷二十四年任 鄧元魁湖廣常寧縣人監生萬歷二十六年任 吳汝才浙江義烏縣人吏員萬歷三十三年任 王紳山東昌邑縣人吏員萬歷三十三年任 項仕衢直隸宿松縣人吏員萬歷三十八年任 陳貞吉直隸江浦人 芮惟純天啟年間任 胡廷獻崇禎十一年任 沈成章崇禎十四年任

國朝主簿

鄭世位直隸徽州府吏員順治六年任 蔣一傑浙江諸暨縣人吏員順治六年任 倪夔臣浙江仁和縣人吏員順治十年任 胡耒貢浙江建德縣人吏員順治十五年任

楊庸 直隸江陰縣人 崔福 山東平原縣人 劉贊 山西大同縣人 張名惠 直隸良鄉縣人

六年任 洪武 胡楫 陝西臨洮縣人 張銘 直隸東安縣人 高志道 山東平原縣人

六年任 洪武 朱全 直隸曲陽縣人 宋奎 直隸曲陽縣人 宋鐸 山東膠州人 郭思義 湖廣孝

成化二年 萬通 陝西藍田縣人 董義 直隸趙州人 李性 山東臨朐縣人 李賢

直隸廣宗縣人 趙鑑 山東曲阜縣人 班通 山東莊平縣人 張瀚 山東平原縣

任 曹械 山東東平州人 陳宇 直隸常塗縣人 王儒 陝西涇陽縣人 賈廷章 直

龍慶州人 正德 翟雄 山西猗氏縣人 蔡尙經 湖廣黃岡縣人 楊邦祥 陝西朝邑

九年任 存心 謹 易本先 湖廣黃岡縣人 劉舉 直隸順義縣人 史鸞 山東泰安

嘉靖十年 馬澄 嘉靖二十年 鄭廷瑞 嘉靖二十年 辛仲臣 嘉靖二十年 常安 山東范縣

十五年任 姚錦 嘉靖四十年 陳文伯 隆慶二年 潘時楊 隆慶四年 關詔 山東章邱縣人 沈

封邱縣志

卷五

開封新豫印刷所承印

清 直隸蕪湖縣人 吏 季從大 直隸任邱縣人 吏 王彥 直隸合肥縣人 吏 危建

安 福建建陽縣人 吏 黃隆 福建同安縣人 吏 宋聘 山東樂安縣人 吏 嚴灘 江

清 江陰縣人 吏 萬 陳世登 山西高平縣人 吏 員 唐時化 直隸武清縣人 吏 員

朱大本 浙江山陰縣人 吏 員 王應坤 直隸東光縣人 吏 員 鄧永春 江西南昌

五年任 三十 宋東華 浙江太平縣人 吏 員 尤可增 直隸高郵州人 吏 員 項廷輝

直隸欽縣人 吏 員 孫焯 口口口口口口 吏 孟養恬 陝西華州人 吏 趙啟祥 直

萬曆四十四年任 崇 楊正秀 江西贛縣人 吏 員

國朝典史

姚清 浙江錢塘縣人 順治二年任 張學 直隸清苑人 吏 員

嘗謂分守令之任 共牧民之責 者佐貳是也 官有正副而職同位有尊卑而

事同古委吏士師小官亦凜凜奉法畢忠盡職總之廩祿雖薄皆食百姓脂膏官秩雖微皆沾綸綍卽吾封幕貳先是功能著見遷擢而去者蓋不乏人夫國恩捐糜難報而吏議綜覈綦嚴賢智自能預鑒善敗其厥位惟謹且佐貳連擢三兩任功亦足垂後祿亦足養廉歸里亦足以耀宗祖而重鄉閭故夫勸課簿書糾詰之任均足以造福一邑用垂不朽者奈何不勉之以需後效哉

按張晴有聲下邳仇香不爲鷹鷂而王渙嘆曰枳棘非鸞鳳所棲百里豈大賢之路誠知夫曲曲掾署不足以盡豪傑也昔王龍標高達夫王摩詰諸君子皆以縣尉起家而李藥師由馬邑丞致身將相自古名位之不足困人可概見矣封僚佐歷代多偉人而近居是選者亦超然殊於他邑明道先生曰

一命之士存心愛物於人必有所濟是知職不論大小時不問難易地不拘豐瘠皆可以民社自任皆可以功庸自奮皆可以遠大自期也惜明季姓氏日月多所遺失俟詳考補入

按簿管河尉主捕盜皆劇職也隄防莫險於封而場廠物料委積瀰漫恆恐有意外之虞守堤堡夫皆貧婪善逃緩之則公旬廢弛急之則怨謗交作近以除荒減餼俸入不足糊口而歲時伏臘風雨寒暑頃刻無敢離河渚誠勞苦况瘁之至矣邑界山左直隸東鄉多萑葦不毛介馬鳴鏑者恆締突封壤民居星散力不能禦距邑又最遠尉立法巡徼則賊蹤飄忽恆不能遇聞報率衆捕之則賊已遠颺以故時受譴罰近且城郭未完鳴吠之憂衣裯切戒幸而四郊寧謐少釋重負又有僉委遠役奔驚不遑憂憊踵蹶無片晷暇逸

者蓋豆區微員在他邑或猶康裕而處封之地又際封之時其安危勞逸不可同年語也

師儒

儒學教諭

徐益至山西翼城縣人儒士洪武十六年任 王兼山東莒州人洪武二十年任 王春直隸贊黃縣人舉人洪武三十一年任 劉鎰湖廣黃岡縣人舉人永樂二年任 陳晉山東武定州人永樂十三年任捐俸修學勤誨生徒 徐敬直隸贛榆縣人 潘綸浙江山陰縣人監生正統四年任 葉璿浙江鄞縣人監生正統七年任 朱崇榮福建惠安縣人舉人正統十年任 江永安浙江江山縣人舉人 陸珪浙江慈谿縣人監生天順四年任

封邱縣志

卷五

二十

開封新豫印刷所承印

董人傑直隸靈壽縣人天順八年任 馮珍山東臨朐縣人舉人成化六年任 高繼文福建長樂縣人舉人成化二十一年任啟迪後學多所成就 龐懋直隸景州人舉人弘治六年任 羅文林直隸天津衛人弘治十一年任 何瀚廣東東莞縣人舉人正德六年任教人不忘禦寇有功 莊顯山東歷城縣人監生正德十四年任 李惟粹直隸曲陽縣人監生嘉靖十三年任 張堯弼山西代州人舉人嘉靖二十年任課士有方人文不振 許金嘉靖二十五年任 吳珠江西湖口縣人嘉靖二十八年任 王州廣西人舉人嘉靖三十年任 程鴻儒直隸吳江縣人嘉靖三十二年任 阮繹如貴州人舉人嘉靖三十七年任 衛紹寵山西澤州人嘉靖四十年任 苗長直隸魏縣人嘉靖四十五年任 茅忠直隸上海縣人隆慶三年任

李尙賓河南洛陽縣人選貢萬歷二年任 姚良卿河南內鄉縣人選貢萬
歷五年任 劉紹元湖廣穀城縣人選貢萬歷十年任 劉國元廣西富州
人舉人萬歷十四年任陞廣東瓊山縣知縣 陸可大山東登州府人萬歷
十九年任 喻會直隸六合縣人萬歷二十二年任 張應辰直隸宜興縣
人萬歷二十五年任 馬載經應天上元縣人萬歷二十七年任 閔繼達
雲南人舉人萬歷三十二年任 李三聘四川江津人舉人萬歷三十八年
任陞湖廣淑浦知縣 鄭弼四川新津縣人舉人萬歷三十五年任陞國子
監學正氣宇凝重才學優長 郭衛民陝西鳳翔府人選貢萬歷四十年任
陞山西沁州學正 劉守讀直隸大名縣人萬歷四十二年任 孫如蘭睢
州人舉人萬歷四十八年任正己率人振興文教一時士風丕振陞同官縣

封邱縣志

卷五

二十一

開封新豫印刷所承印

國朝

孫宏祖直隸定縣人恩貢順治四年任陞密雲後衛教授 宗錫印河南濟
源人歲貢順治十年任

訓導

聶復初開封府許州人 江誠直隸潛山縣人永樂元年任 薛真山東博
興縣人舉人永樂八年任陞國子監學正 孫濟山東平度州人前任御史

李春山東濟寧州人舉人永樂十九年任 曹勝湖廣彬州人舉人宣德八年任 李秀實直隸無極縣人監生正統四年任 孔裴直隸舒城縣人舉人正統十年任 林滔浙江天台縣人正統十四年任 彭志霄湖廣陵零縣人舉人學富行優儒林推重 張輝直隸濬縣人監生 裘獻浙江天台縣人監生成化元年任博學能詩無愧士範 王玉直隸華亭縣人監生成化四年任 高玘直隸廣宗縣人成化十三年任 韓威陝西朝邑縣人監生宏治元年任 姜英直隸壽州人宏治六年任 范昇直隸無爲州人宏治十一年任 張質直隸武進縣人宏治十三年任 王賓山東德州人宏治十五年任 焦誠直隸東安縣人宏治十五年任 陳傑直隸清苑縣人正德三年任 傅鸞直隸獲鹿縣人正德四年任 于洪山東卽墨縣人

正德十一年任 王廷偉直隸薊州人正德十三年任 蔡章直隸陸安州人嘉靖元年任 郭演陝西長安縣人嘉靖五年任 李廷賢直隸豐縣人嘉靖九年任 吉士直隸海州人嘉靖十年任 熊棟山東滋陽縣人嘉靖十八年任 黎近光湖廣郴州人嘉靖十九年任 王克家山東人嘉靖二十年任 馬川遠山東人嘉靖二十一年任 駱九功浙江諸暨縣人嘉靖二十五年任 張元和江西南昌府人嘉靖二十八年任 嚴明應天府人嘉靖三十年任 高世薦山西寧鄉縣人嘉靖三十一年任 范希賢直隸恆水縣人嘉靖三十五年任 屈弦山東壽張縣人嘉靖四十二年任 岳高湖廣襄陽府人隆慶元年任 曹守貴直隸泰興縣人隆慶二年任 劉訥山東魚臺縣人萬歷元年任 趙希廉山東館陶縣人選貢萬歷二年任

艾桐陝西谷縣人選貢萬歷四年任 高棊河南邙縣人選貢萬歷七年任 陳喆河南汲縣人選貢萬歷八年任 鍾自成河南遂平縣人選貢萬歷十一年任 王璉河南臨漳縣人選貢萬歷十四年任 朱梅河南信陽州人萬歷十七年任 閻大猷山東館陶縣人萬歷十七年任 武惟揚山西陵州人萬歷十九年任 閻詩山西霍州人萬歷二十一年任 李友梅湖廣武昌縣人萬歷二十三年任 法汝浩陝西扶風縣人萬歷二十七年任 紀壯陝西邠州人萬歷三十一年任 陸山東單縣知縣 霍敬業直隸衡水縣人恩貢萬歷三十二年任 華正春河南桐柏縣人萬歷三十四年任 齊椿齡陝西寧夏衛官籍直隸碭山縣人萬歷三十七年任 陸陝西洮州衛教授 馮普河南林縣人萬歷三十八年任 王視朝河南裕州人萬

封邱縣志

卷五

一二十三

開封新豫印刷所承印

歷四十一年任 解臺直隸懷柔縣人萬歷四十一年任 郭履禮直隸靜海縣人歲貢崇禎十三年任 陸延津縣教諭

國朝

趙民表河南新鄉縣人恩貢順治四年任 陸扶溝縣教諭 王謝玉河南內鄉縣人歲貢順治八年任 陸通許縣教諭 陳璧聘河南光州人歲貢順治十三年任 缺裁改補

周子曰師道立則善人多 古人學必立之師師者人之模範也 緬惟白鹿故事雅重林少穎黃知錄諸君子即推之鄉郡不以爲嫌蓋以得人爲重也 然而獲信其教益者惟安定蘇湖最著 宋慶歷間嘗取湖學規制通置天下學校行之大要令士人修行敦倫明經致用而已 考其時課試不厭詳講會不


厭煩升壇鳴鐸歌雍戴弁之事不厭煩舉以故作人之化遠邁前代封學師多魁梧英碩遷守令入成均者今昔往往有之然而鼓舞振作存乎其人砥行勤教貴有實詣士品醇疵學有勤惰皆司風教者之責也惟其曲體而力行者得之矣

按廣文片席雖號獨冷而起弊扶衰興賢育德匪異人任蓋學校爲人才之本也封庠師儒歷代多正誼明道之士所授弟子員亦循謹溫雅無跣跣黠驚之習晚近以來湖學久廢傍邑類多躍冶不祥而封庠獨秉古禮雖遭河患播遷負耒橫經弗輟素業非振鐸者力乎唯是

聖宮泮沼久圯爲荆礫兩學師寄處村落蕭條異狀近又奉

旨裁減訓導止存教諭一員其任彌專責彌重矣夫以災患頻仍之後而望興

起人文哀集禮樂振前賢將墜之緒修時英幾廢之典自非精思力行正身淑人盡鼓舞勸掖之術擴至誠動物之本於以考鐘擊鼓用匡有司之不逮寧有濟乎蓋古人居官任事雖車已駕紉舟已解維其經營弗輟猶區區家事若謂瓜期將及而視同傳舍日以待來者則今人既待後人後人復待後人而學宮茂草終爲樵夫牧豎之藪矣可不憬然悟矍然起乎



封邱縣志卷六

人物

范宣子論死而不朽之道有三曰立德立功立言夫士人動無可則行無可法言無可述與草木同其朽腐何足道哉人物惟三代最醇有宋諸儒近之漢崇經術節義而唐惟詞章是尙今一邑欲兼而有之難矣雖然人有五儀大要在心有所定計有所守聖賢豪杰忠臣孝子義夫節婦所以令一世仰其孤標千古景其懿行者皆在知識信契古人強立不反躡前修而直上之有足多者歷來文章事業節行暉曬冊簡流芳奕世其託基只在日用服習之際如作一事卽思一邑謂我爲何如人天下謂我爲何如人處一人卽思如何無愧於天下之心如何無愧於後世之心洞見長

封邱縣志

卷六

一

開封新豫印刷所承印

思貞心力守節行一成炳炳烺烺匪直一邑藉耀實國之紀而邦家之光也吾封河山迤邐輿地綿邈則夫含貞毓秀接莘宛餘芬而興起者不可謂十室無忠信也

按封幅員不滿百里而先世名賢輩出或由徵辟或由制科或起家於掾屬或奮跡於幕僚自一命至九列莫不風節矯然垂諸金石中更有喬梓輝映棣萼聯馨祖孫繼武者文章功業之盛甲於兩河亦奚羨廬江名德先賢之頌乎顧風氣勁樸大概居官以忠信爲本而剛果特立不阿權貴其遭濟艱難之事前後如出一轍又雅尙冲厚不敢恃氣凌物故多享耆頤之壽卒以功名終抑操厲清白宦成恥以華侈耀俗故雖歷官顯達歿後子孫恆不能保其祭器噫廉吏誠可爲而不可爲哉語曰處脂膏而不潤者乃能歷霜雪

而不僵士君子獄獄自持不以干澤爲身家計則居常履變自有兀然不可動搖者彼輦金輸璧聚賄以營進之徒一逢小變故輒聲呶股栗洩瀾俱遺其敢侃侃正議忤權幸之爪牙乎觀封諸先正則斯言益信云

賢哲

漢百里嵩字景山封邱人爲徐州刺史時值亢旱嵩循行境內部車所至甘

雨輒降人號爲刺史雨時唯東海金鄉辟在山間傳驟未至及卒諡曰使君

民立廟祀焉禱雨輒應賢入鄉賢祠

三國毛玠字孝先平邱人少爲縣吏以清公稱漢獻帝時曹操以玠爲東曹

掾與崔琰並典選舉其所舉用皆清正之士後遷尙書僕射司馬溫公稱其

拔敦實斥華僞進冲遜抑阿黨時吏潔於上俗移於下貴寵之臣輿服不敢過度長吏還者垢而

封邱縣志 卷六

一一 開封新豫印刷所承印

羸衣獨乘柴車軍吏入府朝服徒行操嘗適天亢旱不雨操輒黥人面沒人嘆曰孤之令不若毛尙書教其見重如此

妻子爲奴玠曰使天下不雨者此也或白操謂玠怨謗操怒收玠付獄侍中

栢階等爲之陳理曰玠剛直忠公爲衆所憚不宜有此操令人釋玠免官卒

於家入鄉賢祠

宋趙賀字慶餘封邱人少喪明遇異醫而愈事繼母至孝舉毛詩及第補臨

胸縣主簿淳化中調丁壯塞澶州決河衆役多逸去獨賀全所部而歸遷江

淮制置發運使會太湖塘岸壞及並海支渠多湮廢水浸民田賀爲伐石築

堤浚渠引瀦水東注於海流民歸者二萬六千戶歲出田租三十萬後累官

給事中判宗正歷知鄭蔡宋三州以精明稱按一統志云轉運使李中庸嘗薦賀改官及中庸卒無子賀卽

爲主喪又圖其像歲時祀於家其篤於恩義若此入鄉賢祠子宗道皆爲集賢校理

江端友字子我以元祐黨人之禁摧挫善類憤鬱隱居後吳元中薦授承務郎賜進士改諸王教授上書辦宣仁太后謗誣遭黜渡江居桐江鷓鴣源人號七里先生有自然菴集留嚴陵郡

崔頤正封邱人與弟偃佺並舉進士初為高密尉以孔維薦為國學直講刊正諸經音疏遷博士真宗時日召頤正於苑中說尚書大禹謨賜以牙緋甚

優禮之賢入鄉祠

崔偃佺與兄頤正並舉進士自連江尉入國子監李至奏為直講真宗謁國學召說尚書賜緋寵異甚厚所著有帝王手鑑十卷賢入鄉祠

欒崇吉字世昌封邱人乾道中為吏部令史上書言事稱旨調臨淄主簿明習文法清白勤事累遷江南轉運使尋以司農少卿知洪州有司歲歛民財

封邱縣志 卷六

開封新豫印刷所承印

造舟崇吉至奏罷之造舟取民非法且傷國體崇吉愛惜民財遷衛尉少卿

以匠作監致仕入鄉賢祠二子源沂皆舉進士

欒源崇吉子舉進士第仕至虞部員外郎

欒沂崇吉子舉進士第仕至殿中丞

元趙鳳威元初由宣使任湖廣都鎮撫陸濟南路總管

樊魯臣大德十年任平陽府經歷陸萊州府盤陽路總管

白三府大德十年任山東濮州判官累官至翰林院學士

董竹川至正五年任戶部侍郎遷真定參政

衡守敬至正十五年任江西靖安縣知州

鄭思齊元末登進士為戶部主事洪武初任福建興化府知府

明殷和由秀才薦舉洪武六年任儀禮司序班歷陞行人

謝昇由明經行修薦舉洪武六年任興化縣知縣

李英由質美行篤薦舉洪武八年任閩鄉縣典史贊治有聲陞漢中府知府

李溥由儒士薦舉仕至通政司通政

朱九臯由明經授本縣儒學訓導

彭守信由秀才薦舉任建始縣知縣

劉祥由秀才薦舉任南陽縣知縣

劉英由賢良薦舉任建昌府同知

李成學由通經儒士薦舉授本縣儒學訓導

劉世英由人才薦舉任蔚州知州

封邱縣志

卷六

四

開封新豫印刷所承印

紀從德由人才薦舉任清苑縣知縣

孫禮由人才薦舉任瀘州府知府

衛敬永樂十一年由人才薦舉任真定府定州判官

鄭孟由老人任新泰縣知縣

石郁永樂十三年任北京兵馬指揮

李洪宣德某年任南京兵馬指揮

黃紱字用章封邱人正統間舉進士除行人遷南京員外郎郎中廉峻剛直

遇事臆發正色山立不避權貴出為四川參議轉參政嘗如崇慶旋風擁車不得行紱曰汝冤氣

耶乃禱諸城隍夜夢若有人言西寺者詰朝捕歷遷江西湖廣布政使湖廣有妖

僧謀亂紱以計綱擒之會兩京興大工徵銀貳萬紱以庫積羨餘充之於民

檻送京師斬於西市

無所取擾又勢豪逼索馬快船債及荆王奏徙墳塚絃悉不從省費巨萬遷

都御史巡撫延綏乃捕豪猾問病苦拯困恤孤又汰尼姑以配縣士一軍大悅願為效死尋進戶

部尚書改左都御史無何致仕絃登仕籍凡五十年以鯁直聞勁節凜然時

忤當事者稍不為屈然亦能保其始終云入鄉賢祠

陳俎嘉靖壬辰進士任廣平知府官至山西兵備副使居官剛正不阿守廣

平多惠政修臨洛關民至今祀之入名宦鄉賢祠

邊有猷萬歷甲戌進士歷官至山東布政司右布政使加太僕寺卿所至有

異績入名宦鄉賢祠與子之靖俱有傳

李曰敬號蓋軒由明經歷官阜平令拒瑞燄撤礦稅剛毅正直力折權邪阜

人勒功五臺陞岳州府通判清節彌著詳載全傳中入鄉賢祠

封邱縣志 卷六

五

開封新豫印刷所承印

邊之靖有猷子萬歷丙辰進士官至兵部武庫司員外郎生平至性孝友令

興化平劇盜革弊政民咸德之入名宦鄉賢祠

李載陽曰敬之孫登明經選授夏邑教諭攝柘城篆士民戴德今

皇清定鼎補

首善學博訓諸士子務孝友崇文藝力行靡倦蒞任未幾 傳直指公諱星

遂具疏特薦

天聽云順天府儒學訓導李載陽學貫天人才優經濟文章氣節皆足以表率

人倫經世才也奉

旨故並書之使後世知廣文之官一節之長亦不泯泯無聞云

李嵩陽曰敬之孫登庚午賢書逆寇圍汴挈家寓

都門今

上定鼎授工部司務遷吏部司務陞兵部督捕員外郎未幾武選改廣東道御

史巡視東城奉

命丈河間等處地稱

旨遂視畿兩淮復

命提督上江學政以能正文體遂併下江歸焉秩滿具疏求終養予假六月補

隴右參議丁母夫人憂服闋補溫處道右參議

李岱陽曰敬之孫登乙酉科賢書中丙戌科進士

歐陽修曰珠潛於泥玉潛於璞夫潛則其美何由自見迨其紫芒光耀出乎

塵埃潤乎明庭圭璋特達然後知其寶也夫賢哲亦若斯矣士方泥蟠蠖伏

封邱縣志 卷六

六

開封新豫印刷所承印

與庸衆奚異一旦委身事主仗義立朝勁節鴻名遂爾炤耀今古封壤地僅
百里乃徵聘視大邦則過之并是一二先達矯節可風儀刑在望郡志謂重
節義於斯可觀矣嗚呼前嫩後監遞相印證執德欲宏取法貴遠有斯志者
可與咏世烈而誦清芬矣

科貢

宋進士

趙賀淳化舉毛詩及第官至給事中判宗正

賢入祠鄉

崔頤正咸和登第任高密尉官至國學直講

賢入祠鄉

崔偃佺咸和登第任連江尉官至國學直講

賢入祠鄉

樂源乾道登第官至虞部員外郎

欒沂乾道登第官至殿中丞

元進士

常堅乙未及第探花任翰林院編修

明進士

王玉洪武歷任鴻臚寺卿官至都察院都御史

鄭宗祖

思齊之子

洪武歷任浙江參政陞廣東左布政使

黃紱正統戊辰科歷任巡撫延綏都御史官至戶部尚書改都察院左都御

史剛方峻直觸邪黜姦權豪多畏避之

入鄉賢祠

李振綱成化辛丑科任太常寺博士官至浙江道監察御史正色立朝不避

權貴時稱得風憲體

入鄉賢祠

封邱縣志

卷六

七

開封新豫印刷所承印

劉繼德嘉靖丁丑科任大理寺評事官至通政司左通政

陳俎嘉靖壬辰科歷任廣平府知府官至山西兵備副使

郭斗嘉靖癸丑科歷任南京戶科左給事中官至浙江左布政使

邊有猷萬歷甲戌科歷任按察司按察使官至山東布政司右布政使加太

僕寺卿

入鄉賢祠

邊之靖

有猷之子

萬歷丙辰科歷任兵部武庫司員外郎

國朝進士

李岱陽

曰敬之孫

順治丙戌科任山西汾陽縣知縣

冀孕秀順治己丑科授河南彰德府學教授

萬泰順治壬辰科授河南懷慶府學教授陞國子監監丞

明朝舉人

呂鵬南永樂乙酉科任知州

張震永樂乙酉科任西安府同知官至知府

曹貫永樂戊子科任訓導

李節永樂甲午科任知縣

彭寧永樂甲午科

劉謙永樂丁酉科任教諭

宋秉彝永樂庚子科

孫顯永樂癸卯科

高亮宣德丙午科序班

封邱縣志

卷六

八

開封新豫印刷所承印

方顯宣德己酉科任教授

石齡宣德壬子科

謝寧宣德丁卯科任教諭陞饒州府教授

黃紱正統舉人登進士官至戶部尙書左都御史

李偉正統辛酉科任教授

晁銓正統辛酉科任知州官至知府

何鑑子禎之正統丁卯科任渭南縣教諭

周和景泰庚子科任教諭

劉振景泰丙午科歷任翰林院孔目學博才清所著有直暇日集

韓謹天順己卯科任平涼府教授多學善誨塾庠多所陶成

賈宣天順己卯科任歷城縣知縣政聲大振陞太安知州歷民懷之爲立去思碑有大學士楊士奇贊詩勒後

吳雄成化戊子科任韓城縣知縣

劉璠成化戊子科任辰州府推官

李振綱成化庚子科登進士官至監察御史

鄭哲成化辛卯科

姬能成化辛卯科

高璣亮之子成化甲午科

方德懋顯之子成化癸卯科歷任浙江道監察御史正直不干有司謙冲不做

閻里

封邱縣志

卷六

九

開封新豫印刷所承印

黃彬紱之子成化丙午科任工部司務

劉瓚成化甲午科任德州長史

韓鑿謹之子成化庚午科任潞州府同知

王懋宏治壬子科

王洧正德癸酉科

劉繼德嘉靖舉人登進士官至通政司左通政

陳俎嘉靖戊子科經魁登進士官至兵備副使

張冲霄嘉靖丙午科亞魁任知縣

劉繼芳嘉靖己酉科任知縣

王佐才嘉靖己酉科任淄川縣知縣

郭斗嘉靖舉人登進士官至布政司左布政使

邊有猷隆慶庚午科登進士官至布政司右布政使加太僕寺卿

盧時茂萬歷戊子科任饒陽縣知縣

郭維屏斗之子萬歷年間任太平府知府

張鎔萬歷辛卯科

薛永寧萬歷辛卯科任遷安縣知縣

邊之靖有猷之子萬歷癸卯科登進士官至兵部員外

李嵩陽曰敬之孫崇禎庚午科歷官兩淮巡鹽監察御史督學江南陞浙江溫處

道右參議

萬花崇禎壬午科歷任廣西蒼梧兵巡道兼參議

封邱縣志

卷六

十

開封新豫印刷所承印

國朝舉人

李岱陽曰敬之孫順治乙酉科登進士任山西汾陽知縣

萇孕秀順治丙戌科登進士任彰德府教授

常偉順治丙戌科博學工文品甚清粹惜蚤卒

萬泰順治戊子科登進士任懷慶府教授陞國子監監丞

杜長春順治戊子科誠恪莊毅有大受之望惜蚤卒

柴薦鹽順治甲午科

萬維賢順治丁酉科

明貢士

朱榮洪武八年貢任知縣 楊敬洪武十五年貢任御史 溫賢洪武十七

年貢任知縣 賈獻洪武十八年貢任知縣 高羽洪武十九年貢任理問
張翼洪武二十年貢任判官 趙恂洪武二十一年貢任知縣 張端永
樂五年貢任知縣 曹升永樂六年貢任主簿 晁淵永樂七年貢任主事
何禎永樂九年貢任知州 劉忠永樂十年貢 張彝永樂十一年貢
陳裔永樂十二年貢 劉憲永樂十五年貢 賈麟永樂十六年貢 宋安
永樂十七年貢任內黃縣知縣善治得民陞滁州知州內黃民不忍舍老稚
千餘人赴京保留乃以滁州知州仍留內黃治縣事民於內黃立祠以祀之
高儼宣德二年貢任主簿 王溥宣德五年貢任吏目 張謙宣德七年
貢任訓導 蕭詔宣德九年貢任通判 李誼正統二年貢 姬歆正統五
年貢任縣丞 李芳貢正統六年貢任通判 邵忠正統七年貢任訓導

姚忠正統八年貢任縣丞 趙容正統九年貢任經歷 趙暹正統十一年
貢任縣丞 封靖正統十三年貢 郭弼正統十四年貢 閻澤景泰元年
貢任訓導 高潔景泰三年貢任靖安縣知縣政多仁愛恥爲寅緣辭官謝
政民遮留之不已 姚理景泰五年貢任審理 張瑄景泰七年貢任檢校
武修天順元年貢任教諭 范欽天順三年貢 李喆任知縣 許廉任
訓導 宋瓚任縣丞 尹瓚任教諭 陳鉞任伴讀 孫賢任主簿 張化
任典史 謝可任教諭 馮傑任縣丞 柴澗任主簿以上十人天順六年
同貢 孫元天順八年貢任經歷 范傑成化二年貢任知縣 谷英成化
四年貢任知縣 劉昇成化六年貢任吏目 柴溥成化八年貢任主簿
柴舉成化十年貢任縣丞 蕭登成化十二年貢任訓導 李世英成化十

四年貢任訓導 潘巖成化十六年貢任教諭 王翰成化十三年貢任照磨 許旺成化二十年貢任縣丞 張文璽成化二十二年貢 王宜用宏治元年貢任判官 李旺宏治二年貢任州同知 賈琥宏治四年貢任訓導 韓俊宏治六年貢任經歷 姚沂宏治八年貢任訓導 張口宏治十年貢 楊孟宏治十一年貢 石燦宏治十五年貢 郭聰宏治十七年貢任訓導 李祿正德元年貢任主簿 韓鑾謙之子正德二年貢任定興教諭 惻惻無華有長者之風 范清傑之子正德五年貢 陳昂鉞之子正德七年貢任教諭 劉縉正德九年貢 何洲鑑之子正德十一年貢任安化教諭 孟賢正德十三年貢任遵化訓導嗜學不厭誨人不倦 高雲漢潔之孫正德十五年貢任成安知縣少負重名事親至孝有寄哀圖詩 方得隆顯之子正德

封邱縣志 卷六

十二

開封新豫印刷所承印

十六年貢任安定訓導 孫紹嘉靖元年貢 韓鑾謙之子嘉靖二年貢任太僕寺主簿 高雲霓潔之孫嘉靖三年貢 孫節嘉靖五年貢 谷淮嘉靖七年貢任武進主簿 王春嘉靖九年貢 謝德明備之孫嘉靖十一年貢任涇陽教諭 賈憲章琥之子嘉靖十二年貢 孫柱嘉靖十三年選貢 王軒嘉靖十五年貢任平原縣訓導 石允德嘉靖十七年貢任順德府訓導 謝德純備之孫嘉靖十八年貢 李喬年環之子嘉靖十九年貢 劉約嘉靖二十年貢 邵鉉嘉靖二十一年貢 劉璐嘉靖二十二年貢任教諭 葛璣嘉靖二十四年貢任教諭 賈至中嘉靖二十七年貢任訓導 劉璘嘉靖二十九年貢任訓導 范騰蛟嘉靖三十年貢任訓導 朱祚昌嘉靖三十三年貢 趙永元嘉靖三十五年貢任訓導陸教諭 李琛嘉靖三十七年貢

順親適志孝行可嘉 劉純嘉靖三十九年貢任訓導陞教諭存心愛衆雅
意修儀 邊實嘉靖四十年貢任鳳陽訓導陞行唐教諭立心忠厚制行端
朴贈參政 張鑰嘉靖四十三年貢任州同知 張四時嘉靖四十五年貢
任訓導陞教諭多學能文睦族尙義 劉文昌隆慶二年貢任訓導陞教諭
李鳴鳳隆慶四年貢任訓導陞教諭 任德隆慶六年貢任訓導 陳緯
萬歷元年恩貢 張鎬萬歷三年貢任萬載縣丞轉平陸縣丞 朱愚萬歷
五年貢任訓導 張銘萬歷七年貢任南官訓導持身不懈課士有方 范
鎬萬歷九年貢任河曲知縣 黃嘉謨萬歷十一年貢 侯洛萬歷十三年
貢 姬繪萬歷十五年貢任訓導 陳所學萬歷十七年貢 劉繼芬萬歷
十九年貢任豐縣訓導 范桂芳編之子萬歷二十一年選貢任和州同知

封邱縣志

卷六

十三

開封新豫印刷所承印

張上澤

銘之子

萬歷二十三年選貢任青州府通判陞遼州知州

李日敬

琛之子

子萬歷二十五年貢歷任阜平知縣陞岳州府通判

入鄉

劉祖武

純之子

萬

歷二十七年貢任范縣訓導

陳翰卿萬歷二十九年貢任穎州訓導

袁

祥萬歷三十一年貢任泗州訓導

姚典萬歷三十三年貢任訓導

周流

萬歷三十四年貢任廣平府訓導

邊之藩萬歷三十六年貢任睢州訓導

馬伯亮萬歷三十八年貢

范錫萬歷四十年貢

劉璽萬歷四十二年

貢 李可傳萬歷年貢

鄭鳳翔萬歷年貢

尙雲程萬歷年貢任訓導

田向榮萬歷年貢

邊韜勝

有猷之孫

泰昌元年恩選貢

馮廷試天啟元年恩

選貢 王文繡天啟年貢

方無偏天啟年貢任輝縣教諭

賈朝選天啟

年貢任訓導

趙維熊崇禎年貢任訓導陞趙州學正

李載陽曰敬之孫崇禎

年貢任順天府訓導按院薦有學貫天人才優經濟等語 張上洵鎔之子崇

禎年貢任孟縣訓導 尙九重崇禎年貢歷任教授陞浙江嘉興縣主簿

李五常崇禎年貢任宜陽訓導陞教諭 袁杰崇禎年貢任涉縣訓導 邊

望勝有猷之孫崇禎年貢任永豐縣知縣 尙助明崇禎年貢

國朝貢士

邊筭勝有猷之子順治元年恩貢任浙江上虞縣知縣 趙韞玉順治元年

貢歷任懷慶教授陞浙江嘉興縣主簿 李太陽日敬之孫順治二年貢監 王

籲璞順治三年貢任固始訓導 趙光普順治五年恩貢任山東齊河縣知

縣 鄭守貞順治六年貢任汝州訓導 辛洞然順治八年恩貢候選通判

賈衛邦順治八年貢 邊箸勝有猷之子順治十年任陝西狄道縣丞

封邱縣志 卷六

十四

開封新豫印刷所承印

任性鐸順治十一年拔貢 馮養中順治十三年貢 李履純順治十五年

貢 劉漢寵歲貢任魯山縣教諭

明初景運肇啟廣開賢路一時龍蟠虎變之士雷起雲蒸故徵薦科貢取士

非止一途永樂始罷人才薦舉用科貢始於四書五經大全頒布而後蓋尊

尙經術以文章飾吏治至意也時猶三途並用羣賢彙進其人均足以樹光

明俊偉之業非有二也厥後射貢稍殊徵辟遂廢夫士挾所學以出仰酌知

遇何人不可建勳立伐輔猗國運造福元元者謂可以文藝概流品哉制舉

無逐勢利之習以隳久大之績卽明經亦不狃資格之程以建畸魁之業而

取士者更大闢紘網徵薦與科貢一體而甄收之書曰立賢無方詩曰濟濟

多士文王以寧掄材之途蓋不容以不廣也

按封科目雖未稱極盛而歷代鄉會兩闈恆不致寂寥寡聞其獲雋者類屬名士通籍後聲譽蔚起或立致臺省或參知藩臬或侍從清華或晉陟獨坐其清風偉烈前後輩若出一揆亦山川風氣所毓也至恩選歲薦雖曰一邑之譽髦而任學博者訓厲英賢司民社者述宣政教各克以功名自奮無矜嘖頹暮之氣亦他邑所罕及也鄉士大夫居家謹厚約勅子弟用古道孝友節儉僮僕無鮮衣怒馬之飾遇里巷父老恂恂自下敦睦和煦無兼併田廬傲睨宗戚之習登賢書捷南宮還者往往子居徒步無乘軒策肥招搖侈肆之態凡此皆封先達積行流風淑其遺俗者也近遭河患播遷外壤或至以官爲家而孝廉明經尤無資生之策中州士大夫能安貧守道者當以封爲首出也然人文蔚起型仁講讓務以風教相砥勉是又在良有司之共爲夾

持耳

封贈

黃秀紱之祖贈都察院左都御史

黃中紱之父贈都察院左都御史

李和振綱之父封太常寺博士

方正德懋之父封浙江道監察御史

劉俊璠之父贈都事

樊泰慶之父封經歷

宋瓚恪之父贈經歷

陳同俎之父封戶部主事加封郎中韓氏俎母贈安人

邊鴻有猷之祖贈山東布政司參政熊氏樊氏有猷祖母贈淑人

邊實有猷之父封長垣縣知縣贈常州府知府加贈山東布政司參政李氏封孺人贈淑人有猷妻劉氏封恭人加封淑人

國家推恩懿典必及本始卽虞周延賞釐錫之舊有三勸焉示國有寵渥待士甚厚一也酌先世積德見祖父有義方之訓必食其報二也體人子榮親之心以寵異之寓以孝治天下之深意三也賞且寓勸真不朽之盛典哉然而拜命益共則耆艾永終居寵驕溢則孝慈難改盡職與保寵先後可不遞慎與

按封自明季迄

國朝通顯者雖衆而邀

封邱縣志

卷六

十六

開封新豫印刷所承印

恩施贈者尙無其人豈崇德報功之典獨靳於此歟抑顯親揚名猶需其後耶
今

朝廷以孝治天下宏推錫類凡職羣工咸得以華臚上及所生此卽移孝教忠之義也士之被服寵榮者出則以仁民振家聲以報國可不益靖其爾位以繼迺祖服乎周宣策封召穆曰釐爾圭瓚秬鬯一鹵又曰召公是似肇敏戎功誠嘉之誠勉之也

恩蔭

黃桓紱之子蔭監生任知州

自昔德懋懋官官懋懋賞周有世祿世官待臣之禮可謂曲盡矣迨漢代汲黯霍光諸人供以世顯蓋象賢之印其後先輝映有若此者明有恩蔭俾大

臣印嗣得入城均補官爲郎或至郡首殊恩洵及實有加而無已人臣卽盡
瘁鞠躬何以爲報哉嗟嗟盛美難乎其繼而忠孝可以相成膺斯寵遇者當
思所以報主恩而光先德以無忝厥職則若而人者亦王國之梓楠榱棟也
按封任子自黃桓而外寥寥無嗣音者知

國恩非易邀也漢張安世唐李德裕皆以父蔭起家爲奕世名將相士之承藉
先澤能卓然自樹立者固不可以膏粱子弟輕爲品目也今

國家優厚羣工凡內外効節勤事之臣或錄

恩於及身或垂卹於歿後恆令其子若孫入成均讀書後襲蔭補官以世沾
寵祿誠盛典也封之士大夫誠感奮欲庇其後昆可不益展乃庸以光茲世澤
乎

封邱縣志 卷六

開封新豫印刷所承印

例掾

援例

張一本任祁州衛經歷史記言任主簿齊璋任九江經歷喬木任定州吏目王邦彥任淇河主簿柴繼

任青城主簿劉雲任開州判官張一鵬任雲陽主簿劉與耕任濟陽主簿朱綉任南京序班趙時任州判

張漆 劉文進 王松 鄒卿 王卿 王愛任光祿寺署丞劉文粹 謝渙 劉

存仁任主簿孟守教 柴泮 王暹 杜鑛 李時中任照磨王進印 杜汝述

國朝援例

李暉陽廩監

胥掾

馬忠任州判王安任州判孟舉任典史郭傑任縣丞王臣任典史焦愷任大使吳秀任舉宋

恪任州同知趙鸞任州同知張瓚任州判喬遷任州同知周大本任監事樊慶任經張漢任主簿段

舉任主簿婁宥任主簿謝大紀任典史王聰任主簿孫廷玉任副使孫福任主簿荆繪任典史

李恭任典史范洪任典史韓洪任經張倫任典史馬富任典史劉壽任典史劉恪任典史

田經任典史張時敏任知事李進任典史楊盛任典史邵純任驛丞姜大川任經張鼎任經

翟仁任經劉增任大程騰任大邊鴻任典史李璋任縣丞正直無私不

取民一錢時號為天下清吏李璋 陳崇儒任典史張禹任州判陳言任縣丞周翰

邵佳臣任典史謝志仁任州判封稔任巡檢封樾任大趙樂堯任典史李東任大

郭雨任驛丞朱霖任大陳舜民任巡檢汪璞任大李洞任縣丞李俊任縣丞李行任巡

姬得倉任吏目劉紆任驛丞鄧銘任大朱卿任大婁洪任副使張永先任大王永兆

王三畏任巡檢張玃 張滔任典史劉夢麟任典史王道化任典史張綱任主簿

封邱縣志

卷六

十八

開封新豫印刷所承印

歷經張士珍任江夏驛丞柴三省任大劉尙友任大趙三樂任大

昔張釋之以入貲拜官卜式以輸粟賜爵即今例貢生也高適以縣尉食邑渤海曹翥以邑幕入對大庭即今吏承職也初未嘗不始於卑微乃其後功業爛焉亦自昭灼千載今佐幕賢能聲名易起况一官敦比畢一念之忠勤一事拮据償一命之寵遇因分杼藎皆可自效慎無自局品格令國家用人不獲隨才器使之效也

按封例監掾屬雖數百年可屈指盡亦未稱繁盛然貲即粟監能以清節著聞天下此亦小吏之可傳者也蓋古郡邑守令皆得探選賢幹自辟口口口口散員恆簡授清華要職故名士偉人初任不以卑官為恥而隨分盡能遂登巍顯如封先賢二崔皆以縣尉起家趙慶餘由臨胸主簿樂世昌由

臨淄王簿卒爲名臣載邑乘由是推之則資格之說何足圍大賢哉

武弁

元完顏君用金原氏之族從征淮南有功分地於此在縣西吳村社

明楊貴大甯衛千戶段敏隆慶衛千戶周正隆慶衛千戶李讓錦衣衛千戶李福錦衣衛中將

功隆本衛鎮撫世襲其職李鑑福之子改除直隸州守禦鎮撫李英鑑之子陳所聞宣武衛指揮劉積德左通

政劉繼德之子雷騰武舉

國朝武舉

蓑銓

昔人云文以綏太平武以戡禍亂故帝王久安長治之策在安疆場卽一邑武備惡容置而不講乎封捍蔽省郡控河北藩往劉賊至邑多豪勇射賊退

封邱縣志

卷六

十九

開封新豫印刷所承印

却遂保全城使賊不得渡河入省汴者封民捍衛之力也然承平日久人以爲無復所事干戈卽武闈對策止拾咳唾詰以武經七書百將韜略之義則惜爾不知試藝略習弓馬按以軍旅卒兩鐃鑿鼓擊之節則猝不能辨語曰天下雖安忘戰必危安豈可常恃哉儻遠見未萌蓄謀以待之綢繆未然設備以防之則折衝與禦侮有人而文定與武寧攸賴云

按封以武功著者歷代俱鮮豈地乏干城之選家罕超乘之英歟良由風俗馴謹相尙儒雅雖赴桓魁岸之儔漸漬禮樂亦以仁義爲干櫓詩書爲甲冑無復曠目說劍之風故河朔義勇屢載前史而封獨無登壇仗鉞爵通侯邑萬戶者非封人弗能執戈衛社稷也雅尙不存於是耳

孝行

漢李銓少聰慧有志行與兄異母母不愛其兄兄衣食與銓異銓年十五知已衣食勝兄輒不服食母因感悟愛之如一及長孝友兼全宗族鄉黨咸稱誦之

唐楊嵩珪

許由

李頤道皆以孝稱事實失載僅誌其名

詔旌其門仍命州縣存問復其賦稅

明李堪天性至孝母賈氏有疾堪侍湯藥必親嘗然後奉母衣不解帶水漿不入口者數日憂形於色母疾革輒嘗糞甘苦以辨疾勢及親卒廬於墓側三年寢苦枕塊衰衣淡食洪武二十七年有司奏其事

封邱縣志

卷六

二十

開封新豫印刷所承印

詔旌其門

陳瑛貢士陳裔之子母董氏蚤亡嫡母翟氏乳養成立父沒事翟氏孝謹曲盡子道母疾瑛侍奉且夕不離側夜則焚香籲天願以身代不數日母疾果愈後母忽以風疾卒瑛哀痛悲號不已數日不食殯歛從禮既葬廬於墓側三年擢舉臺高丈餘有白兔馴擾不驚烏鵲結巢於其樹人以爲孝感之應有司具奏

詔旌其門

宋安貢士與兄整春克盡孝友兄疾安誠心懇禱兄疾果愈歷官知州甚有名譽百姓愛之母卒安廬墓三年家族百口共爨庭無間言其一門孝友和睦若此

萬清母徐氏年九十一以疾終清痛哭絕而復甦既葬遂廬於墓側築墓臺
時歲荒歉兼厄疫癘親識勸歸家避患清謝衆不從竟終其志後有司請與
鄉飲

旌表其門

徐廷佐天性耿介事親孝父終痛哭絕而復甦居喪廬墓三年築墓臺
餘丈 時人
共稱其孝有司請與鄉飲

旌表其門

國朝李太陽貢監生御史嵩陽胞弟父興唐病劇醫藥罔効太陽祝天割股以
進父啖之覺異常味病尋愈里人共稱其孝郡邑共旌之

書曰立愛惟親詩曰無德不報蓋薄於親未有厚於它人者罔極之恩弗報

其所負於世者多矣故孝者良知良能孩提之愛而溥之則橫乎四海充之
則入於堯舜於德稱實於倫爲首孝誠恢乎大哉昔陶靖節讚舜禹武周孔
孟曾閔爲大孝下及黃孔樂高之屬皆在所錄蓋自顯揚尊養以至啜菽飲
水無往非孝存乎自盡而已然自古迄今稱孝者皆自齠髮至白首靡不戰
兢惕厲以體受全歸爲重孟氏所謂不失其身而能事其親者終身慕父母
者也人有負一節之孝者益自謹凜守身事親終其身無大過焉卽秉椽而
嗣勒於後也夫誰曰不宜

封邱孝子書親終廬墓三年者不一其人而陳孝子至性所感烏兔馴擾此
尤史傳所偶見也明季迄今能忘身孝親者唯貢生李太陽一人而奇行秘
密人莫能知幾致湮沒無聞近事久始宣於家人偶語而太陽益戒且諱此

眞終身事親無孝名者乎語曰求忠臣必於孝子之門今封李氏以節孝世其家而太陽兄嵩陽官御史正直有威望歷少參秦浙兩藩爲監司翹楚生平耿亮多大節所至人號甘雨親終居喪哀毀骨立服闋猶不飲醋茹腥蓋天性相類然也忠孝一門其在斯乎

義門

劉昂字志高治家有法上繼曾祖十三世下歷孫繼仁六世皆同居共爨男女共三百餘口財帛不私衣食均平有司屢加獎勵正德八年具奏以聞未及旌

係西斗三甲人時巡按御史張巡境至陡門聞鐘聲詢問得劉氏鳴鐘會食狀上聞或出之

趙進道字子修爲人謹厚口不言人過與弟遵道俱以謹厚稱人多推重之早年妻亡歷八十餘終不娶親友憐其鰥居或勸之自云喜清淨不願娶人

封邱縣志

卷六

二十二

開封新豫印刷所承印

妻且恐奪人志云屢與鄉飲知縣張公旌表其門

張士英字靜宇係遙授訓導年八十六歲仁恕坦平鄉邑之人咸推其惠直舉鄉飲五次前令屢表其門

鄭鳳儀邑庠生爲人誠樸寡言笑家貧甚菰食敝衣全不求人少失偶人勸再娶儀云淡泊吾自適豈可以貧累人遂鰥居七十六歲卒時人高其義蓋自周重親親易謹渙羣其義一也傳謂宜緝之以姓而弗別合之以食而弗殊固也迺其原又在推廣孝友一念敦睦宗族痛癢自是相關恩義自是諄篤豈曰葛藟之刺興而天下遂無兄弟角弓之怨作而天下遂無宗族耶且民彝自在情無可解如張仁遇同居四世沐煦八世公藝九世志高等則十餘世矣同族如一身百骸恩仇於何分割如一幹千條榮瘁於何辨別今有

同氣共族而乖迕橫生者不祥之甚也至義夫雖非奇節然其人志行醇謹敦厚崇讓足挽世風亦不容不登載云

按封劉氏十九世同居此誠里閭之罕事亦古史所未經見也夫正布斗粟之謠燃箕豆泣之事雖一世不能相容而况傳之十九葉乎雖曰民間無勢位相軋之嫌匹夫寡離間構圖之毀故敦睦易於相保然擾鋤德色箕箒評語婦姑勸谿之俗其能以家法維持至數百年乎封俗之厚始於劉氏而諸姓効之雖今災患之餘猶有分產贍族以崇古道者誠非他邑所能及也

貞烈

戰國息氏宋康王舍人韓憑妻貌美憑一康王聞欲奪之築青陵臺以觀望

息作詩自誓已志曰南山有鳥北山張羅鳥自高飛羅當奈何又王竟執之

封邱縣志

卷六

二十三

開封新豫印刷所承印

置於臺上俄而憑自刎息遂自投臺下死懷中遺書曰王利其生不利其死願以屍歸韓氏合葬王怒令瘞兩處塚相望也經宿忽有梓木生於二塚旬日而大合抱根連於下枝交於上又有鴛鴦鳥各一恆棲樹上朝夕悲鳴人謂卽韓憑夫婦之精魄後化爲雙蝴蝶飛去

明吳氏庠生彭儀妻克盡婦道夫卒亟欲殉葬以姑老子幼不果不二載姑與子俱沒母欲嫁之吳堅執弗從且曰吾聞之夫云餓死小事失節遂沐浴

更衣潛詣墓所痛哭至夜分自縊棠樹下死顏色如生遠近聞而觀之莫不流涕鄉里爲置棺啟儀窆而合葬焉是年棠樹冬花霜雪不隕人皆以爲貞

烈所感事聞

詔旌其門

馬氏性顯質嚴重敦尚朴素蚤適庠生李振綱內助勤學後登科第歷官至御史馬封孺人李卒於官子幼馬泣撫孤幼士大夫哀之多爲致賻攜幼子扶柩歸塋值姑舅俱衰老馬自治喪備歷艱苦舅姑相繼復亡馬復治喪事盡心竭力不愆於禮鄉人以爲難及蓋烈婦也

陳氏邑人孫圮妻圮沒陳年十八歲哀毀骨立誓欲同死以子節尙在襁褓舅亡姑老烝烝子立乃勤紡績習女工事姑尤以孝聞年五十以病卒鄉里稱之

李氏邑人王孜妻正德壬申賊劉六劉七等作亂被擄賊欲辱之李不從遂被害

田氏邑人班秀妻年二十四歲秀卒遺子玉方二歲田撫幼守節耕田里勤

紡績自少至老人無間言後以壽終

張氏邑人朱能妻正德壬申劉賊至偏欲辱之張大罵不從賊怒以火炙之剖其腹裂其支體橫屍於道三日面色如生事聞

詔旌其門

李氏省祭官張欽妻成化庚子欽卒李二十九歲子方七齡舅姑以其年尙幼欲嫁之李涕泣不從紡績以養舅姑及終塋之如禮撫幼子成立孀居苦節垂年六十知縣孟扁其門曰節義之門

邵氏邑人孟璋妻年十四歲適璋越四年璋卒邵哀痛不已欲殉因有娠未果未幾遺腹得子名守田撫養成立善事舅姑堅守苦節年至六旬卒人咸嘉其節操云

汪氏邑人王玳妻劉賊擄欲污之汪不從賊殺其幼子以恐之亦不從且罵賊不絕口賊怒殺之斷屍數段

孫氏邑人張進妻進卒孫哀痛不食卽縊死柩側同斂合葬知縣胡旌表其門

邵氏邑人李守家妻生員李應中之母夫故年十九遺孤半歲邵痛夫早亡欲縊死柩側戚屬勸曰汝死遂汝志汝兒奚育汝舅姑誰事耶邵悟因事親撫育孤幼族有欲奪其志者氣節愈勵家貧晝夜紡績自効備歷艱苦年八十一卒知縣胡旌成表其門

吳氏生員李英唐妻初事舅姑以孝謹稱宜家相夫默惠一無所忤英唐卒吳訓撫孤兒李載陽廩食游泮早年能守貧寡黽勉有無素衣淡食上奉其

親克持家道人推其賢知縣陰旌表其門

樊氏邑庠廩生李一麟妻麟卒樊年十九一女甫周歲樊欲死殉家人嚴防弗克遂勉事舅姑撫育幼女紡績度日貧苦見之令人酸鼻女長成適邊岡卿長孫選貢邊韜勝欲延樊奉養樊曰貧苦吾素也獨居不離苦塊卒年七十二歲族里咸重其節

國朝

陳氏邑順天訓導李載陽長子李文蔚妻蔚卒陳年十八生子大任纔八月矢志栢舟中遭患難播遷勤苦弗輟孀居四十餘載訓子饒庠遂成令器郡邑屢旌其門今知縣余申請具

題候

旨建坊

自班惠勤女誠劉向序女傳其言貞烈頗詳讀之可為斂衽蓋乾坤正直之氣上下古今堅鏗不可磨滅女子與丈夫一也其死者論定志可裂金石暴霜日邈乎不可企及矣即孀居堅節厲志上事舅姑下撫孤慈嶢然不滓可見先君於地下亦女中烈丈夫也并錄之右以愧天下後世懷二心者且使男子植立綱常以端刑于之化云耳

明初於干戈倥偬之日凡遇忠貞亟為顯揚化及今日即一邑貞烈有若此者以斯知良心人自不泯旌勸典亦最重今日請倅未及旌而鄉陬或難遍錄若於孝義貞烈輩復求其人以示激勸則虛簡可俟矣

按封自息氏以節烈著聞千古後世閭閻內教皆貞肅有剛毅風下逮庶族

封邱縣志

卷六

咸能以艱苦自砥存亡不奪其志或慷慨捐軀從良人於泉壤或勤勞撫育延藐孤於宗祊其人各有松筠之志金石之誠與偉丈夫光昭史冊銘功鐘簣者並垂不朽毋曰巾幗細事也然風氣峻激往往輕生過多里巷間有一語詆詬輒憤恚雉經者此又匹婦之諒不可不訓誡於平居耳

技術

范廷秀黃陵社人 賈壽吳村社人 張企辛和社人 賈丙壽之社人 張昇金之社人 張和昇之社人 袁淮南邢社人

賈軌丙之孫 賈淳軌之子 賈棟某社人 袁冲南邢社人 以上俱陰陽訓術

劉原政治安社人 侯庸吳村社人 馬訓某社人 劉英盤邱社人 王朝用淳于社人 王邦直南邢社人 王聘

淳于社人 趙仲臣沙堤社人 王邦元治安社人 以上俱醫學訓科

易曰天下同歸而殊途一致而百慮故技術百家窮知究慮各推所長亦斯

道支與流裔日用所必需者儻能備六藝之術以該百家之長則治歷明時之法與夫濟世活人之方亦可以資多識君子皆有取焉古聖王有保章氏以司天至巫史醫師舞籥之屬無不教之有法習之有人以其贊王化宣翼至治技術何可廢也嗟乎游藝可以養心爲之猶賢乎已三才道備夫豈可以一理推一途驗哉

按封技術一流皆尋常罕所表著然亦鮮左道奇邪之輩售詐僞以欺俗者前朝醫學僧道諸科皆有頒給篆記以杜方術淫巧之弊故舊志歷載諸姓名亦業巫史習岐黃世司其訓者耳

國朝法令精嚴自方藥卜筮諸正術而外槩禁止使弗習民間惇樸成風無復迂恠恢謏之習故諸科雖設而姓氏罔所稱述固風會聿隆漸有返雅還淳

之勢也



150.119
31.2
部=4

封邱縣志

王廣慶題



封邱縣志卷七

藝文



語曰士先器識而後文藝夫文藝誠末耳儻自器識出之詎不重耶上下千百載文章精微醇確無踰孔孟六經條暢芳潤則近代王楊韓柳諸人至載史之文則獨推遷固二家及左氏蓋其詳贍得體情理信確片言撫要究極指歸有益實用匪直以其氣格高古文辭軼宕已也明朝文盛窮工極變長兼數代人洞庭而戶包山幾於無罅無函矣夫土匪直以文顯然自古發抒性靈表章幽遐摹古紀事勒金石不朽者匪文又無自顯封附中原文獻淵藪上應筆陣圖書邇來文運雖亦間值不偶然合新舊有王章記序傳說諸篇亦各自出其心性善敗舒慘淋漓簡冊用亦彙爲一

封邱縣志

卷七

一

開封新豫印刷所承印

帙附末聊以誌往蹟垂鑒後人云爾若夫擷英採藻炫博騁奇競以浮詞相尙無裨風教者則吳罇燕函孰其貴茲

前志王言

敕封直隸保定府深澤縣知縣方正

正德二年十月初三日

敕曰朝廷待士之恩莫重於褒錫人子報親之志莫切於顯揚顧惟民牧之良具有嚴慈之慶肆加寵命實倍倫常爾方正乃直隸保定府祁州深澤縣知縣德懋之父田園晦跡詩禮傳家教子嚴明茂著花封之績居家壽考遂沾祿養之榮庸按彝章特頒寵渥茲用封爾爲文林郎直隸保定府祁州深澤縣知縣肇膺冠服之華益享康寧之福

敕命直隸保定府深澤縣知縣方德懋

正德二年十月初三日

敕曰親民之政明揚每藉於旌書錫命之榮褒寵兼資於考績蓋法有定制而恩自特施惟報功於一人實示勸於百辟爾直隸保定府祁州深澤縣知縣方德懋論秀鄉闈分符劇縣操持清慎志克篤於奉公撫字勤勞心實虔於恤下歷年最久著績良多最考既書渥恩宜布茲特進爾階文林郎錫之勅命於戲牧民必先於獲上已徵名績之良善始尤貴乎保終庶竭猷爲之益勉遵予訓以俟登崇欽哉

誥封南京戶部浙江清吏司郎中陳同

嘉靖十八年七月二十四日

制曰朕肇舉

大儀恪修

宗祀獲休享於

封邱縣志

卷七

二

開封新豫印刷所承印

郊廟均霈澤於寰區顧茲郎署之親宜燕神釐之祚爾封承德郎戶部湖廣清吏司主事陳同乃南京戶部浙江清吏司郎中俎之父積德有聞純行不爽世守清白之訓敬承黽勉之圖觀爾嗣抗宗振美爲國仁賢自非爾厚積善教何以致此茲特加封爲奉政大夫南京戶部浙江清吏司郎中祇沐國恩益隆家慶誥命南京戶部清吏司郎中歷陞山西按察司兵備副使陳俎

嘉靖十八年七月二十四日

制曰大司徒職掌財賦國計攸關置屬分曹南北均重自非端人不以任使爾南京戶部浙江清吏司郎中陳俎學務時敏志克慎修往歲獻計大廷首典財賦朕見爾清白乃心平施稱物簡更銓部俾領功曹既以朴直忤時黜倖列郡踐馱浸久聲聞聿彰是用召還郎署更踐舊都明刑理財具有成績

朕甚嘉之茲以

大饗覃恩特進爾階奉政大夫錫之誥命尙勵初忠以圖後效欽哉

誥贈密雲兵備山東布政使司右參政邊鴻

萬曆三十年正月二十五日

制曰良士之興百年慶餘菑構大夫之祭三廟義率本原故嘉繩武之賢必表貽謀之烈爾原任直隸大平府蕪湖縣典史邊鴻乃整飭密雲等處兵備山東布政使司右參政兼按察司僉事有猷之祖父坦坦幽人孳孳善士彈冠佐幕聊爲損棘之棲投絀還山遂出樊籠之外惟賢者之有後信天道之福謙鬱起聞孫爲予國祿茲特贈爾爲中大夫整飭密雲等處兵備山東布政使司右參政兼按察司僉事龍光載賁於九泉鴻號綿輝於百祉

誥贈密雲兵備山東布政使司右參政邊實

萬曆三十年正月二十五日

封邱縣志

卷七

三

開封新豫印刷所承印

制曰人臣體國資事父以事君王制尊親寓教忠於教孝丕昭慶緒用錫洪綸爾原任直隸真定府定州行唐縣儒學教諭屢贈中憲大夫直隸常州府知府邊實乃整飭密雲等處兵備山東布政使司右參政兼按察司僉事有猷之父端貞誼士博雅名儒梁苑彪才箕山振鐸談經折角真學者之師嚆指動心亦古人之孝蹤潛蔣徑教篤鯉庭義以子而事君福自身而貽後茲特贈爾爲中大夫整飭密雲等處兵備山東布政使司右參政兼按察司僉事箕裘緒衍於百年泉壤光贈於三命

誥命整飭密雲等處兵備山東布政使司右參政兼按察司僉事歷陞布政

司右布政加太僕寺卿邊有猷

萬曆三十年正月二十五日

制曰朕四顧京甸首切本根重念漁陽防殷肘腋茂簡甸宣之吏必其竑敏

之才寄以奠安豈無蕃錫爾整飭密雲等處兵備山東布政使司右參政兼按察司僉事邊有猷清標亮節雅度宏猷策仕民封化已宣於馴雉游更郎署譽益著於祝鳩三守名邦一持素節爰自郡而遷臬復由霸以移檀察吏安民就畀以保釐之任簡兵謀帥因兼之鎖鑰之權兵刑之脈絡相通臺府之威稜益壯而爾廉威並著明動相資寬於軍民以爲必得其心然後緩急可用峻於將吏以爲必行其法然後臂指能臨爾慮甚周朕心滋悅茲特以覃恩晉爾階中大夫錫之誥命嗚呼檀山北峙折衝允賴乎金城黍谷東環保愛尤資於玉律爾尙謹郊圻之申畫先戶牖之綢繆養兵要在於養民治外莫先於治內勉思爾職簡在朕心欽哉

碑記

封邱縣志 卷七

四

開封新豫印刷所承印

重建城隍廟記

邑人高雲漢知縣

宏治甲寅夏棗陽袁侯仕奉

命來知茲土時適淋雨傷禾侯爲民憂禱於城隍卽息是歲大熟以後有禱卽應侯視廟久頽敝乃謂諸左右曰似此何以揭虔而妥靈宜求德望素服人者董營建事爲吾新之僉曰必得其人非劉氏鐸不可劉嘗修學宮功績著可驗侯遂命之劉卽慨然與同志劉和數鄉耆民各捐已資若干緡更募邑中尙義者充之選材鳩工事經始於宏治丁巳之春落成於戊午之秋後寢四楹前殿八楹移道院於乾建子孫祠於震夾以廊廡隸以門宇繚以垣墻內而尙像莊嚴侍從崢嶸可畏是以廟貌煥然改觀入者森然起敬足以爲妥神之所侯考成卽許爲記以旌之未幾朝庭以風憲見徵遂去邑宦遊

致仕者馮傑樊隆等恐其久而失紀借來徵予文以紀其事予惟城隍之設肇於易坎王公設險保國之義然天下建祠崇祀未詳所載旁考江州城隍俗以漢穎陰侯配祀吳草廬遂疑廟之立爲棲配食者之靈殊於義未安秦馮向見夢於漢高稱奉天帝命領知城隍陰事世說廟祀自漢始於義亦未敢信惟陸放翁謂唐以來郡邑皆祀城隍禮不必拘於古但求之於義合者悉可舉也於義始得之是知城隍以義起審矣封城屢脫兵火之災正德辛未劉賊攻圍三次而此邑略不爲之震搖固雖邑侯張守邑博張瀚毆禦有方實惟明神呵護保障之功也書日記功宗以功作元祀今神捍大患禦大災與所謂元祀之典無愧其建祠崇祀視諸不關風教無益生民濫受廟祀者相去不遠甚耶劉君爲神圖新其廟致政爲劉之意爲之請記皆義所當

載者也予因是採摭所述之梗概遂組序爲文歸鐫諸石以垂不朽

重修城隍廟記

邑人李曰敬通判

嘗考易有萃渙之文書載咸秩之訓古昔聖王總一海內統理人羣大都他務未遑而祀事則先立焉所以報神功祈鴻休欲以永捍生民意甚厚也洪惟我太祖高皇帝迅掃六合萬靈畢佑是以輦轂所通稽首稱藩岷疆不逞者悉膏肱斧矣其間神跡顯著者俱敕有司重建祠宇爵以執圭徽號烜赫崇奉逾二百齡至於城隍之神累代相沿在祀典與社稷將所以冥贊有司而同福斯民者也廟制在邑之中規模頗深邃廊廡樓寢近皆新燦其華爽威靈翊民保障之功累有徵驗昭報媿惡捷於影響民有欲詣京請封者會有異同弗果乃正殿屋材歲久未修瓦縫掀張鴟尾傾邪糝彩脫落殊不恢

觀望前任邑侯郝公欲起而新之捐俸金以爲鄉人倡繼而以内艱解組去
逮我侯張公下車亦出粟穀爲師匠費鄉民張兩陳相等承二公意鳩衆出
會積鏹數百緡卽日撤去腐壞欲易以琉璃乃擲筊而請於神得卜惟瓦器
吉再卜如之始知用瓦器制也正直聰明神理莫爽由是瓴甃丹雘之屬悉
爲區辨務歸精好興工於萬歷辛巳暮春落成於壬午春三月顰飛錦錯釘
頭磷磷視昔耀然張侯樂觀厥成復額之日冥司靈應飭以金碧真有見哉
且祭法以禦災捍患爲重年不順成民多凌崑焉用祀爲邇來五穀頗登歿
扎靡作枹鼓不鳴謂非神賜不可懿哉此舉所以安神靈肅黎庶酌德報功
於無盡使四境寧謐疆場永固質諸祀典雖易書所稱何以加焉

重修城隍廟記

邑人萬泰國子監
監丞

封邱縣志

卷七

六

開封新德印刷所承印

順治甲午歲古越余公諱緒奉

命來知封時神馬決口未塞黃流北注封城久爲澤國

城隍祠亦圯巨浸間公僑居村舍者五載今始水落土平公入邑視事旋念
日邑有

典祀中奉

神祠往歲時伏臘無論薦紳鄉氓牲陳帛於下者駢集鱗次在壇壝南則
配享風雲雷雨與夫境內山川北則主祀邑厲蓋從來久遠所以答理陰庇
陽保障四履之績者也今吏廳事漸葺俾

神歆止靡地何以妥靈貺致隲佑乎乃他務未遑先集材鳩工建

神宇三楹高廠軒聳較前肅觀廊廡重門階祀垣壁次第告成春秋薦馨有

地矣邑士民聞新祠落成各欣躍晉瓣香且共囑愚紀歲月嶺末愚聞昔有令單車之邑值塗中復有令亦之邑相與言囑令曰煩爲我營宇廡行將至邑忽不見次謁羣廟見城隍祠敞甚因知塗所囑者乃神也爲鼎新之觀此知令職陽

神職陰陰陽實相夾助况令之設原以治民事

神今公室廬未蔽風雨而拮据區置急營神祠可謂明於治事之義矣然公又非瀆於事也不過祈其雨暘以時天厲不作事

神政以爲民夫公以爲民之意致誠於神神必鑒公之意降休於民民能體公之意若於政遵於教明無卽於匪辟幽無欺於

神明前茲昏墊之苦實下民自干譴罰耳嗣是易災爲祥使我民幹止寧室

封邱縣志

卷七

七

開封新豫印刷所承印

家聚耕鑿嬉遊永無逢災害者在此一舉矣所關詎淺鮮哉是工也經始於是年八月之三日落成於九月之十有二日其物料工費悉公捐俸所置時邑丞張君大章簿胡君來貢尉張君學暨學博宗君錫印陳君聘璧同仕茲土並鐫石爲之記

重修關王廟記

邑人邊有猷

布政加太僕卿

舊封城西南蓋有義勇武安王廟云廟枕中灤鎮南南北北官吏拜謁鄉民齋禱奉祭時有州守王克彰權汴路弭節斯鎮來謁瞻一殿亭結構未完捐俸以佐之封邑尹王信階是督厥功遂成然廟所繫封號及州牧皆元人也縣城中西衢北舊有廟乃閭邑人士所奉祀者明初圭璧庚乙不絕先是來蒞茲邑者及邑士大夫人民頌靈忠義廟有壞輒構雕甍闢角突兀封邱複道

逶迤望之嵯峨香浮霧靄較別祠頗覺巖邃正德歲劉賊犯關城城中人及賊衆往往見有楮面長鬚者飛躡城堞上往來却射城中耆舊相傳至今蓋靈負忠勇正直之氣歷千百載不磨護國庇民有若此者竊念關王古正祀不在淫祠之列觀往牒當年佐漢與劉始末見其忠促日月義折金石力挽鍾鼎威懾華夏不可殫述矣且是顯赫靈應晶萬代如一息保全一邑生靈卽與社稷並祀不朽可也奈歲久殿宇傾脫震風凌雨幾失岼嶸丁酉歲邑中人士計割醵修葺而任之藩尤以操觚暇分使集材鳩工課役經秋用告成霽蕩之碎竄者易之榭軒之破漏而補之樽櫨之蝨腐者植之丹雘之剝落者飭之廟貌煥然一新茲地也近瀦水堞塘有重欄畫閣在前及左右紺殿縵迴盡廊高啄迂立遠視而望幸焉盤盤乎困困乎有抱勢鈎心之勢視昔頽圯規模不翅十倍且夫法座禪宮霧列神州者千簷萬落弗可勝紀非有所覲焉而祀則有所禳焉而祀又不然則有所惑焉而祀若以圖形明室者而謂酌烈於漢勳誰則知之又以爲誦美欽崇靡邀於前而庇民捍患永需於後又誰則信之哉靈忠義茲記未悉載然已暉曬兩間彪炳史冊洞屬人耳目無待愚曉曉且愚止述建立重修至意卽爾來請禱靈應迪福灑災確乎不爽亦惟是薦以馨而舉以義神斯格耳苟舍民義而徼賈以非禮則非立廟之本意也

重建關王廟記

邑人李曰敬通判

王蒲東解郡常平里人生於漢末父雍爲招募使王其仲赤赤貌修髯勇智絕人抱忠義有國士風忿亂從戎結義首平巨盜恢復漢室輔先主王漢中

卒成大業其英爽威靈歷數千禩赫然如王在日蓋古今之正氣蟠結宇宙間無窮已俾後世含血戴髮冠帶草茅之鄉靡不構堂而崇祀之蓋慕王之義亦無窮也逮明太祖開天拓宇百神效靈敕有司遍建神祠以答幽眚自都城及郡縣而下王之祠殆徧焉封邱舊有王祠一所乃宏正以前所創者在邑之西門街北數步南向巋然高敞神像瑰偉介冑若生兩壁畫王歷履勳績是一偉觀邑中或有冤抑昇王行神祝之已而果爲昭雪應若桴鼓嘉靖中邑民建樂樓一所北向以容俳優鼓譟非制也且前門狹小與祠弗稱久之俱傾圯牆垣亦廢人畜雜沓至屠販往來動貽不潔甚非邑人崇奉意萬歷辛巳歲予慨然約一二同志若鄉官邊君實等暨坊間好義者數十人每月二會貯錢以需其用至壬午積鏹若干緡僉日可以興矣乃拉木於河

買磚瓦灰料等件於時工費頗鉅計用不足衆又各出錢若干緡鄉夫有願出財者聽由是鼓舞趨事而落成有日矣乃先新厥像揆之幽理又慮門隘弗容王車從樓前遮王觀望似非洞開重門之意令四圍先築牆皆丈許以杜遊踐遂拓前門爲四楹飾以丹青撤樓材爲二門亦四楹內塑神駿二匹控馬卒四俱飾以金碧欄以木柵前廈梁厩甬道將次第而新之曩嘗爲文以告垂成冀工完常有碑記夫亘古至今光岳萃止上應四七之數下乘五百之運其間元戎碩輔勒鼎鐘而銘旂常者世豈少哉而後世崇奉不如王感慕不如王或炳耀一時卽湮沒身後况能永垂祀典遍及宇內耶此何以故大都俯仰滑中淪心易志生不懷金石亡不作雨露孰有如王之翊運庇民數千禩如一日者哉徧宇內而祀之亦以見正氣之孚人雖與天壤俱敝

可也

包修磚城記

邑人邊有猷

布政加太僕卿

封邑形勝負山帶河地界堯豫南北間在黃池封阜北古蟲牢地連衛之衝乃汴之咽喉也舊惟土城一座周圍約六七里高弗盈丈規制隘甚正德歲盜賊劉六劉七等猖獗直擣茲邑全城幾被屠掠賴大參秦公及邑侯張公極力扞撤賊環城攻數日不克且多被射傷者賊流言再至屠封邱已果三至而封設備倍堅時又有兵備陳公指授方略賊不敢復近不惟封民賴以全活汴省實倚爲保障噫向微三公之力又無可恃之險且幾無封矣封民構祠祀之垂六十年談者往往追思不置近我侯李公以東魯俊杰早掇巍科來牧茲邑整剔百務秉鑑嚴明境內肅然政績足紀者多矣至隆慶壬申

春暇登城閱視見其傾圮墮落泫然嘆曰此城雖屢經補葺弗獲完固守土之臣當思捍衛封疆且大河經邑之南全邑生靈守此數尺滑壚封邱如坐陷甯豈不殆哉乃堅意包修遂捐俸若干易磚灰木石肇起厥功除徵稅廩羨外民間願出金助役者二百餘家兼多方設處以藉其用時羣議紛起侯慨然曰愚民可與樂成而不可與慮始吾爲女曹建數百年不拔之基功成匪細雖怨謗弗恤也卽當道者始嘆之終亦卒從其請兩月自南迤北城三面砌成工約及六分而止時維孟夏恐妨民務故止至八月初旬乃復築落成於季秋九月前後未及半歲大工立就封之民無知愚賢不肖皆感誦而誦詠之僉曰張侯秦公守城功在一時尙皆銘勒不朽我侯創不世之勳功垂千載後人永賴之可無一言以識我侯豐績耶是役也所謂一勞永逸雖

一時物力少絀而終獲完固故民始築猶有難色迨垂成則自爲毀垣撤壁以佐之願觀厥成功使子子孫孫受庇無涯也侯之功化若此良可頌已頌曰高牙大纛可以威民而不可以懷民黃閣紫殿可以臨民而不可以覆民豈若金城之固可以捍民之艱而壯國之元氣也哉維明疆域畫野分州設險守國以防鼠偷凌弱暴寡肉食是憂銓我賢牧來蒞平邱衛國庇民籌略萬端高城巖石滂若雲烟工成五月四維盤山金根鏐角翠頂碧腹佳氣葱籠下有淵谷岡巒齒列刀鋸岩岩勦敵膽寒勢壓山川功維伊何我侯之艱障河禦寇需此萬年萬年紀蹟人誦家傳

儒學建尊經閣記

邑人賈謙吉 庠生

今士大夫無不從經中陶鎔出皆知尊經矣抑知經之所以尊乎夫經心也

封邱縣志 卷七

十一

開封新豫印刷所承印

經之用及於天下後世能使人作忠作孝砥廉而礪節則經固不尊與然而忠孝廉節道有未盡豈經有時不尊耶毋亦尊經而不求諸心因不見古人之心以致作用舛駁耶嗟嗟亦難言矣思昔古人欲範天下於忠孝廉節中卽匹夫匹婦少淪匪彝所不忍焉又慮天下後世或無藉興起於是因心而設之教而心有不繼則或湮焉不傳而顛矇之夫又不能自識真心以砥行於粹白因創爲矩矱而命之曰經故夫六經之文古聖賢之精蘊在焉古聖賢之心與千萬世人心一以心讀經而識其精蘊尊心固所以尊經也古聖賢往不可留而留之經古聖賢心不可見而見之經嗚呼經可易尊乎哉孔子曰詩可以興邇之事父遠之事君孟子曰非其義也非其道也一介不以與諸人一介不以取諸人子思曰以位則子君也我臣也以德則子事我

者也嗚呼此忠孝廉節之極思而尊經之妙用也不然而襲爲劉輪彫蟲之
技元黃月露之文皓首窮經而不知經之用徒爾吟誦糟粕剽竊鞏悅甚者
諛詭幻恠吐奧譚元標已見而謬聖人於經文大義漠然不知何物其父兄
所訓師友所教竊以爲非是莫能爲舉子捷徑一旦徼中有司之求驟陟通
顯縱詭飾奸僞學欺世愚者往往效之不知與古人背馳遠矣故兵諫立啐
歸俘遊叩者接踵並興是豈不知尊經耶抑尊經者摭華遺實用汨厥心尊
焉而未知所以尊耶嗚呼敝也久矣反經合道當自今日始封邱古黃池地
邑令王君捐俸修學庀財集工建尊經閣且囑愚發明所以尊經之旨異日
阿軒翔臺宇峻絕亦一邑之大觀云

置學田記

邑人邊之靖舉人

邑有學奚學學道也學有士奚事尙志也學道則不憂貧尙志則不欲取非
其有則學又奚以田爲田又奚以學爲嗚呼鬻販傭工士不可兼而惟農則
可兼賓祭醮殮士無所需而田則其所需以故夫子適衛富之教之而子產
治鄭植焉誨焉泊今千百世獨艷稱耕讀二字競以爲美噫學惡可以無田
田又惡可以無記也此邑侯翔溟張公記學田意也而匪止此也周禮司徒

掌建土地畿疆因五物而施十有二教三德六行均甸井牧祇庸孝友師保
氏職實互成士農亦非截然分而爲二如涅素燔淖之異處者且士方求志
蓬華游心道德之場馳志仁義之圃胸羅萬有目無千駟乃挾域苦貧佔嗶
無他技術拮据俯仰間能無妨學業乎公一日顧頴謂學三師曰本庠舊有
學田歲租籍之督學使者士有緩急必以上請乃獲申郵往來旬月士方在
涸輒中而乃邀西江水以活之寧有裨乎乃出俸金置學田二頃皆膏沃也
田在城之東北二十五里柳固社區凡五其所易地爲鄉民王正色地租歲
入可百石貧士一切脯修牲獻饗殮羔雁之需不時取給尤簡其力數矜行
破額給之養其廉恥且囑兩學博公其資予防其侵牟嘗與二三僚友自矢
卽以桔槔小潤必欲士子沾溉實惠勿徒賣名聞之於上且使嚮其利者德

已也蓋公銅緩世家幼負氣節脫穎鬻宮舉尙有登第視篆吾封乃翁沉酣
墳典樂賑好施公實味世烈咀清芬霑膏渥所在沈肌洽髓云公減賦輕徭
申冤抑釐垢弊黜奸黨諸政績非於學於田者茲記未載唯是辛亥歲嘗貸
民田牛種起瘠羸貧民獲嘉粟又於河堧沙岸躬履隴畝勸課折除稅無虛
徵民無曠土茲復課文學校大資善人恢宏志士之氣挺皎拔俗之標在醜
不爭絕跡千里固人所自振厲養之不自上始哉今夫一郡風俗視士士之
廉貪視養茲田也固欲以石儲之積維士一綫之良尤欲士以艱貞之養維
齊民禮義廉恥於不滅也士其勗哉蓋嘗論之廣輪墻衍盡連鑣結駟之儔
負薪衣鶉則大冠縫掖之侶乃人所貴實在此不在彼士守嚴一介識眇萬
鍾其所處以爲嘗亦在此不在彼此又奚足圍多士罄公績哉公今方執醕

禮耆舊暨坊表贈俎豆繕幕壇表忠貞淳化殷流滄海一粟一公餘澤所波及耳唯是緇積寸膏必令士沾實惠謀之必盡籌之實遠令誦法孔孟者得壹意道術專力問學處則幽貞達不變塞此之培養篤育不大有造於封士也耶迺於是乎記

建荆隆口河瀆神祠記

南昌張元禎翰林侍讀

黃河下三門孟津而東雖遷徙不常大抵北淤極則寢走而南南淤極復寢走而北一勢之必然而不可強者斥地以須其定固古人上策然國家運渠國計殊急不容於有所須則夫疏塞隄防之所以備一隅而濟一時者亦奚可緩哉勢未底於極人衆亦能勝天苟推諉以固然而弗之理如國用何如民命何文山謂父母有疾雖甚不可爲人子無不下藥之理君上之視民自

封邱縣志 卷七

十四

開封新豫印刷所承印

當亦然河流寢南自季周以來久矣乃今勢又將北宏治二年秋原武被決灑流爲三不循故道漫衍四出河南山東兩畿俱罹其患運渠可虞天子震惕南京戶部左侍郎毘陵白公昂啣命往治既築堤北岸導之南復穿爲縷水門甚多越一載告成未幾復決楊家荆隆等口東瀉運渠如建瓴然安平隄告急再命浙江左布政使華容劉公大夏陞爲都察院右副都御史以繼其任河南按察司僉事濟南張君鼎先以陳公檄預其事至是公復召與謀而善遂薦改布政司參議以專其職於河偕之道河上下千餘里具悉利害謂黃陵崗安平隄上流且土壤堅實茲不塞安平隄卒難保全孫家渡口又黃陵崗上流茲不疏浚分殺水勢黃陵崗卒難收功疏上詔可功未訖而安平堤決矣七年糧運愆期特詔太監關西李公興平江伯合泐陳公銳督視

其役至則一循公畫李公分治安平陳公分治黃陵而公分治孫家渡口八年春三月復以黃陵上流爲荆隆及楊家等六口欲黃陵收功此口亦不宜不塞第土性輕脆洪流湍急恐難爲力耳參議請分萬夫蔴萬斤薪芻十萬束往塞之三公從其言正月十一日興工夜以繼日裁浹旬六口皆合黃陵岡功以次成三公請於朝敕建昭應龍王廟於黃陵命有司歲時致祭參議君進秩副使鄉民父老又僉以荆隆口成功之速非神明默佑不能亦剏祠三楹以祠河濱之神馳書幣來屬禎爲記於以著三公協謀深副九重重托憲副君贊化才力特優皆由皇上一德格天百神效靈之所致實鴻圖萬萬年之徵也禎濫竽詞林職兼紀述不可辭遂誌此云

築護城堤記

棗陽袁仕知縣

封邱縣築堤一週以衛城郭蓋予受牧民之命下車蒞政之初障禦河患冀免當途議遷改城邑之役也始宏治二年河決原武吞汴沁河奔衝放溢墊溺之害浸及城邑六年夏大霖雨黃河滔天橫溢四出決大潭口由九家而東決韓家墳由荆隆口而下又決楊家口毋寺口併流北注吾邑田野盡爲水潭城郭官民幾盡蕩沒邑庠生黃霖以義倡衆築土障水俱以幸免巡撫河南副都御史姑蘇徐公聞而憂之議遷城遠害用全民命藩臬諸司僉以爲宜移檄右參政曹州王公來議遷城至則召邑中官胥父老喻以遷改事宜又詢及邑北城名小城高阜可遷躬相原隰經畫區處規治宛然作圖貼說用復遷議當途者又以勞費既舉會計攸先區處間適歲七年拾月初九

日予始知邑事值茲災害不遑寧處勞泮於躬憂形於色竊以民已疲矣容
敢復勞財已竭矣容敢復費且安土重遷自古爲然夙夜圖謀爰咨於衆金
龍口堤可與漕河共圖周城之堤衛民亦宜急築其爲勞也小其爲費也省
其救害也速持此事宜冒昧爲當途者言之遷城之議姑置之矣八年春正
月初八日藩司少參濟南張公應漕檄公治上源督兵民萬人塞口予獲從
事戮力其間且災變已極人力用盡天意方回旬日之間決口畢塞河溢之
害於是少息邑之田野盡獲耕藝是年夏大熟城郭官亭民舍亦存其半築
堤之役毋容緩也予集邑之衆用與圖曰築遷爲役出此入彼勞費殆相什
百千萬焉民咸利之歡聲雷動舂鍤雲集環城築之三旬而週以步計二千
有奇厚以尺計三十有五高與厚計實相稱之僅足防害以農奪役九年春

正月復請於巡撫河南右副都御史盱眙陳公以二千人繼築選舉邑判簿
峴源楊君昭醫學訓科邑人王朝用分領督之於三旬之內高厚兼倍築役
既畢責以夾堤內外雜植桃柳萬計俱有成效城郭官民可保無虞遷改之
議息矣邑丞古完李君麒蠡吾劉君景判簿臨邑張君彪同寅協恭同佐邑
政詢及事始偕相謂予曰際此害可保全厥土事工在時信不可誣執事志
周爲民不求聞知苟無一言爲記以告後之繼者則後先何以相望欲其事
工常存而不壞庸可得乎予重諸君之誼爲爲民之舉故不嫌於僭用記厥
始并識歲月云且繫之以詩曰河源西域邈莫能遡奔趨萬里入於中國衆
流會流厥勢乃大自古及今咸以爲害徙則障之決則築之經之營之人其
圖之安不忘危治不忘亂苞桑之戒永爲龜鑑厚我元元培植本根庶幾有

濟實予之心

荆隆口塞河功成勒石記

洛陽劉健大學士

宏治二年河徙汴城東北過沁水溢流爲二一自祥符于家店經蘭陽歸德至徐邳入於淮一自荆隆口黃陵岡東經漕濮入張秋運河所至壞民田廬且勢損南北運道天子憂之命官往治時運道尙未損也六年夏大霖雨河流驟盛而荆隆口一支尤甚遂決張秋運河東岸併汶水奔注於海由是運道漸涸漕舟阻絕天子益以爲憂復又命都察院右副御史臣劉大夏太監臣李興平江伯臣陳銳治之命下三臣乃同心協力以祇奉明詔遂自張秋決口視潰決之源以西至河南廣武山漸涸之跡以北至臨清衛河地勢事宜既悉然以時當夏半水勢方盛又漕舟鱗壅口南因相與議曰治河之道

封邱縣志

卷七

十七

開封新豫印刷所承印

通漕爲急乃於決口西岸鑿月河三里許屬之舊河以通漕舟舟既通又相與議曰黃陵岡在張秋之上而荆隆等口又黃陵岡潰決之源築塞固不容緩然治水之法不可不先殺其勢遂鑿滎澤孫家渡口河道七十餘里濬祥符四府營淤河二十餘里以達淮疏賈魯舊河四十餘里由曹縣糧進口出徐州運河支流既分水勢漸殺於是乃議築塞諸口其自黃陵岡以上凡地屬河南者悉用河南兵民夫匠卽以其方面官分統臣大夏往來總督之博采羣義晝夜計畫殆忘寢食官屬夫匠等悉用命築臺捲埽齊心畢力遂獲成功焉初黃河諸口之塞惟黃陵岡屢合而屢決功爲最難故既塞之後特築堤三重以護之其高各七丈厚半之又築長堤荆隆口之東西各二百餘里黃陵岡之東西各三百餘里直抵徐州俾河南行故道而下流張秋可無

潰決之患矣是役也用夫匠以名計五萬八千有奇柴草以束計一千二百萬有奇竹木大小以根計一萬二百有奇鐵生熟以斤計一萬九百有奇麻以斤計三十二萬有奇其興功以宏治甲寅十月而畢以次年二月會張秋以南至徐州工程俱畢臣興等遂具功完始末以聞天子嘉之特易張秋鎮名爲安平賜臣興祿米歲二十四石加臣銳太保兼太子太傅祿米歲二百石進臣大夏左副都御史理院事及諸方面官屬進秩增俸有差仍從臣興等請於塞口各賜額立廟以祀水神安平鎮曰顯惠黃陵岡曰昭應已而又命翰林院儒臣各以功完之跡文之碑石昭示永久臣健以次撰勒黃陵岡臣惟前代於河之決而塞之若漢瓠子宋澶濮曹濟之間皆積久而後成功或至臨塞躬勞萬乘今黃陵諸口潰決已歷數年且其勢洪闊奔放若不可

爲而築塞之功顧未盈二時此固諸臣協心夫匠用命之所致然非天子至德格天水靈效職及宸斷之明委任之專豈能成功若是速哉臣職在文字覩其事誠不可以無紀乃謹摭其事撰次如右且繫之以詩曰中州之水河其最大龍門砥柱猶未爲害太行旣北平壤是趨奔放潰決遂無寧區粵稽前代築修屢起瓠子宣房實肇其始皇明啟運亦屢有聞安平黃陵奏決紛紜壞我民廬損我運道帝心憂之成功欲蚤乃命憲臣乃宏廟謨諄諄成諭冀效勤劬功不且上復遣近侍繼以勳臣俾同往治三臣協力兼采羣謀晝夜焦勞罔或暫休旣分別支以殺其勢遂遏洪流永堅其閉水行故道河患斯平運渠無損舟楫通行工畢來聞帝心嘉悅加祿與官恩典昭赫惟此大役不日告成咸招之由天子聖明天子聖明化行德布匪直河水萬靈咸附

殊方異域靡不來王以漕以貢億世無疆

利國保民參議張公祠記

南陽焦芳侍講
學士

宏治二年河決原武北過汴城奪沁達徐不能止放溢肆出壞官亭民舍沿河郡邑胥罹其害而封邱尤慘當道有遷城之議既而決金龍口壞黃陵岡下突安平運河趨海之勢益急六年上命大臣修治蹟未底成復簡命都察院右副都御史華容劉公治之公行河至歸德時僉憲張君用和分司其地公召而問曰河勢既北塞之否乎用和曰不塞則無運河無窮之害隨之公曰河水勁捍能塞否乎用和曰此時可塞過此則不能矣公曰或欲引江淮之舟入徐口抵于家店陸運至衛以達路河可乎用和曰陸運勞民且不能久公曰何謂曰兩河勢敵若可行矣異時決河既通故道必塞徐口絕流不

封邱縣志

卷七

十九

開封新豫印刷所承印

能行也公曰塞而無成將若之何用和指其地曰此地生靈爲張許耗盡百世之下人無間言是而已矣君子惟是之圖成敗非所計也公善之至中都封章薦用和爲布政司參議巡按御史豐城余公聞而是之亦封章繼上用和遂進秩參議專領修河七年春正月公駐黃陵岡疏賈魯河導水出糧盡口還河及塞決河斷水東注僉議塞口當下百步以避河暴用和曰水既下不能回矣不如塞口便公兩可之因分上下二埽關八丈夫萬名用和領之下埽關十六丈夫七萬名參政朱君廷璧都指揮王君果領之夏四月六日上埽先合下埽亦合水入賈魯河至糧盡口爲大河所厄逆流輒湧二埽悉棄未幾安平運河亦決漕輓不到天子憂之又命太監關西李公平江伯合肥陳公督治三公同心協謀相與議曰黃陵岡爲安平上源金龍口又黃陵

岡潰決之處金龍口不塞黃陵岡卒難收功僉以金龍口切邇洪流難之用和曰拔木塞源古人確論縱不成功亦足以節奔衝之勢請分萬夫往塞之三公壯其言復以都指揮劉君勝輔之用和酌水勢淺深澤地脉浮實分遣官夫於八年正月十一日興工萬手齊作日力不足繼之以火至二十一日決口塞排水還河以丈計者四百六十四黃陵岡塞決河亦告成漕運通利民患永除又請於三公東起儀封小宋集西抵封邱于家店築長堤二百餘里以制河流橫溢之勢封邱城郭民田皆在隄防之內實一時之奇功也三公還朝奏功用和進秩憲副復降璽書付以保固河防重託且有才識優長之褒用和奉職兢兢建行祠於金龍口之涯分處官夫於長堤之上爲固守之計尤慮水出于家店西爲封邱之害復自陽武口起築堤九十餘里東接

于家店堤通加幫修闢十餘丈夾堤雜植柳榆各數行日夜經營六年於茲隄防如山榆柳成林水無泛溢民保厥居用和之功其大矣巡撫大臣上其功於朝將有銀臺之擢而用和乃以母喪去位兩河之民如喪慈母號泣攀留而不可得封邱致仕王安等率耆老小民偕縣令王君告曰曩者張公未來河水橫溢吾邑城郭盡爲水澤官民幾爲魚鱉困苦萬狀邇來橫溢不能侵城郭不必遷化水澤爲沃壤易災害爲衽席安居粒食伊誰之功禮曰有功於民則祀之明府圖諸袁君忻然喜曰是吾志也於是相率官屬及好義之士各捐俸資召匠集材於行祠右方築土爲臺建祠於上前設門以通往來左右建轉廊以處守者以楹計之一十有六中肖公像時復瞻敬因題其祠曰利國保民云袁君以予有鄰封之雅走書敘記予惟用和排障洪流利

國保民功垂函夏固不可誣封邱之民立祠肖像以識不忘實天理之不泯者袁君乃能因民心而倡率之其亦不沒人善者歟皆可書也用和名鼎山東歷城人登成化己未進士歿歷中外事功之著遺惠之多固不止此此特其大者耳世嘗謂民心至愚而神豈不然耶

河南參政秦公生祠記

西蜀劉武臣

君子籌天下之務至於兵類皆難之乃若舉偏師以加勅敵焉又其難之難者也斯而奚濟事機乎惟其先正後固焉耳先之不正則聞敵而怯怯則走後之不固則見敵而潰潰則敗正之乎其先者忠也固之乎其後者才也然後機事可濟而獲立大功此易之師貞所以爲君子行師之律令也河南左參政秦公早歲以甲科歷戶部主事員外郎郎中吏禮兩部謂公行業宜總

封邱縣志

卷七

二十一

開封新豫印刷所承印

風教交薦於朝出爲河南按察副使董學政用陶鑄士類晉前秩正德辛未巡撫河南右副都御史鄧庠屬公守大梁道先是巨盜劉六等起畿內流劫山東時逆瑾虐焰之餘軍疲民困賊緣此蕩然長驅恣意屠戮郡縣力不能支至有開門延敵者遂蔓延河北頃之渡河而南破鄆城進薄信陽都指揮馬振戰不克死之賊席勝而驕所過俱被蹂躪遠近騷動鄧公以聞上命參將宋振率師禦之以戶部郎中董旭督軍餉四月秦公往延津閱戎務且伺賊情得諜者言劉六等黨盜魁楊虎者自山東敗走分道掠魚臺金鄉而西公急以蠟書白鄧公謀隄備鄧公邀公赴省擘畫軍餉會暴風作河不可渡乃止于家店宿焉明日公聞宋將至遂辭鄧出迎之五里許忽報賊已踰曹縣距封邱僅百餘里公憂甚忽自念曰賊之衆勞宋之衆逸况賊驕而吾慎

此勝負之機也吾得宋爲用破之必矣復以蠟書白鄧公留宋旣而宋至延津公留之宋不可曰吾奉命討劉六等非爲虎也徑帥師趨省城以聽於鄧公公恚曰封邱逼近省城此地豈可棄哉遂單騎趨封邱延津父老遮道留曰賊至矣公將焉往公麾之策馬直趨封邱士民聞公來皆出迓擁主簿賈泉訓導陳傑等而前泣跪道左曰賊勢孔熾宜宵遁以避其鋒公聲大義折之衆伏地慟哭不可起公曰吾足一移則無封邱矣爾曹奈何導我以非義乎立呼民兵分部以待鄧公旣又用公言留宋使駐師封邱公喜曰鄧公毋亦遙知事機乎往視宋有頃盜掩至剽脚村距城僅十里聞者皆震恐獨公神色自若徐促宋逆戰宋上馬公抗手曰此行自有應援者君其銳然先之遂親督民兵尾其後宋因力戰率輕騎衝其中堅賊衆大敗斬首級俘獲甚

衆公卽營壘犒諸軍賊收餘衆退保腦裏村明日圍陳橋鎮時鄧公已遣都指揮趙玉率師千人居守玉不虞賊遽來倉皇無備士率皆束手就戮居民死者相枕玉僅以身免宋援師至前後數十合刃賊退走解圍去宋乘勝逐北斬首俘獲復倍於初比還封邱漏下二鼓矣諜者言賊屯黃陵岡謀復讎公復促宋追至長垣山東參將李瑾知公謀成喜曰會須共殲此賊帥師千人倍道來策應同追賊至滑縣境刃方接大雨如注弓矢膠液賊遂引去宋休兵長垣李亦引兵來封邱士民望見旗幟以爲賊來復讎男女哭聲震天公登城諦視則發笑曰此我軍也分遣人曉之乃拭淚相慶以爲更生捷音至省城鄧公大悅且命有司飭迎勞具公聞之不敢當乃之傍郡邑料理隄備事旣竣而還諸僚衆稱賀公曰將卒之功也某何與焉論者嘉其不伐明

年公遷山東右布政使封邱士民合詞言曰曩昔微秦公我輩皆魚肉矣乃立祠於學宮之西肖像其中事之歲以公生辰刲牲醴酒爲壽籲天祝公多祐祠成且久士民言於左布政使童公世奇謀樹碑以垂永世世奇公謂予嘗從事於文乃遣邱走千餘里來求予文之予惟兵家之要勇與謀而已矣忠不足則不能勇故勇者忠之發才不足則不能謀故謀者才之發不勇而謀欲集細事且不可而况於兵乎公名世之通儒也兵家之說諳於胸中矣封邱之役以公當之信如易所謂大人矣是役也易之能以正衆公有之易之出師以律公有之易之在師中吉公有之故延津忱以危言而欲留封邱誘以甘言而欲避公皆不爲動者可知公之勇矣宋參將踰河南而往李參將越山東而來公皆得其死力者可知公之謀矣勇而謀正而固可知公之

所以全封邱矣然當時之人皆知公之全封邱而未必知其全省城也或知公之全省城而未必知批他方羣盜之吭鼓我軍萬衆之威使劉六等以次伏誅者皆緣公此一舉也雖然此偏師也公分守大梁猝遇機事而權宜濟焉者也當是時也脫有人言之於上假以河南全師而操縱之則諸盜魁不煩歲月皆在檻車中矣奈何公功成不居痛爲掩覆而人鮮能知之雖能知之而亦鮮能言之也厥後羣盜雖亦衰息而玩愒滋久百餘年來休養生聚者舉皆凋耗迄今尙未還舊於乎豈非生人之厄歟祭法云有功德於民者則祀之封邱士民異時不容不祀公矣惟其志切於圖報故不能遲公之身後而於公之生前此祠之所由作也公行其晉保衡秉機要運徽猷樹偉烈以勤相我高皇光宅天下萬億年無疆之休天子方將寵錫華額以保揚之

奚以予文爲哉而世奇公用意乃爾蓋以俟夫籌天下之務者考焉而亦因以成封邱士民之志也公名金字國聲號鳳山無錫人山東布政使自右而左乃晉右副都御史今巡撫湖廣其績緒非涉封邱者不附見云予既述此還世奇公復申之韻語俾士民有事於祠者歌焉其詞曰天命高皇握赤符乘龍陟降清九區霎時蕩滌羣醜汗乾德融朗揚華映寶祚永永幽明扶何物敢爾爲榛蕪劉六楊虎等賊俘鼓倡兇黨爭吞屠郡殘縣破毒且痛越魯窺梁安所圖危哉封邱床剝膚士民慟哭聞天衢高皇赫怒臨斗樞曰茲草竊干天誅吾有蓋臣聊試需摧爾拉爾如朽枯鳳山秦公名世儒蓋臣之儔偉丈夫謀勇兼濟誰能踰萬衆翕闢譚笑呼兵機徂處天機徂神乎神乎焉可誣猛將精卒何魁殊堂堂殺氣雷霆驅羣逆霧散走窮途封邱戚戚成于

封邱縣志

卷七

一十四

開封新豫印刷所承印

于清氣依舊搖桑榆嗟公有功渾若無掩覆曾不揚鎗銖俄而天寵來神都星軺望望山東途士民願款無地輸作祠夫子宫墻隅中庭高擁花繡楹儼然輝表森碧梧香燈瑞靄相縈紆歲時老稚紛踰趨牢蔬滿案酒滿甌心事稽首動批敷願公作相傅臯徒追綜兩相陳計謨隆我王道齊唐虞法宮深處時都俞元化銷盡金甌固高皇寶祚天壤俱

重建鳳山秦公生祠記

江陰張袞監御史

嘉靖丙戌秋七月前河南左參政今戶部尙書鳳山秦公生祠成公諱金字國聲常州無錫人學者稱爲鳳山先生故號云祠在封邱學宮之傍由樞星門而入西折五步則祠在焉門東向後爲堂三楹中奉先生之像實邱民昔所自建出廟門東望數里則公提戈遏賊處也縣令龔君治茲復增大之前

庭後寢規制宏廠倍於舊觀矣君子曰禮也當武廟之初小人繼續用政天下日滋於敝歲辛未劉齊寇發楊虎甲興聲搖畿輔遠近傳聞京師震恐莫魯傲然不復知有東吳矣是歲之春見延津兵火大舉先生度封邱必不免匹馬來救登陴大呼誓與城俱晨夜展畫計軍實倡死力而伸傲之以禦危急日有吾在爾無恙也爾民不用吾命者死於是民知感奮咸有鬪心會宋參將出師河北疾驅不可止先生移檄請留果得強弓數百佐吾吏士詰朝出剽脚之野生擒渠魁二十有奇由是賊徒宵遁不敢直窺封邱孤城賴以獨完先生書生也仗劍一呼生全萬戶雖虎臣謀將之所不能若於以知儒者之學果適於用而橐鞬鉛槧非二道也先生既去河南之十有五年入佐

天子歷禮兵戶三部尙書去民益遠民思之猶參政時也是豈可以強而得之哉縣學諸生以令之命謁行臺請予文之以識祠成之歲月余觀是役也有三善焉恩懋茲土民不能忘從而俎豆之是故得祭法有功則祀之義祠不他度必於學宮以風示先王之道是故得詩人獻馘之意伐木爲材程民之力而民不告病時不書勞若魯僖公修泮復闕之爲者是故得春秋爲教之旨具是三善而持此以觀人心百世可知也予乃復進諸生以告之曰爾民不忘先生之恩謂其救汝之死也爾士嘗聞先生提學於茲尊孔孟黜百家以端木範俗爲賢至今梁之士出先生之門者號多賢人君子而大道賴以不顯則夫保爾之身與淑爾之性其恩之大小宜何如也諸生皆頓首謝曰命之矣永不忘於孔氏之庭

參政秦公生祠記

麻城曾大有提學副使

聖王建萬國以親諸侯凡岳牧之官於君爲屏翰於民爲師帥勢分雖殊而安危相繫其勤民也有禦災捍患之仁則其得民也有存愛去思之義未有好仁而下不好義者也正德辛未草寇劉六劉七崛起霸州與其黨齊彥明楊虎輩橫行畿輔而旁午於山東河南荼毒生靈溷汗良民遠邇騷動春三月賊騎數百突至延津縱火焚譙樓勢益猖獗民鬪無志人人自危夏四月赤幟翺翔自陳橋鎮西上驚塵蔽野封邱有剝床之漸河南布政司分守參政無錫秦公力以爲己任挈舟北渡亟至封邱則主簿賈泉孑然獨立保障無具井邑可屠岌岌乎其殆哉公乃申法令繕軍器募壯勇固保甲飛芻輓粟於隣疆堅壁清野四境戒嚴時有宋參將者以驍勇稱奉命討賊傳檄

已過延津將渡河而南公邀之弗果來復以忠義激之始移兵至賊火已舉於城東之剝角村與參將宋振決策誓師振旅而以鄉兵援之公自登陣桴鼓以作士氣俄頃遇賊於剝脚村我武惟揚再戰再捷遂北五十里斬獲甚衆公曰烏合之徒可以殲之前禽之逸無幾矣奔殿者盍要擊之由是生擒孟林等二十餘賊奪回婦女牛馬數百計獻俘訊馘饒歌載路瘡痍之民稍得安枕公復論功頒賞訓練精明邑令張守繼至受成於公戰守有備賊三至三却民無恙矣闔邑老稚扶攜相慶感公之再造而不能以忘報乃以生祠請於令令曰茲義舉也闢地於泮宮之右建祠三楹歲時禱祝終矢弗諉庠生高雲漢以張守之命屬予爲記夫君子匡濟素養於平時而勳烈每成於事變方劇寇鴟張人心洶潰百里之命危如累卵而公乃能周旋捍禦以

成康濟之功非胸中有甲兵者其能然乎至若虎將提兵赴幾嚮應則公之忠誠有孚可比於賢從之吉也否則猜忌自用而訑訑然曰吾有完畫矣奚必因人以成事適足以償事而已公以矢志匪躬宣勞屏翰與民立命而天下莫與爭功與人立功而天下莫與爭能可謂全德也已宜封邱之人感公之仁勇而生祠之公之勳名駿發且方興而未艾也公諱金字國聲別號鳳山恩懋茲土厥歷中外今轉遷山東右布政使而斯民去思若是利澤之入人者深矣詩曰文武吉甫萬邦爲憲他日功垂旂常勒鐘鼎當益信矣斯祠之創始以癸酉冬末落成於明年甲戌夏五月秋七朔日記

秦公生祠記

吳郡徐縉

翰林學士

祭法能捍大患則祀之而王制亦有受成於學之文則釋奠於學以訊馘告

封邱縣志

卷七

二十七

開封新豫印刷所承印

詩泮水曰矯矯虎臣在泮獻馘是也前河南左參政今戶部尚書鳳山秦公哀兵鞠旅與劇賊遇殪且逐之河北以奠在禮封邱宜有廟祠而祀宜在學宮左右先是邱民感慕功德創祠繪像以奉蒸嘗久矣龔君來蒞茲邑復謀所以廓而大之門庭堂寢百用具修巡按監察御史張君補之請縉表其事於碑以示久永在武廟初閣豎專恣濁亂煽虐流毒海內羣盜竊發霸州人劉齊等招集亡命斬竿揭木出入齊魯間有楊虎者爲之爪牙所過隳突殘破城邑賊殺長吏燔燒剝剔流血成川積屍爲邱兩河南北悉被蹂躪不復能制遠近繹騷撼搖畿輔鉦鼓之聲震動數千里已而長驅京洛攻延津逼封邱時左參藩司率先捍禦羣議洶洶謂宜宵遁以避其銳公曰封邱扞蔽省城吾當與之生死耳獨策馬登陴急選車徒鍛矛矢申畫曹伍訓厲勇敢

爲抗守之狀則又移書臺臣陳說利害要駐關師合謀戮力相與冒鋒鏑嬰
矢石擊賊剷脚之野一鼓而殲其渠魁俘其驍銳復追至長垣捷奏天子由
是賊徒駭散奔伏他郡勢衰沮不復振邇月而竄於狼山卒於蕩平噫祭法
所謂能捍大患者非公其孰人哉當賊勢方劇郡縣披靡狐鼠進退莫敢支
吾至有迎降納款者遂使草莽逆豎橫行六州無辜之民備受慘毒當宁吓
食張皇邊戍僅乃克之向使典領方面宰制郡邑得如公者分布盤錯其間
式遏亂略懲之於始蓋不待狼山而後息肩矣公之功於是爲大廟食之典
與國咸休可也乃紀之以告來者詞曰武廟嗣服昊天降疵君側弗靖寺人
蔽之攘竊咸福濁亂綱紀高下臆決僭擬天子淫刑峻罰動觸機罟神痾瘵
籲階禍賈怒頡頏羣仇嘯聚騷繹封豕豺踰淵藪逋逃隳突齊魯憑陵河華

封邱縣志

卷七

二十八

開封新豫印刷所承印

吞噬咆哮長驅中夏屍邱血渠殘破邑居焚剝剝炙蕩爲邱墟畿甸震驚宛
洛感脅窺我延津得之訓諫顯允司徒參藩於梁秉鉞塞帷艱其獫狁倬彼
封邱洛邑之屏扼其吭咽捍我要領我鎧我戈我服我矢王事孔棘示以必
死羣譁弗臧神機潛握遮留闔帥相爲倚角虎臣桓桓蛇才如湍執信獲醜
截腦裂肝奔潰顛踣鹿駭狼竄大憝肅清綬章有燦迺慰迺止梁有厚喜家
室謳吟荷鋤負耒梁之城隍惟公殿之爾爾蠶惟公晏之以削以築爰卜
斯食於樂泮水作廟翼翼醴醑脯坎坎鼓稽首拜舞願言多祜考茲新
宮丹雘攸崇史臣勒辭以紀膚公

重修秦公生祠記

吳郡顧夢圭提學副使

正德辛未歲劇盜竊發畿甸猖獗齊魯間口而長驅入中州攻延津逼封邱

塵蔽野羣心皇皇今太子太保南京戶部尙書致仕鳳山秦公時爲河南左參政率先捍禦申法令繕軍器募壯勇輓芻粟又陳說忠義邀參將宋公振協謀併力擊賊於剴脚村再戰再捷逐北五十里斬獲甚衆於是賊勢衰沮奔竄他郡不得犯汴省全汴生靈獲免於燔燒剝剔之厄皆公之功也癸酉歲邑人相與謀曰公實生我無所爲報若之何迺建生祠於學宮之旁爲堂三楹中奉公像歲時拜且祝曰願公福履無疆以慰我去思後邑令龔君治因民之願加拓焉嘉靖戊戌歲侍御石沙玉公按部至茲邑顧瞻公祠則歲久丹堊漫漶棟宇摧圯碑臥草莽間迺命邑令出帑羨餘若干緡撤而新之經始於是歲八月望日明年五月朔日落成侍御公謂此舉實繫風教移檄命夢圭記之竊惟太保有大功於茲邑故遺黎咸能誦說又具載少宰徐

公縉學士張公袞所撰碑記中無容贅矣惟侍御公表前烈示後勸之至意不敢不以告我吏民夫國家命官士君子用世凡以爲民爾藩省郡縣吏臧否關民利害尤切平居爲之省刑均賦安養生息不幸遇禍變鞠躬盡瘁死生以之斯無曠迺職也方今承平久澄汰甄別之典雖行而所以感人心端士習者或未得其本吏惟簿書期會將迎供億是急而民務往往莫之究心下焉者嚴刑以銜能濫罰以濟私吏乃爲民讎矣平安若茲安望其盡瘁於禍變如太保公之救安封邱者哉今歲中州大水平原匯爲巨浸民多死亡流移而吏茲土者能殫力賑卹不遑啟處者幾人救荒若茲禦賊可知矣漢時循吏率徵爲公卿或賜詔賜金褒美洪武中用重典吏愾愾者未始假貸故漢循吏最盛明初藩省郡縣彬彬乎奉瀟愛民謂非激勸作率之功可乎

侍御公神明正直轡軒所至鋤奸擊邪有望風解印綬者於封邱復舉斯典誠欲百爾有司視太保公之榮名始終如是民之去思久而不忘如是咸奮志倣德易愜情爲循良於民生豈小補之哉或曰太保公學殖醇正嘗視學中州得士心迺移諸參藩則義以捍國仁以庇民學殖爲之基也吏茲土者曷可以仕廢學雖然立人之道曰仁與義人孰無是心矧國家同文之教士皆誦法六經出而仕者仁義之旨講之素矣所患自棄其學焉耳有志於追美前列仰體侍御公激勸作率之心者尙戒此哉太保公名金侍御公名瑛皆常郡無錫人

重修百里嵩使君廟記

浚邑高建舉人

生能德被於民死則血食於廟邃古以及今有自來矣祭法曰法施於民則

祀之以勞定國則祀之能禦大災則祀之能捍大患則祀之苟有忠於國而利於民者亦載在祀典大河之南曰汴汴之內屬縣十有六而封邱其一也縣之東北僅七里有廟焉世以爲使君百里嵩廟又稱廟址即使君塚塋考於傳記迺東漢人也嘗爲徐州刺史到郡適當歲旱行於境內部車所經卽兩東海金鄉兩縣僻在山間嵩傳驛不至二縣獨不雨父老請嵩至入界卽雨民咸被澤自國家有天下以來建祠祭祀天德九年自春及夏不雨沙磧銷鑠草木焦爛咸致祭於山川縣尹劉循問於衆曰天久不雨恐傷秋禾禮宜祈禱傳不云乎蓋天之高不可以自理而寄之山川地之厚不可以自運而憑之鬼神苟祭祀不時則饑饉作報應不至疾病生是鬼神用天地之權也境內禱何神而可消旱災者乎衆皆曰縣之東北有使君廟遇歲旱禱則

靈應請公禱之公等遂謹齋沐率邑耆髦誠懇者懷椒醑詣廟禱之不日而雨後不禱則已禱則昭答如響卒獲西成意者以爲神之惠而公之誠敬所致也異日命鄉人樂彬與同閭人張祐屬其耆老而告之曰竊惟使君生時爲國藩屏爲民司命上以忠於君下以惠其民惟精惟一感以皇穹錫以豐年當時俗民戴之如父母敬之如神明不然何其到今猶能靈驗若是耶曩者鄭洪遷淮陰太守行春大旱隨車致雨顏真卿爲監察御史決平原冤獄而兩比之暴虐巫積薪自焚者奚啻千萬雖然其恩止及當代未若使君之德及後代於斯爲盛願刻石以紀其德將遺來世使不泯焉於是衆乃僉允請余爲文辭不獲已因錄此以警仕是邑者蓋盈天地之間者氣而已矣五行順布四時成序所以能爲感應者雖其天人交爲亦氣使之然也使君之

誠感於天公等之誠感於使君以及於天必獲嘉應信不誣矣因附其詞曰使君疇昔兮載出守徐民服其化兮迺安以舒爲國藩屏兮祇憂歲旱經行所部分甘雨隨車作廟在斯兮歲時以祀饋羞具潔兮誠懇至備使君之來兮旌纛陸離佑我孔多兮禦災出崇河水洶湧兮山嶽嶽崑崙使君之德兮山幽水深俾民效慕兮春秋匪懈千萬斯年兮無古無今

袁侯去思碑記

清平張天瑞翰林侍讀

有桐帽芒屨野服而黃耆者數十輩及吾門長跼拜且泣我等鄉人封邱世家足衣食閑禮教爲子孫者服生業不圖我賢侯一至於斯也今乃爲當道者奪之顧已舍我而榮遷去矣嗚呼豈弟君子民之父母安得豈弟如吾賢侯者以父母吾民乎方其未去也而吾民安居焉笑語焉飽煖焉市井焉以

捐遜草莽焉優游遐僻焉以和樂由由然而不知爲之者第知侯之賢初不識侯之面比聞其信宿將以去我也乃相率攀侯之轅挽侯之衣以快覩侯之光範雖欲留侯不可得然猶未知既去而不能不爲之懷思也今去矣凡爲吾民者有樵採而登侯之提防者相顧謂曰我等寧處永息昏墊吾侯之功侯之隄防固在侯則去矣夫何爲而不思有耕於野而憩侯之介止者相顧謂曰我俯仰永脫饑寒吾侯之賜侯之介止依然也而侯則去矣夫何爲而不思有跂足而望其廟學者曰奉聖賢之祀事濟師生之講習吾侯之指授侯之茂績也不侯之思而誰思有循墻而緣其倉庾者曰儲豐年之有餘待荒歉之不足吾侯之心盡侯之偉烈也不侯之思而誰思又復有衣帛而啖甘者曰此文此味出於吾侯一蒔藝之桑棗有相勉而相戒者曰此懲此

勸實始於吾侯一書歷之薰蕪逃移者復曰非吾侯而誰復荒蕪者墾曰非吾侯而誰墾向之健訟者俗不爭曰吾今始知吾侯之教我也向之患盜者夜不驚曰吾今日始知吾侯之安我也以至酌量馬政而高下適均科理糧差而貧富兩便刻意興除而巨細畢舉與凡鄉社有學壇壇有制急遞有舖略無疎虞滲漏錯疊之可舉者此皆吾侯才識之遠操存之正籌畫之精且專所致也今則爲高翔遠舉舍我以去而吾民之思何日忘之茲將伐一石以識吾侯之德政且以寄吾民之心思仰惟執事職太史事乞一言不靳慰吾望爲吾民幸噫嘻吾方訝此輩奚從而來也比聞其所謂賢侯者乃從而質之曰所謂封邱之賢侯者得非向時巡撫中州當道特疏其名以聞命下爲旌異以屬庶職袁姓仕名良輔字湖廣棗陽之世家宏治癸丑之名進士

者乎於是衆稽首至地爭以進曰然吁吏不難於治民而難於得其民不難於得民而難於得其心吾聞侯之去封邱也蓋久矣而民之思之匍匐數千里必欲吾言而識而弗忘非深有以得其民心者而能然哉遂次第其實俾歸而刻之石以告諸將來者

縣令張公生祠碑記

邑人高雲漢 知縣

蓋聞天下無事則用之以禮義天下有事則用之以戰勝戰勝之事蓋天心仁愛恆以此警世之爲君者明正德辛未霸之劇寇起而爲盜推劉六爲主盟劉七齊彥明等爲羽翼自燕南橫行河朔時闖甸服復從晉冀轉侵齊魯青徐之地已而西行由梁靖口直指封邱電奔颺發無敢撓其鋒者時大參秦公分守大梁道渡河北會參將宋振頓兵於此相機勦除斬獲甚多賊遠

封邱縣志

卷七

三十二

開封新豫印刷所承印

避之蓋四月二十三日也越六月涇陽張守字惟約適應命來尹茲土親友咸吊之公遂以虞朝歌自任曰不遇盤根錯節無以別利器復以裴晉公自誓曰不與賊俱生乃如龔渤海單車之部任厥事焉首閱城池嘆曰不可恃次閱器械嘆曰不可用次閱鄉兵嘆曰不可使乃更開誠心布公道先固結其民心然後相與築城視昔高二丈厚倍之其雉堞堦口飛樓墩堡敵臺門宇責日就緒巖阻難近相與鑿池闊四丈五尺深丈許外復鑿重溝深廣與池隍準大堤隱起折遶難入整飭器械其弓矢刀銳旗鼓鎧仗之類無不精好有警則率衆登城無警則會衆操練士馬勇銳無不一當百者至十一月十三日劉六等有二萬餘衆復從北來破昨城延津卽來犯封邱初攻西門移刻四面攻圍公與教諭何翰督衆提刀登城奮身先射賊自辰至酉賊勢

披靡東南走陳橋集公復令勇士開門突出追戰執王舉斬劇賊孫虎外得二十餘級凡所擄者悉奪還之十二月十九日賊衆復從長垣路來寇聞公戒嚴下砦中野不敢近薄晚遣數十餘騎各執鐵鈎渡塹攀城欲上公督巡邏兵校矢石交擊遁去正月二十七日又從皮子岩過劉光店驅鄉民作雲梯決意攻取公率衆迎戰敗走追至小寨生擒賊張浩斬首九顆凡三次皆捷城池人民卒賴保全及盜平功奏朝廷行將內取大用部治孟尊劉璋馬騃等相謂曰禮曰有功於民者祀之祭法曰能禦大災捍大患者祀之今張公殺賊保城數萬生靈得以全活厥功與德稽諸祀典有光矣吾人可不建立生祠歲時圖報乎遂卜地於教場之右創祠三楹塑公之像落成之餘偕來徵余文以記其事予惟太上立德其次立功彼活婦女老幼而退以保其

封邱縣志 卷七

三十四

開封新豫印刷所承印

城者是能立功而不能立德坐待民遷得避賊酋之鋒後赴其召者是能立德而不能立功千載之下令人兩憾今張侯既能全民之命復能保國之城功德兩全顧出諸昔人之上功德至此亦偉矣民之建祠顯報固義之所不容已耳抑又嘗思之漢王賀有云活千人者子孫有封今張公所活之衆不止萬餘後世之封豈在翁孺之下予是益爲慕之故慨然援筆作記俾歸而鐫諸石以傳諸久遠焉

邑侯張公去思碑記

邑人邊有猷

布政加太僕卿

吾封父母張公任封歲餘調祥符去祥符隸郡城封實附郡城近地爲之北藩扼南北咽喉往來乘傳者近避衛地多過吾封故封令易售知當道先是兩臺及監司使者按公治封狀累牘上聞迺遍擇兩河劇邑以待公斬再試

公才而大用之會會城邑令缺遂交疏協銓部調公就道里之任竟不口口
口口口口是去矣去之日道封境東士民匍匐數十里迓公公至踴負公輿
踴數仞上擁呼不已祥民迎至者僉曰封其無人耶胡傾邑而來若是公感
是亦爲色動眷戀不忍去然以伏簡命及當道促公急宿不容再而轍不可
挽矣余嘗聞之先達云自唐虞逮周制官弗易方官方輒易者至明朝最夥
任不必久而局不必結也然其地非要會則不以下其人其人非魁杰則不
以下其地人與地蓋兩相須焉封視祥有間矣此公所以去封而遷祥也迺
其建勛發譽則自封始夫燕角荆榦隨地皆能爲良一得一失則人有忻戚
之異此祥所以利有公而封民恆思之而不置故於公去獵歲謀勒公績於
公之祠公諱鯉號翔溟登庚戌進士山東平陰縣人家世積學好施公幼負

穎質勁氣姿性敏給及器宇恢廓識量有過人者始抵任登堂鳴鼓據公座
列羣吏胥隸其下嚴凝肅穆人欽若神明事至片言立決秉鑑持衡犁然得
體舊邑事吏役得關其說伺上進間獲利公蒞任凡遇因革損益利害稜稜
獨斷不則謀之鄉大夫若民左右莫之敢近斯役凜凜奉三尺唯謹與之金
則辭卽有受焉者詰之輒自暴且願私出金囊中還素所攫取者無令公知
也至愚民誤抵禁刑者多撫恕之故人謂公能用寬猛隨民欲惡其餘威遺
澤猶足以折強凌之氣而養閭閻之和俾後之人可帖然而施以吾治公之
政大率嚴於吏而寬於民興一利必先黜一害如其蒞政以來屢屢排大難
祛大疑解大獄辟大愆力可用民而與之休息事可逢上而任怨不辭又如
追補藏金則不至遺罅將來重征賠累減折稅畝則民漸復業歸田開墾荒

地則民得上貸官錢置牛種耕種倉廩不以擾民牛額不以增賦彌盜釐姦表閭建祀課役立法諸德政凡三十餘條已鐫縣署之左難以悉載茲惟述民所以思公之意與公所以繫民思而弗諉者用勒不朽蓋公遇事應發至退思轉計又未嘗不諦審機宜動中款緊要於當不可使易而已如舞文去矣其廩浮於歲則給帖緩征武斷於鄉雖所愛必撻痛懲而力禁之俾媪媠不得及士并鄉大夫奸宄黜矣餘黨芽孽以次剪滅除惡務盡使跳梁子弟有所怵創而易其邪心課役省矣添搭火耗處辨自官吏罔侵牟民亡敗產至種馬一付校人編派合審衙里絕不擾民民財力并得蘇息以至活民命於數十年之後則積貯最多布棠陰於滿徑之間則勸課禁勤廣置社學鄉約爲貧士具饘粥則訓聚猶在貧爲構廈死爲具棺殮寡流移俱得仰食縣

官無使凍餒則流亡懷之封疲邑也然自漢興以來號爲難治得公遂識長材煦育而振盪之乏可使羸勞可使寧瀾可使醇競可使恬謂非其洞析利害旁燭幽冤寬嚴得體永恢輿情者能至此哉則夫民之思公不置與夫公之繫思於民者當去而彌殷久而勿替是之構堂而祠之勒名而紀之又寧有所私於公耶史遷固紀循吏必曰去後見思又曰文武不備良民懼時如恭茂倣祗輩數人任情治任法亦治公政固未竟實具文武兼材而莫窮其用而必欲執其人爲公券視古不畸重乎或曰姑無論其人卽其治如三善三異已足流傳至今子言何燥燥也且公祥政更自喧赫茲其能罄乎噫吏茲邑而靡所建豎吏其恥諸吏有所建豎而邑弗傳邑人恥諸且視公治祥者先視公治封視公之有造於封當視封人之繫思於祥也公雖去封之祥

其覆露吾封者猶之乎祥也嗣公而牧者凡爲民有所請乞於上公爲緩頰得所欲士民瞻謁公皆軫爲宿衽之赤子倍加軫視且其餘澤波及者固未艾也民豈能忽然已乎今公治歷三載行且報政天子大沾寵錫異日晉勛闡瑣佈膏中原民且將歸休乎君而終請命焉用是直述民情而漸諸石如此於乎誦義靡窮者士也嚮其利而德之者民也就民情可驗吏治誰謂直道在人心者可容泯哉

封邱縣治題名記

邢臺胡以祚 知縣

萬歷甲戌春余奉命來知封邱事考誌邑在春秋爲黃池諸侯盟會地累代易多迨我明興疆理宇內分隸開封郡縣官舊無題名碑臧忒靡稽後罔攸勸是誠闕典政暇謀諸僚丞董君簿邊君咸曰可抵冬乃召工鑿石裒集皇

明知縣孟志仁以下若干人縣丞張宗海以下若干人主簿游藝以下若干人標厥姓名鄉貫及出身履歷爰記之且夫名所以考其實也匪實曷以定名匪名何以考實稽古名實俱茂璀璨青史若季冉宓巫以儒吏名龔黃卓魯以循吏名召信臣以父名杜詩以母名虞張寇賈以才吏名率皆宣上德達民瘼綏我蒸黎沒世有餘思焉至操切鞭笞號若蒼鷹乳虎非不欲獵取時名然戕我嘉師重傷元氣貽訾多矣後之昧今亦猶今之昧昔顧茲往牧雖時移跡寥若罔徵述而父老口碑嘖嘖不泯誰淦冰蘖以廉名誰厚囊橐以貪名誰惠以鸞鳳名誰苛以鷓臬名誰喜其來徯若時雨誰幸其去解若倒懸徽惡異施恩讐殊情百世而下辨若蒼素吁可畏哉余立茲石妍媸靡遁衰鉞有嚴俾官斯土者一指顧間勃焉思慕惕焉思懼各欽厥司奠我生


民殫布聖天子洪仁以無忝古名牧茲余題名本意若徒誌宦衢之升沉紀歲月之久近而已茲祇塊石其奚取於名又奚事於題名

儒學題名記

邢臺胡以祚 知縣

嘗考文教之興自唐虞分命以來載在典墳卽有專司所以美倫厚俗俾還親睦後世郡邑星列歷代因之亦各置以廣文分教一隅與守令共相師帥翊贊嘉隆前甲戌歲冬余旣建縣官題名碑於儀門之內用揭前輩風猷學諭桂東李君司訓仁齋劉君二泉趙君咸興起焉詣余曰儒林亦重地使無題名往昔履歷賢哲姓名與時顯晦願借重揮記俾永其傳余將辭之思縣已立題名碑矣義不容已遂應之曰唯唯且釐序之設作人風教豪傑淵敷衣冠禮樂之區道德文章之會雖古道綿邈醇化風微而秉旌徽典鼓鑄良

術森列與昔弗殊也暨明興振刷文教培養人材彬彬庠序間於今二百餘禩號爲極盛景運醇穆大率皆賢卿碩輔交勵和衷所致然皆自學校醞釀此誠治化首地顧率正純疵關斯文升降其砥節礪名禪英懷才之士固嘗相望於茲土如遠跡難尋風韻斯泯使後生繼進弗聆鐸音抱生不同時之嘆則勒名貞珉用記今昔斯非懿典哉名一鏡石口談不朽今之列學宮採芹藻又皆知言之士其必指之曰某明心學靡事口耳某闡理窟靡徒訓詁某克端模範媿休蘇胡之風某不振化機陶成忠孝之俗其所以延國脈接隆古當有所歸矣記旣成三君誦之顧余謝曰命之矣尙其致意於斯是故勒記貞石立明倫堂之左



封邱縣志卷八

藝文

傳類

公會晉侯齊侯宋公衛侯鄭伯曹伯邾子杞伯同盟於蟲牢

左傳魯成公五年

冬十有二月己丑同盟於蟲牢鄭服也諸侯謀復會宋公使向爲人辭以子

靈之難

公會劉子晉侯齊侯宋公衛侯鄭伯曹伯莒子邾子滕子薛伯杞伯小

邾子于平邱

左傳魯昭公十三年

晉成虢祁諸侯朝而歸者皆有貳心爲取鄭故晉將以諸侯來討叔向曰諸侯不可以不示威乃並徵會告於吳秋晉侯會吳子於良水道不可吳子辭

封邱縣志

卷八

一

開封新豫印刷所承印

乃還七月丙寅治兵於邾南甲車四千乘羊舌肸攝司馬遂合諸侯於平邱子產子太叔相鄭伯以會子產以幄幕九張行子太叔以四十既而悔之每舍損焉及會亦如之次於衛地叔鮒求貨於衛淫芻蕘者衛人使屠伯饋叔向羹與一篋錦曰諸侯事晉未敢攜貳况衛在君之宇下而敢有異志芻蕘者異於他日敢請之叔向受羹反錦曰晉有羊舌鮒者瀆貨無厭亦將及矣爲此役也子若以君命賜之其已客從之未退而禁之

八月甲戌同盟於平邱

左傳魯昭公十三年

晉人將尋盟齊人不可晉侯使叔向告劉獻公曰抑齊人不盟若之何對曰盟以底信君苟有信諸侯不貳何患焉告之以文辭董之以武師雖齊不許君庸多矣天子之老請帥王賦元戎十乘以先啟行遲速唯君叔向告於齊

曰諸侯求盟已在此矣今君弗利寡君以爲辭對曰諸侯討貳則有尋盟若皆用命何盟之尋叔向曰國家之敗有事而無業事則不經有業而無禮經則不序有禮而無威序則不共有威而不昭共則不明不明棄共百事不終所由傾覆也是故明王之制使諸侯歲聘以志業間朝以講禮再朝而會以示威再會而盟以顯昭明志業於好講禮於等示威於衆昭明於神自古以來未之或失也存亡之道恆由是興晉禮主盟懼有不治奉承齊犧而布諸君求終事也君曰余必廢之何齊之有惟君圖之寡君聞命矣齊人懼對曰小國言之大國制之敢不聽從既聞命矣敬共以往遲速唯君叔向曰諸侯有間矣不可以不示衆八月辛未治兵建而不旆壬申復旆之諸侯畏之邾人莒人愬於晉曰魯朝夕伐我幾亡矣我之不共魯故之以晉侯不見公使人

叔向來辭曰諸侯將以甲戌盟寡君知不得事君矣請君無勤子服惠伯對曰君信蠻夷之訴以絕兄弟之國棄周公之後亦唯君寡君聞命矣叔向曰寡君有甲車四千乘在雖以無道行之必可畏也况其率道其何敵之有牛雖瘠償於豚上其畏不死南蒯子仲之憂其庸可棄乎若奉晉之衆用諸侯之師因邾莒杞郟之怒以討魯罪問其二憂何求而弗克魯人懼聽命甲戌同盟於平邱齊服也令諸侯日中造於除癸酉退朝子產命外僕速張於除子太叔止之使待明日及夕子產聞其未張也使速往乃無所張矣及盟子產爭承曰昔天子班貢輕重以列列尊貢重周之制也卑而貢重者甸服也鄭伯男也而使從公侯之貢懼弗給也敢以爲請諸侯靖兵好以爲事行理之命無月不至貢之無藝小國有闕所以得罪也諸侯修盟存小國也貢獻

無極亡可待也存亡之制將在今矣自日中以爭至於昏晉人許之既盟子太叔咎之曰諸侯若討其可責乎子產曰晉政多門貳偷之不暇何暇討國不競亦陵何國之爲仲尼謂子產於是行也足以爲國基矣詩云樂只君子邦家之基子產君子之求樂者也且曰合諸侯藝貢事禮也

公會晉侯及吳子于黃池

左傳魯哀公十三年

六月丙子越子伐吳爲二隧疇無餘謳陽自南方先及郊吳太子友王子地王孫彌庸壽於姚自泓上觀之彌庸見姑蔑之旗曰吾父之旗也不可以見讎而弗殺也太子曰戰而不克將亡國請待之彌庸不可屬徒五千王子地助之乙酉戰彌庸獲疇無餘地獲謳陽越子至王子地守丙戌復戰大敗吳師獲太子友王孫彌庸壽於姚丁亥入吳吳人告敗於王王惡其聞也自剄

封邱縣志 卷八

三

開封新豫印刷所承印

七人於幕下秋七月辛丑盟吳晉爭先吳人曰於周室我爲長晉人曰於姬姓我爲伯趙鞅呼司馬寅曰日旰大事未成二臣之罪也建鼓整列二臣死之長幼必可知也對曰請姑視之反曰肉食者無墨今吳王有墨國勝乎太子死乎且夷德輕不忍久請少待之乃先晉人吳人將以公見晉侯子服景伯對使者曰王合諸侯則伯帥侯牧以見於王伯合諸侯則侯帥子男以見於伯自王以下朝聘玉帛不同故敝邑之職貢於吳有豐於晉無不及焉以爲伯也今諸侯會而君將以寡君見晉君則晉成爲伯矣敝邑將改職貢魯賦於吳八百乘若爲子男則將半邾以屬於吳而如邾以事晉且執事以伯召諸侯而以侯終之何利之有焉吳人乃止旣而悔之將囚景伯景伯曰何也立後於魯矣將以二乘與六人從遲速唯命遂囚以還及戶牖謂太宰曰

魯將以十月上辛有事於上帝先王季辛而舉何世有職焉自襄以來未之改也若不會祝宗將曰吳實然且謂魯不共而執其賤者七人何損焉太宰嚭言於王曰無損於魯而祇爲名不如歸之乃歸景伯

尙書黃公傳

大梁李夢陽提學副使

尙書黃公者封邱人也名紱字用章其先洛人高祖克讓始徙封邱克讓生思豫思豫生秀秀生中中生黃公初明兵起思豫掌太常寺以罪編氓杭州已又軍平越衛於是平越杭州封邱洛皆有黃氏乃後秀商金陵死中收其貲商重慶娶於張生公重慶於是重慶亦有黃公生之後夜夢老人抱嬰兒曰送蹇尙書爲汝子長依舅氏張宗琦宗琦爲麻城學職從如麻城歸如平越補衛學生正統丁卯以春秋中雲南鄉試第五明年登進士第除行人陞

南京刑部員外郎郎中出爲四川參議參政進右布政使轉湖廣左布政使陞右副都御史巡撫延綏進南京戶部尙書改左都御史尙書仍舊黃公廉峻直執遇事廳發正色山立即重忤時貴弗恤智巧所避公毅然肩之人率竊笑其呆然亦以是獲名郎中時人業以硬黃目之矣部堂嘗缺官公署堂印諸寮事之卽猶堂官也亦才識超之之故譚千戶者大猾也善權顯貴人常奪民蘆場顯貴人無敢爲民直者公直之竟歸之民爲參議督松茂諸倉兼備其兵釐革宿弊擒豪惡數百人舉劾將官各當邊賴以寧參政如崇慶旋風擁輿不得行公曰汝冤氣邪姑散予圖之至州齋沐禱夢翌日清其囚無驗乃禱諸城隍夜果夢若有神言州西寺者寺去州四十里邊路而巢山公旦起率州官吏兵往詣寺圍捕之有僧少而惡詰之無牒使醋聖塗其額

曬洗之則有巾痕乃鞠訊之遂盡暴其奸慝云寺後有巨塘凡投宿人則殺之沉塘中衆分其財有妻女則分其妻女又攢典李節陽王親也侵盜官糧巨萬數王爲之窟公按之悉如法公雖錢穀司然摘發奸伏以是威行境中嘗道川東青神令望風解印綬走爲右史奏閉建昌銀礦許之大盜周主簿者哨衆抄掠檄公平之公謂盜起於煩苛宜少寬養而闢官以方貢橫斂公抗不從闍擠移近省陞左使時兩京工興徵銀二萬例派民公以庫積羨餘充之又勢豪馬快船積萬安逼索又荆王奏徙墳塚公悉不從省費巨萬又計錮僧繼曉於是威惠大行繼曉之來也勢焰灼人公私謂諸公曰曉以妖術媚上遂奸眠食共之今避而反鄉名掃墓而實逃生耳乃令武昌府錮之後堂陽尊禮之居無幾曉果敗檻送京斬之西市公在蜀嘗忤闍臣萬安銜

之三年六推咸抑公知之乃亦連疏乞罷凡三上已乃有巡撫延綬之命首劾參將郭鏞都指揮鄭印李鐸王琮葭州史知州等又計捕豪奸張綱乃於是拔才能察幽隱問疾苦飭廢墜於是申號令修器械嚴警邏節候望邊政爲新公見飲馬婦片布遮其下體乃悲以慚曰嗟乎士之貧至此極乃驅之戰守邪於是令豫支米月三會詔毀庵寺公使汰尼解軍門給配鰥士人人大懽悅無不願爲公死者及公去尼有攜子女拜送路傍者公旣官六曹益無所顧避威稜截然改掌憲院天下方仰望風采公自以歷侍五朝中外凡五十年巒直崖異忤人獲名伏禍難測又盛滿宜戒乃引年懇乞骸骨居無何疾作竟不起年七十有一所爲奏議及政績并所著文詩悉棄不留晚嗜參同契號精一道人蟾陽子有註本獨存國制文極於六曹尙書官之北斗

天造不論夏蹇經綸悃悞太宗北往全國是屬三楊公亮寅協熙績臺省坐
臻太平君佚臣勞所謂代天之相英廟之遇文達略似馬周吁喟一德密畫
顯斷萬機積覈局體一變成化間忠良外植三原河州單縣封邱巍然輩出
居則岳屹動則雷擊大事斧斷小細海畜帷幄佞幸請劍必殛使見之者畏
聞之者懾斯其人死生富貴足動之哉然較之天順以前則殊矣時與位不
同邪委任權力殊邪宏治中華容洪洞鈞陽靈寶陽曲蘆氏金陵安福咸稱
名區然志存納約行在精審苟濟其事小枉安焉局體又變矣雖形迹罔暴
義遵矯直亦運數然歟自言路失仲毀譽進黜氣燄滿盛公卿歛遜正德以
來遂靡靡難觀亦諸人甘寵飭譽稍有嘉美便立祠樹碑要辭徵頌鏤板鐫
石惟恐不流今信後也此意既橫機弦自生工言論務彌縫斯文一變然黃

公爲左都則鑑甄御史量能委之火其差簿於庭曰事貴得人耳省勞久近
豈立官者意哉當是時言官能毀之黜之否耶斯爲政在人邪抑時不同邪
公焚奏草自泯其嘉美視汲汲流今而信後者又何如邪江湖食鹽錢鈔民
苦包攬掙勒呻吟公爲尙書力條其折徵銀狀以聞至今行之便此其事比
之汲汲流今信後者得與失不較然白哉公年二十六舉進士始室孫郎中
鏞女也生子楫霖彬封宜人贈夫人繼室魯衛鎮撫宣姊生子紀桓封夫人
蓋終其身無妾婢云彬工部司務桓光祿寺署正公卒之日皇帝驚悼遣祭
勅有司營葬墓在長葛縣馬陵岡

太僕邊公傳子之靖附

邊公諱有猷字克壯號南亭本邑人成萬歷甲戌進士初授長垣令垣去封

不三舍公嚴禁門者毋得內鄉人刺仁民重士力挽靡習導之節儉邑用大治久次當徵以不阿時宰當事奪其荐僅量移晉陵郡丞時論殊惋之爲公立祠肖像祀焉公怡然曰莫非王臣何地不可以自効時孟河鹽徒出沒海上日殺官兵二千石不能制公不動聲色設方略擒之尋授戶曹郎轄鈔滸墅關廉平惠商繼守蘇州緣艱去後補西安守西安天府也合屬所上賦金以鉅萬計例有耗羨充公費公惟手自登記悉佐公帑絲毫無所與前此未有也會劉訢叛塘報洶洶或勸公家眷宜亟回公曰吾家人動城中人俱動矣乃披甲胄厲氣巡城有平原睢陽之風夫人劉氏公嗣卽後司馬公之靖立宅內非傍亦慷慨誓以死後賊擒城保以制去復補常州守課最爲三吳第一舉卓異尋進山東按察司副使飭兵霸州公按行諸要害扼險設伏賊

或驟馬禦人者多設伏擒之境內乃安未幾以參政飭密雲兵備威望振徼外尋進廉訪使連進方伯晉秩太僕寺卿備兵密雲如故或謂公地望重稍委折督撫可唾手取公笑曰盛年矢柏舟之節晚年效桑中之期吾不能也遂具疏乞休疏三上而始允歸則鍵戶却掃日以課督諸孫爲樂敦倫訓俗臥林下十餘年無一字爲人居間得過鄉黨朋友公以矯節完名壽開大耋屢與鄉飲前部使者御史中丞薦剡謂羽翼世道冠冕人倫信哉前邑志屬公手撰其文詞典雅尤爲諸作者所莫及云年八十六歲卒入鄉賢奉祀子之靖字國柱號成南登萬歷丙辰進士方放榜僕人持家信至聞公父問卿病劇公卽出都就道兼程抵家問卿曰汝捷南宮來矣喜溢於色病稍愈促公曰我病事小汝殿對事大急去勿逗遛公曰功名身外物親體尙未大愈

兒遠離安忍至己未始殿對初授太湖令湖人有神君十政頌時湖賊狂逞人心騷動公力爲剪除餘孽解散當事者首錄公賢調繁興化環邑多水力農者寡公諭以魚樵利令民貿鬻爲資時海寇出沒無常屢爲民害前令莫敢誥公設法擒之悉就膏斧邑人深德之公家學甚富尤樂於興士講學其評文甲乙不爽興士靡不心折有課士錄行於世後獲雋者率公素所甄拔人咸服其鑒徵入武闈行至鳳陽道中聞冏卿訃信公哀痛亟旋命家人往取百口其歸裝僅圖書數篋而已外此一無所有與人聞之無不流涕曰我侯清苦一至此乎全爲公肖像立祠抵里營葬畢廬墓三載每晨夕不離服闋補河津令其惠津者猶泐與興也懋績益著擢兵部武庫司主事尋督餉山左暨本省稱旨晉級其提督武學也人稱爲飛熊夫子會都城有變公分

守平子門擐甲露處忠勇彌奮適上巡城至公所曰凡有事於城守者不當如邊主事乎遂書名於御座時議遷公爲本部員外郎緣彼時當事者投刺事覺累及公然彼時所投刺者不獨公也衆皆易刺期瓦全復勸公曰應上訊亦當如是刺公毅然不從曰如是則欺君也吾寧甘譴謫安肯蹈欺君之罪果被斥歸里杜門謝客著述羣書訓迪子弟輩暨諸孫修行勤學皆列膠庠有蜚聲公雖世裔而家素寒儉布袍蔬食饒有餘樂服履率敦樸卽時尙屢易不渝常度有古君子風巡方者灼知公賢屢騰薦起用公堅意以衰老辭年七十八卒里人咸思慕之祀興化名宦今議入本邑鄉賢祠

李公實政傳

趙賓刑部郎中

李蓋軒先生諱曰敬字伯忠家世平邱人少治舉子業卽好侷畫策屢試

輒冠軍餽廿人中緣數奇遂以明經起家授魯山訓導先生雖官寒氈乎凡事關民社者輒侃侃言無忌諱會郡王有吉禮直指例爲文以賀命先生具草進先生下筆數百千言倚馬可待先生以古東湖教士法約束諸弟子諸弟子率蒸蒸向化有鄒魯風二千石器重之試以民社令署口邑篆先生游刃有餘尋以直指薦遷阜平令阜平隸中山割五臺麓而治焉先是先生未下車礦隘挾官家勢橫甚魚肉小民掌大赫蹄下邑令所令奉行逾尺一詔無賴子竄籍祇候中爲瑄耳目諸朱符鐵繹交于道當之者輒闔門宵遁去無賴子羣起索閔并賄賄不至則曰某家某地當礦基荷鋪畚者千萬羅戶外卽層樓畫閣頃刻爲九淵矣先生入境問父老所疾苦父老一一言狀先生曰此令事也無愁苦父老爲受事後卽盡逮不逞子弟竄籍祇候者嚴治

之閉犴牢中極詆中官違制害民具疏草慟哭上之大中丞大中丞力止之瑄反以阻撓礦政馳驛劾先生賴人主知先生廉而毅僅奪俸三月而一時官先生上者俱咋指無人色瑄祇候者絕跡于先生之四履阜平得安堵無幾何撤礦瑄父老子弟斗酒相賀曰今而後吾輩獲安枕矣于是父老子弟伐石五臺山立豐碑于中使開採處先生流風善政遂與五臺峯巒同萬古矣而父老子弟意猶未已闢一畝宮肖先生像于康莊歲時伏臘執豚蹄斗酒羅拜者若崩角先生公餘製臘屐徧遊五臺臺各有詩諸衲衣同父老繫先生馬首不聽去先生亦出躋勝具徧躋諸名勝搦管自紀其奇至今讀先生遊記其風流猶在目也秩滿擢岳州別駕別駕職權沙市稅諸巴蜀之丹漆撞布織錦紈扇椅梓松杉臚艦脚尾蔽長江自青天而下貨山雲集先生

惟以裕國通商爲務無染指未幾引年去春秋逾八袞稱上壽子狄門龍門
讀父書咸以風雅稱名士諸孫念門遊太學訓王畿士喬岳丙戌捷南宮弦
佩爲名御史視醴淮上督兩江學政愬以先生爲瓜戕云野史氏曰前朝蓋
雅重甲乙榜云士不由甲乙榜起家卽才僑胥而學董賈卑卑無出頭日乃
若蓋軒公之爲令慟哭草疏視權端如伏雛其侷僮落固有太白令力士
脫靴風先生豈其苗裔耶何奇氣之相類耶甲乙榜豈足限人哉甲乙榜豈
足限人哉

賦類

縣署小亭賦

薛瑄

嘉靖辛卯封邱令味泉主人作園亭于縣署之隙政暇則遊於其中適氣體

封邱縣志

卷八

十

開封新豫印刷所承印

節勞逸一日臨觴欲醉興致騷然乃作園亭賦其辭曰予少居濩澤之湄遊
太行之谷屋陰槐榆徑羅花竹水蒲朝旋雲岩夕宿及莊偶投塵組遊宦河
澣幸邑簡民稀俗愿治易值吏事之多暇樂幽棲之閑適乃因官署隙地誅
草構亭左帶黃池右隣青陵背封父之荒基面蟲牢之舊城追茅茨之太樸
削山藻之靡文南隣院落半區北包園囿數畝苔蘚蔓延林莽叢簇命童子
治畦結籬引泉移石植以河陽之花種以彭澤之林徙草榻于當窗陳書圖
于滿屋時乎庭訟息吏人歸掃沙徑拂烏几予于是游焉休焉臥卽湘簟行
旁林陰蘇簿書之倦目寬簪履之羈身摘花萼以泛觴汲泉流而烹茗懷祭
遵之歌壺擬宓子之鳴琴時或久處思興習逸成鬱則染柔翰掀素楮玩古
帖以臨池步虛簷而覓句頗以自娛奚求外飾且其地偏人寂則有山居之

幽林翳花氛則有野行之趣雲閑鳥還則有遜世之思風清書白則似羲皇之景昔人所譚吏隱將不在是乎蓋聞達人適志君子安土悲鄙夫之患得空勞擾而徵逐羨曾點之春風眇石崇之金谷登斯亭者尙其知吾之樂

風俗利敝圖說

邑人邊之靖

封邱古稱封阜距大梁之北西連河雒東接齊魯左蒲右衛前附郡省五十里後境盡復枕京畿嵩行環峙大河經其南亦河陽奧區也唯是世遠地遷青山蕩爲平楚九折洪濤徙倚靡定伊洛澗澗王屋關陝及黑洋山水下流封實當之河屢決爲患城邑溟漭數月乃止又每歲霖雨數日諸水並匯自西南來滔滔汨汨漂漬民禾盟津以上可引河水浸灌田禾收皆畝一鍾至梁南北則不可灌淮泗以下用掣緘洩蓄以備燥潦乃朱旺以上則又不可

掣封蓋有河之害無河之利如此左三十里曰劉光集爲淄清梁汴通衢右二十里曰荆隆口則兩京畿大道也一名曰金龍口爲南北津要省會澁隘之地稍西則中灤城明初兵渡河之處一望濼鹵無復沃野又稍西則爲于家店古于家渡也今渡口移荆隆口南北使者乘傳至必由之除郡城廩延二縣迎送供具外封邑令遙齎金攜饌往從之名曰協濟往返四十里餘思有沛焉須飛騎馳報往來匍匐不及則以是獲罪又近日大人先生避謁衛藩率多經胙城過封直抵會城及蘭陽去封冲疲蓋非昔比而無驛條鞭額驛站銀千餘兩乃左用列郡封供億不知所出民田南距黃河坍塌北接沙毛不種十沃土居四其六則沙濼鹵磽糴多民貧河復累決冲突有全村盡沒者有半存者有一村僅存廬舍而林木一空盡斬爲芻犍者蒲穰力作僅

瞻升斗卽富者田連阡陌岑樓相望傾囊不能出百金厥土中下厥民貧而寡蓄婚喪田租動至稱貸乃民多惰窳靡轉物計督河使者輓芻乘插復無虛日徭役大者在臨德起倉糧倅索金索米騰貴騰賤與夫牛頭種大馬戶等項調劑維艱吏滑民醇書算地課懲息侵詭多端又河地時有灘淤而質誤歲無登減罷邑當此積弊非大爲刷剔倍加撫恤不可往上之人屢移他郡之差以及此邑復添額外之賦以益他郡詎知封民毛膚雖存命脈實枯有大不堪者哉封城無巨產市無千貲至倉廩殊匱舊縣東棄荒地若干頃前撫院曾公捐緩令有司鬻牛耕種行未責實已而復寢今若略倣曩昔設官佃戶田之驅市民遊食者盡力南畝給以牛種歲收僅入其稅之半其半卽以與之後弗起科得粟可無算足實倉廩又革去斗級令邑人殷富者充

之除輸貯正數外隨其豐歉俾自得出入數歲量增其粟登記入簿倉吏一人監之以防侵牟則倉役免賠朽爛而粟亦歲增可備荒歉凡此皆民牧事而非請決則亦不能行至種馬歷年既久類入條鞭一體例派無跡今斷宜復還彼處不然封靡澤藪芻牧駒馬復豈堪用宜另擇如古汧浡渭可孳牧處寄養蓋封邑別無所出唯是堅城重堤足避兵革蔽梁衛捍河患乃兵防則又全無可恃今議依司馬法及明初視地稍制民兵計地上中下三等約用其家三人或二或一春夏業農秋冬治旅所謂兵隱於農吾民卽吾兵也外是縉紳仕宦守禮恂恂儉質一如寒素士風端愿負氣徑直任拙守貞氣習不變於古恥爲纖鬻力田自給苦於治生或涉遊惰近稍有潛心下帷延師講學此亦窮而將變時也若夫邇來宮室之漸侈也女妝之漸富溢也讌

饌之漸豐也屠肆之漸煩夥也婚葬之漸崇繁靡也則省會之漸流在司風
化者折中而救其敝又獄袴之未盡減也吏役舞文之未盡戢也孤寡流移
之未盡安也與夫興賢育材表閭旌節之未盡舉也俟履任週歲次第而究
其成俸因明問俯詢謹繪圖條略數端具覽外俟詢訪備悉民情土俗再報

詩歌

封邱感懷

滄州高

適

諫議大夫
封渤海侯

我本漁樵孟諸野一生自是悠悠者乍可狂歌草澤中寧堪作吏風塵下祇
言小邑無所爲公門百事皆有期拜迎官長心欲碎鞭撻黎庶令人悲悲來
向家問妻子舉家盡笑今如此生事應須南畝田世情付與東流水夢想舊
山安在哉爲啣君命日遲迴乃知梅福徒爲爾却憶陶潛歸去來

封邱縣志

卷八

十二

開封新豫印刷所承印

登城北樓

北樓西望滿晴空積水連山勝畫中湍上急流聲若箭城頭殘月勢如弓垂
竿已謝磻溪老體道猶思塞上翁爲問邊庭更何事至今羌笛怨無窮

封邱道中

范至能

西北浮雲捲暮秋大行南麓照封邱橫峯倒嶺知多少行至燕山翠未休

平邱懷古

劉昌

提學
副使

平邱盟會屈王臣歎息中原委戰塵千載夕陽消霸業一川秋色盪河津韓
馮古樹枝連理高適新詩筆有神驄馬徘徊又西去欲從何處問垂綸

咏青陵臺

李義山

青陵臺畔日光斜萬古貞魂倚暮霞莫許韓馮爲蛺蝶等閒飛上別枝花

挽青陵節婦

劉丙監察御史

連理枝摧不復生鴛鴦一去杳無踪塚頭猶聽朔風叫疑是當年怨未平
百年恩愛自相親誰料紅顏翻誤身泉壤不必頻怨忿青陵今已化為塵

青陵臺

伊陽高信監察御史

戰國韓馮有令名至今夫婦死如生但知結髮恩情重不顧康王富貴榮連
理樹生旌節義雙飛蝶羽表真誠吁嗟西氏空歸楚不及青陵土一坑

題翟母墓

口明詹雨監察御史

一飯恩成便有封至今高塚勒遺蹤九原羞殺淮陰輩尺土誰耐百戰功

題百里嵩

使君到處沛甘霖德政昭孚信有神鄭衛遺黎殊渴甚澤民何處覓斯人

封邱縣志

卷八

十四

開封新豫印刷所承印

咏宋安孝友

廬陵楊士奇大學士

一門孝友同天性為愛封邱三鳳凰不見王家祥與覽千秋簡册有餘光

行張公堤

桂林包裕按察僉事

高岡誰築障長河綠樹陰濃掛女蘿舟楫四來通扼塞柔桑千里自芟我勿
誇杭郡蘇堤美莫道龍門禹跡多贏得兒童音語好張公堤喚隔林波

寄袁公社倉

錫山邵寶按察副史

許下相逢說義倉使君恩誼固難忘從星自可占風雨在野還應憶廟廊千
載芳蹤追卓魯一邦奇蹟介嵩行從來我亦曾作郡聿覩封邑倍有光

感歲歉賜民租

姑蘇徐恪巡撫都御史

征驂初發道途長風景撩人多慨傷夜雪堆時山盡老河流過處地皆荒柳

當官道鳴寒吹鴉聚平原噪夕陽見說民租當賜半不應在在有逃亡

寓釋迦院作

陳寬監察御史

野寺停驂日未斜方袍圓頂屬僧家四邊有路皆成水百里無田盡是沙
鷄犬不驚民少訟絃歌滿地縣多花封邱令尹賢如許好整青驄待聘麻

將兵封邱破賊

無錫秦金參政

仗節驅車冒險屯中原童叟半消魂天兵忽爾雷霆下草寇突然狐兔奔烽
火數村連白晝劍聲終夜繞重門百年還享昇平世猶愧書生謾策勳

贈宋參將克敵

總領貔貅下帝京腰間寶帶照人明一封鳳詔兵威重三尺龍泉賊膽傾榻
外肯教人鼾睡掌中坐使寇氛平停看奏凱班師日彝鼎爰題吉甫名

封邱縣志

卷八

十五

開封新豫印刷所承印

封邱遇雨

臨穎賈詠大學士

和氣春雲九閣陰郊原隨處望甘霖兒童行禱皆持柳鶴雀飛鳴盡出林一
雨頓看回萬物三農何啻得千金誰知司牧憂民德果契生生大造心

封阜阻雨

山陰蕭鳴鳳提學副使

暑雨黃池北行臺暫息勞倚欄渠瀏決開卷篆煙消歲歉防殘寇秋成望稊
苗願操元化手隨劑酌天瓢

秋日謁秦公生祠

無錫王英監察御史

沙霧當年收亂略乾坤此地看公祠寒城頌德流風近秋路驅塵駐馬遲草
際碑存河洛潤天中日送鳳凰儀崇楣未展遺思劇攬轡高雲愧獨知
黑山東下水如潮曉傍祠門綰玉鑣野老尙能陳往事秋襟何啻挹奇標河

邱勳蹟晴空麗洛社耆英故國遙秀野堂中神署裏欲馮江雁寓芳謠

挽吳節婦

昨城李 侃舉人

皎皎冰霜節甘心自縊亡名垂千古重骨染九泉香樹冷花重發邱寒草自
荒古今無覓處拭淚寫新章

題吳節婦塚

邑人韓 鑿舉人

志操同金石何妨一夕亡楫舟無少玷桑柘有餘香累牘珠璣環邱草樹
荒棠花與連理雙美煥天章

磨臍潭

高 士庠生

積水虛涵一渚秋中揚外抑異常流波光瀲灩黃沙淨雲影輕盈皓月幽濡
露蒹葭增潤澤忘機鷗鳥任沉浮江湖念切希文遠四顧踟躕意未休

封邱縣志

卷八

十六

開封新豫印刷所承印

中灤夜雨

建業楊 璧八景詩

九五龍飛自江左三千虎賁搗燕京滿天雨露望中土一旦雲霓愍此氓信
是赫聲動河滸盡驚時雨發軍營夜深起向轅門望劍氣衝霄星斗明

磨潭秋月

地面平開四望傾磨臍形勢此中名玉波含霽澄然淨金兔窺潭分外清樹
曳源烟澄夜氣風飛幽籟散秋聲高情靜對渾忘去欲向鳧鷖一結盟

青陵古樹

青陵臺廢幾千年息氏雙塋還依然追笑宋康徒悵望俯看蝴蝶自周旋生
平高節存榆柳不朽榮名在簡篇古樹淒淒鳴烏鵲猶疑精魄住林前

黃池芳草

堪嘆夫差爭主盟霸圖寥落水東傾千年遺跡餘芳草三月韶光鳴乳鶯珠
滿青氈團露細徑鋪翠褥襯車輕莫將舊事牽心府且放愁懷付酒觥

封父舊亭

聞道亭由封父營到今遺址近荒城歷朝錦殿全無跡此際閑亭尙有名千
古雲烟常聚散四時花鳥自分明應知今昔同清賞獨抱瑤琴對景鳴

翟母遺墓

英雄困餒正倉皇簞食恩施肯便忘孤塚人傳梁翟母古城名起漢高皇一
飯餽餉情偏厚百戰功勳報獨涼玉食萬邦應有自韓彭遺隴竟何方

淳于曉鍾

淳于村落曙光清到枕悠然何處聲夢斷忽驚蝴蝶散聽餘祇覺蒲牢鳴隨

封邱縣志

卷八

十七

開封新豫印刷所代承

風裊裊飄闌思雜籟蕭蕭動旅情誰識常鳴不平意却疑南郡有山傾

翟溝晴波

綠水平鋪一鑑張波文細細颺晴光誰誇織女能工巧自信飛廉喜鼓揚清
淺浮空搖翡翠澄虛落日炫文章時將蒲劍輕飄拂觸亂魚叢與雁行

中灤夜雨

洛陽李尙賓

教諭

一代昌期自有奇機關默默幾能知西湖縹緲龍文象南土飛揚露布旗

渡河卽事

興國吳國倫

參政

黃河新水漫平沙一葦中流四望賒三晉天隨波震蕩大梁堤築岸橫斜尋
源未遇支機石奉使何如博望槎來往不辭津路險北風回首鬢雙華

題黃河詩

高啟

黃河水西來一折一千里四折東流歸渤海
渾濤濁浪深無底舊傳一清三千年聖人乃出天下安河水之清一何少吁嗟至治何由還我願河水年年清聖人在上聖復生千齡萬代當太平

邑堂卽事

胡以祚 知縣

幾載遺編探古今誰從宦海逐浮沉箇中眼底拚清興惟有鶴音續短琴

又

長日森森槐酒庭幾回天籟樹中生午衙低報鶴聲斷一陣南風滿座清

春日勸農

輕塵漫逐馬蹄飛拙令烏紗點夕暉老稚歡迎填巷合杏花村裏勸農歸

中灤夜雨

八景詩

張鯉

封邱縣志

卷八

十八

開封新豫印刷所承印

竹箭三門送急湍平收烟水上中灤干戈一怒飛雄蹕風雨羣靈避灌壇
戍色曲連沙柳靜籟聲遙度野花寒嘶湖龍去綿瓜賦王氣千秋直北看

磨潭秋月

金擘入望迥生妍潭月交光盪影鮮璧擁圓沙鷗點雪鏡懸浮荇桂爭烟黃
羊照後吁多怪赤鯉乘來詫幾仙我自鳴琴慙宓子只憑古調寫清緣

青陵古樹

短樾陰陰蔓草芳陵臺無影度斜陽連枝恨似分韓塚接翼魂猶笑宋王若
有人兮依薜荔長令粲者慕鴛鴦請看泌水洋洋詠不是烹魚定食魴

黃池芳草

力鑿江淮戰艦通夷光猶貯館娃宮好冠可憶雙銀夢懸膽應收二隧功鳴

鳥不聞王系解束牲無主霸圖空黃池自是中原地麋鹿蘇臺未許同

封父舊亭

驟日驚波去不停何年神鼎鑄精靈從刊九旅開羣服只剩孤亭空遠樹林
入春姿邀鵠鷓沙浮晴色上簾篁一遊一豫真侯度夏諺于今尙可聽

翟母遺墓

蹙項中原未寢兵莫因雲氣識炎精可知祠母酌分饋始信封侯誚夏羹里
社維馨存歲祀松楸無恙避春耕王孫當日扶龍準漂絮淮陰共擅名

淳于曉鍾

曉樹熒熒綴露珠霜鐘裊裊落星衢疑鏗遠寺飛寥泬却鎖蟠岡殷鬱紆田
峻何須催襪襖方祇莫自奏淳于天中總是陰陽會氣籥遙通地籟殊

封邱縣志

卷八

十九

開封新豫印刷所承印

翟溝晴波

直上青堆俯翟溝纖蘿不動水天悠寫將匹練叢花影分得滿雲擘石流遂
引鷓鵲來卜宅祇憐煙月憎擘舟可堪作吏疎南畝高適風塵宛息愁

題劉昂義門

張守旌監察御史

六世同居世業滋張公一忍豈吾欺廚中擬定尊卑飯架上誰分爾我絲十
里鍾聲隔岸起百金釜焰掩旌移朝廷指日丹書至特表嫺懿處處知

中灤夜雨

八景詩

王策知縣

聖主恢乾步山川胥效靈順師此聚壁夜聞淅瀝聲初疑將雨玉終不似淋
鈴照營餘孤月拱北見羣星人意快吹籟天心嘿洗兵中灤千古異別自有

陰晴

磨潭秋月

秋潭一鑑開洄洑平如砥何物實其中兀似磨臍起得月此先明揚波終不
徙烟歛尙復連冰凝更獨特試方君子心中立固如此

青陵古樹

獨上青陵臺俯眺青陵樹霜色飽勁條春情密芳耐鴛鴦何所棲蝴蝶還自
舞張羅者何爲沙蟲同朽腐矯矯墜臺人生氣存今古丈夫列鬚眉可愧紅
顏女

黃池芳草

春色滿黃池細草和烟碧放犢牧兒聞緩騎王孫惜一自霸圖空千載成陳
迹遺矢鐵未銷刑牲血猶赤何代無英雄意氣同歸畢

封邱縣志

卷八

二十

開封新豫印刷所承印

封父舊亭

驅車出孤城輒就封城憇問俗樂古風勸穡忻豐歲父老猶能言結亭人已
逝雲影覆頽廊苔色綠荒砌讀碑淚欲流拜棠思所稅民心亦何私感之在
慈惠

翟母遺墓

漂母識王孫翟母識漢主一飯雖云微提攜出困苦生則酬千金死而封杯
土始憶夏羹人賢愚難共數獨嘆龍蛇遊燔林報割股

淳于曉鐘

村落散鷄犬曙色半含晴入耳何所似蒲牢泣桐鯨啟明竟無爽於倫定有
靈隔雲猶隱隱赴壑故鉤鉤攪夢成大覺催農率早耕未須疑幻妄鳴山亦

此聲

翟溝晴波

黃河自天來翟溝分其派
渟瀟抱孤城曳練環如帶
浸月漾金波涵雲團飛
蓋百里潤以沾千疇
資所溉沉璧謝狂瀾
燃犀見鱗恠自捫止水
心與之同清泰

中灤夜雨

用前令
張鯉韻

余 縉 知縣

虎旅長驅濟浩湍洗兵河漢下
中灤烟雲早辨真人氣
風雨驚傳大將壇野
戍陰深刁斗靜荒城月白
鼓聲寒蕭條勝蹟邱墟盡
左右嵩行眼倦看

磨潭秋月

小池寒碧自生妍
搖漾秋蟾桂魄鮮
午夜暉飛金作縷
長空霞照玉吹烟
冰

封邱縣志

卷八

二十一

開封新豫印刷所承印

壺孤映瑤臺客娥杆光傳博望僊
兩鏡相涵誰上下水天一色共心緣

青陵古樹

一擲名軀萬古芳
青山白石共秋陽
新臺空賦無嬌婉
舊恨相傳有辟王
木未愁棲雙峽蝶塚邊
哀叫兩鴛鴦可堪金石銷沉後
莫辨清流鯉與魴

黃池芳草

棠楫蘭舟河海通
誰將花草植吳宮
三千犀甲摧雄壁
一劍魚腸殲首功
國相自屠君氣墨
美人難得廟謨空
池邊碧草今安在
茂苑萋萋卉木同

封父舊亭

縱轡燕城策未停
填眸榛櫟慟生靈
衣冠自古傳王會
亭落於今祇廢堦
魚鳥浮沉同鹿豕
柳蒲蒼翠類松篁
閒尋封辟行游地
牧唱樵謳不忍聽

翟母遺墓

京索相持困短兵，饑逢箠食豈期精。
王孫偶飯同漂絮，帝子家痕媿櫟羹。
古井旱時常用汲，墓田蕪處孰爲耕。
只今邱隴無封樹，猶勝投金瀨水名。

淳于曉鍾

斷阜連崗類貫珠，聲來窈室達天衢。
似鳴萬石銅龍遠，却震千家夢蝶紆。
括地何年移雒下，談天空自詫淳于。
於今欲辨農興候，乳鵲啼鳩節令殊。

翟溝晴波

碧濤寒影盪花溝，柳色銀塘風日悠。
喜雨鷓鴣眠潑水，弄晴鷓鴣鳧狎新流。
浮生徒戀三升醞，泛宅誰飄一葉舟。
數點菰蒲漫青翠，河雲渺渺莫勝愁。

感懷

封邱縣志

卷八

二十一

開封新豫印刷所承印

僕本東海狎鷗人，山麋野鹿全天眞。
誤懷五斗疎三徑，一官六載常浮沉。
村居茅屋苦風雨，几案黃塵高尺許。
登臨每欲趁長飈，飛逐帆檣向東舉。
江南春暮多白雲，白雲江上春樹深。
家山只在雲深處，夢隔雲山常幾岑。
秋風欲遂東籬志，掛冠投劾非輕世。
檻猿籠鳥揔自由，寧若枋鳩展其翅。
敝裘緇褐長相隨，茹荼吞藥慎莫悲。
古時高令問妻子，僕今無家將問誰。

青陵臺

宗錫印 教諭

日暮斜陽繞素烟，青陵臺上草芊芊。
春風山畔張羅網，夜半枝頭叫杜鵑。
連理並生問兩塚，孤心獨照自千年。
漫言芳烈已塵土，逸史猶傳烏鵲篇。

苦水行

邑人萇孕秀 進士

君不見河陽兵馬多如雲，人心此日憂如焚。
弱肉強食不堪命，誰向

天闕叩登聞春夏不雨井生煙流金焦石山欲然旱氣寒空水無力祝融反
奪玄冥權秋來日夜玉虎鳴石尤風起天帝驚列缺閃爍暗且明劉城簫鼓
不絕聲欲刺黑蜮無鈇刃欲射石燕無飛靈石燕黑蜮誅不得永霽泮泮何
時息洪河乘此勢汪洋長堤一潰不可當波濤萬頃怒且狂咫尺樓船帆與
檣已見鼉鼉隨浪舞更聞馮夷夜擊鼓鱗魚不在海靈胥不在江齊助此河
之奔騰而吞吐仲起不知司何事陸地盡變爲水府斬蛟無復見楚飲豢龍
何處覓董父余聞河源出岷崙道經葱嶺日東浚胡不順流入滄海逆漲倒
翻日月昏安得長鯨溟外來一口吸盡黃流迴普天率土樂春臺

磨潭秋月

萬泰進士

外垣中高一鏡圓每逢秋爽月娟娟金波蕩漾搖晴夜玉浦晶熒接碧天野

封邱縣志

卷八

二十二

開封新豫印刷所承印

曠清暉渾可掇林疎瘦影亦堪憐世間何地無靈勝謾向蘇門誇百泉

翟母墓

齊椿齡訓導

何事英雄亦苦饑每憑天相出阡危白蛇當道無人識赤帝乘龍有媪知表
墓只因遺餉日封侯應恨夏羹時至今遇旱籲賢母不數淮陰漂母祠

封父亭

張民表舉人

小邑城門書半局河雲飛白樹烟青杯酒未覆行人過顧見當年封父亭

蟲牢

蒼茫平野轉河濤考古人傳霸業高晉楚功名流水去却從樵牧問蟲牢

平丘

虜祁朝罷爲齊犧盟主尋盟用武師苦弔平邱無處所荒榛猶閃晉旌旗

黃池

夫差驕僭小中原入會黃池謂獨尊玉榮不垂旨酒盡惟開二隧放歸魂

弔青陵臺

邊之靖 舉人

青陵人去已千年芳臭流遺世並傳勝景憐悽人墮淚烈名彪炳死猶延臺
高爰豎揚旌壘鳥去何緣識陌阡自古傾城誰不朽貞魂留與照殘篇

慨黃池盟

黃池浩瀚接平沙一派嵩峯入紫霞帶礪河山盟自永王侯牲血主誰加青
松漫指搖千澗碧草空憐遶萬家形勝中原此奧阻沼吳安見有夫差

封父舊亭

陳邦卿 庠生

封父亭前萬葉昌夏家曾此裂封疆帶河礪岱千年久鐵券金章百世長鳥

封邱縣志

卷八

二十四

開封新豫印刷所承印

韻風柔聲曉院化香雨細氣芬芳登臨感慨前朝事紅日西沉碧水傍

青陵古樹

邑人張 瑚 廩生

菁葱玉樹鬱平原想見當年正氣存自是有心能共節何妨異地不同根鴛
鴦彩拂風前羽蛺蝶香飛月下魂情事於今說不盡徒聽鶯語到黃昏

秋日入城懷古

邑人張國範 庠生

寂寂孤城臥晚秋寒風落日憶層樓三軍霸盡黃池水一飯恩遺翟母丘明
月干戈疑夜雨青陵鳥雀動人愁百年幻事憑誰問目斷黑山何處遊

青陵臺

邑人李承統 廩生

岸高豈不隕無恙青陵臺物換宋郊野代閱秦劫灰貞魂酸杖杜涼血然蒿
萊日暮歸飛鵲何曾傍此隈

挽青陵臺

錢唐孫子良

古來烈婦非一人韓憑之妻尤異聞不顧康王富與貴但知庶人夫婦恩妾顏如花復如玉妾身不受宋王辱宋王築臺徒爾瞻南山歌竟還自續奮身取義向夫前亦知夫妻恩義堅揮劍自刎誓同穴宋王不容良可憐夫婦英魂終不散化作鴛鴦時復見悲鳴長繞連理枝行人聽之咸嘆羨青陵臺上春日明青陵臺下春草生宋王去後不足論惟有死節留其名

又

嗟哉古韓憑有妻顏如玉宋王欲奪之百計勞心曲乃築青陵臺朝夕寓瞻矚矚之意若何恣意騁富足柰彼心堅貞誓死弗受辱作詩寫衷情自盡命何續夫感結縭恩哀哀愁思鬱拔劍亦自刎擬葬同穴麗詎意宋王嗔兩塚

名安厝不使遂厥心不令從所欲英魂恨豈休靈驗徵諸物墓產連理枝上下交盤覆魄化鴛鴦禽來往相悲哭見者輿聲嗟聞者增額蹙匪但敦薄夫良可勵澆俗臺基至今存行道猶拭目我來觀民風撫卷三嘆服謾續前人歌聊以紀行緣

悼韓憑

青陵臺下飄赤葉美人化作雙飛蝶當日縱欲卽恚淫何以人君奪臣妾阿君辱已豈良臣婦死夫存亦忍人君臣夫婦兩俱失丈夫所以輕其身君不見海翁機心著鷗鳥各遠飛王家重傾城賢人解綬歸宋主苦憶如花貌高臺崛起凌蒼昊此臺豈是一朝成嗟爾見機胡不早

悼息氏

青陵臺傍宋宮闕宮花禁草迷蝴蝶婦人有身不自由昨日臣妻今君妾陽臺亦在楚江濱中有朝雲暮雨人妾身自是良人婦莫以陽臺視妾身君不見天邊有鴻雁雄雌不亂飛何如結髮恩不如雁同歸瓊樓紫殿雖云好忍辱容身媿蒼昊長江不洗楚臺污妾謝青陵定須早

次韻

邑人高云漢 知縣

連理枝頭敷翠葉青陵臺下飛蝴蝶英風感化消芳魂舍人韓憑與玉妾韓憑素矢不二臣安肯懷二妾狗人振衣拔劍天地小扶持綱常自殞身君不見睢鳩水中鳥關關常相飛堪笑楚芊建束手縱婦歸縱婦歸兮孤花貌平生萬古媿蒼昊宋王楚王兄弟國行如犬彘死未早

挽吳節婦

封邱縣志

卷八

二十六

開封新豫印刷所承印

妾家往在封邱曲嫁得良人如冠玉良人長年好詩書寒暑慙慙下帷讀豈期一疾竟長眠胡彼蒼天奪命速琴瑟吁嗟忽斷絃縱有鸞膠誓難續歲月感感容不整新粧洗却鉛花冷機中錦字掩輕塵鏡裏青鸞吊孤影女蘿莫附空斷腸自恨此身猶未亡寂寞深閨資紡績絜然竭力事姑嫜一朝母氏將奪節卒爾聞之淚成血愴惶落日走夫塋素練高懸縊林樾林樾英魂凝不散薄暮愁雲靄靄見驚聞遠近聚來觀梨花淡淡如生面嗟哉此婦正芳年取義捐生媿瓦全吾鄉既美韓憑婦載筆無慚太史編年年高塚迷宿草生順死安兩得好碑銘誰爲曹娥鑄贏得芳名天地老

新城眺望

邑人李日敬 通判

君侯磊落抱雄圖聳壑昂霄起大都山中霧雨一輝豹變化早已登文錄十

年一劍射光芒結綬彈冠到豫梁胸中經緯三峽水筆底風雲捲太行報政
已獲循吏譽更思捍衛壯金湯仰觀九關衛元霄萬斗千辰不動搖天門營
星光炯炯賁庸佳氣應吉爻我侯腹內有全城更兼天意助威靈卜日鳩工
禱后土欲擎雲根建大功剖石燔灰白雲堆大陶萬座咸巍巍婁走墨兮輸
督繩巧刀鏗音響如雷我侯時來戒勿亟庶民歡呼若鱗集揭磚負石不知
疲趨者繩繩怨自稀高墉立就匹秦關晴空霧靄歸雲烟始知鳥道可移來
萬塚崢嶸賽疊巒易言天塹不能升我侯創此爲蒼生敵樓四駕接天語只
恐滕王賦未工君不見西伯臺如子來臺成靈應頌嘉祥折骨絕筋不怨傷
又不見蘇公堤萬里垂堤成數郡不魚鱉贏得當年說口碑追思往古亦如
今我侯峻惠孰能倫一邑安枕慶無虞難將糜草答深恩一祝福山斗駢臻

臺閣速二祝祿多男預兆萬鍾粟三祝壽松柏不老岡陵厚話言難寫報君
心還期俚歌達楓宸偶然吟罷忽長嘯揮毫滿紙上神君

題耕野亭

邑人張上澤知州

黃池西南一里許負郭膏腴邊氏田奕世由來陰德培幅員阡陌萬家傳至
茲陸季孝廉君昆玉崢嶸盡丰神鵬鳥六月時息翼忽值萱堂棄絕人成南
年少尤篤禮欲廬墓側情難已有椿堂上亦若何無奈時省時舉趾親識恐
其志體灰僉欲有言慰其懷邊生因是築園圃青黃碧綠任其栽中構一亭
名耕野若云商尹有莘者本來面目盡藏之庶幾不在他人下時而省慕暫
作息時而賓至一舉卮待時高臥學海翁吾爲吾親亦若斯嗟嗟丈夫壯志
不自凡窮養達施名實全莫言此日止區區要知他年破籬籬彼君實之園

名獨樂高駢之樓號迎仙張建封之題名燕子韓退之之高雲見端詎日漫
無軒輊畢竟可同類共觀其尙味乎斯言

封邱縣志卷之八終

封邱縣志

卷八

二十八

開封新豫印刷所承印

癸酉渡河封邱

續

尚書孟津王鐸

紆道遲三日北征渡淼溟壤辭梁苑鹵蓬卷宋山青
思弟傳新札磨刀視古銘何堪擊楫意漁唱起前疇

封邱縣舊志跋

封邱縣志成文獻自是足徵而道因以不墜何也志有大書特書正例變例或以崇嘉獎或以昭鑒戒而善善惡惡之道存乎其中是故嘉獎崇則人心奮勵而樂於爲善鑒戒昭則人心驚惕而憚於爲惡微顯闡幽之際轉移化導之機也風俗日厚治化日隆有文以載道而獻以傳之邑治斯永道斯不墜詎非是志書法之備立制之嚴爲之維持也哉封邱之文獻自是足徵矣

嘉靖辛丑冬十二月封邱縣知縣朱 縉謹跋

邑之有志猶國之有史也史固不可無志獨可無乎嘉靖辛丑夏邑侯晴峯朱公蒞縣首慨邑志舊闕政體有乖無以垂教迺謂鄉士大夫輒集修訂以立政教之基僉議克諧遂屬同寅擇陽熊先生暨近光備修集之數迺搜修

之數迺互考訂或採諸史以摘其實或究之列傳以定其疑或博之通儒以盡其辨或折聖經以會其極然後疑者缺之而弗書信者存之而弗削及數月志成摠爲四卷綱舉其要數分三十有八目備其詳大小不遺巨細畢舉信哉其體贍其用其文詳蔚無愧良史家法也嗚呼是作也匪直可以風一時是固可以風百世已志不猶夫史乎昔紫陽朱夫子出守南康甫下車卽以郡志爲問識者至今高之以其知當務之爲急也晴峯先生始至封邱不遺他務惟以修訂邑志爲先蓋亦有意存焉誰謂政教根本不賴是以維持耶因備錄之以俟觀風者採焉

封邱縣儒學訓導興寧黎近光謹識

邑有志者記一邑事也猶國之有史不可闕焉爾晴峯朱公蓋嘗修之備矣

無可議者今立亭胡公復修之何也慨志刻既久而政績繼出其間不能無
增益者弗爲紀載事實脫落何以傳後不爲缺典耶遂命尙賓與訥并希廉
暨門士光閏繼芬輩搜羅往迹詳考時事增益其所未備雖非遷史庶幾爲
一邑之全書矣百世而下俾有所考是固立翁修志之深意也賓於是乎僭
書

萬歷三年孟夏封邱縣儒學教諭洛陽李尙賓謹跋

封邱縣舊志跋

重修封邱縣志者其意若何蓋冀文獻足徵識往事以詔將來也自萬歷乙亥立亭胡公宰是邑曾修志迄今四十年矣第歷歲既久蒞茲邑者及邑中人姓氏事蹟續出者宜繼載且時事屢更舊志又多疎錯儻弗重修奚以信今而傳後翔溟張公來宰斯邑百廢俱興且世襲史學遂以修志事自任王公少方至又通儒也共裁訂而潤色之而邑人問卿南翁邊公家藏典籍歷歷可考亦雅意修葺欲及其身親見彙所耳目睹記者入帙絕無附會假藉等弊厥子孝廉成南博綜經史旁逮齊諧虞初之所誌靡不該覽又足以繼志而述事乃協諸邑中縉紳博物廣覽者重修之增入者十之四三踰三歲而志成焉其事備其情信其義核其文炳彙次分類各有體裁自是文獻足徵可信今而傳後已愚際斯舉實有當於心者故敢出俚言以表重修之至意云

封邱縣儒學訓導陸洮州衛教授西夏齊椿齡謹跋

封邱縣志後序

以天壤間而有封以數千百年之封而有今日尙可志乎無可志乎夫作志盛事也亦樂事也使邑有各山水賢士大夫比廬聚處相與蒐討古今網羅遺軼彙成一書於以垂金石光琬琰詎非有生之快事哉顧今日之封斗大燕城湛諸河伯吏保三家村猶蟻附於芥數椽蕭蕭上雨旁風弗蔽罔載籍廣哀之藉矣邑素無佳山水而陵谷代殊一邱一壑之觀亦復委於灌莽叢棘鮮登臨選勝之區矣鄉先達士大夫舊皆城居河患後室廬蕩然流寓外邑者歲久漸成故業不克旦夕自拔歸里長吏仰止雖勤無復時集講求之神矣職是三者而封志奚以成然今日之封雖聲華名物無足登諸簡冊而災患疾苦艱難凋瘵之狀則聯編累牘未可殫悉不一志之則將來席昇

封邱縣志

卷八

三十二

開封新豫印刷所承印

平享清晏者以爲事由舊章罔所損益里巷耳食傳訛吏民師心億中舉凡政刑典禮風俗名賢之類皆湮沒不傳後進卽有稽古之志而世彌遠事彌軼其孰爲考衷得失之林乎然則志今日之封者卽以志昔日之封與後日之封也奚可闕歟然竊按前志有自邑令參訂成帙者大率因人文之聚積歲月之久引經掇史分題標類哀輯以羣英裁成以名碩而後刪補潤色了無餘憾未有處無人之巷張一目之羅繩畧刻漏以簿書吏偕二三修士遂可從事撰述者乃縉不材筮仕茲土適坎珂若左幸而村落闐然罕長者車轍子處一身無庸爲妻孥衣食計日午吏散輒焚香晏坐頗有閱書之暇而見聞荒陋素弗諳典故諸雋彥名流咸播遷遐阻無晨夕聚處之地故茲邑乘雖奉

憲檄嚴督尙踰年始克成草而疎略掛漏之譏悠謬荒唐之憾知猶未免也
蓋今日之封誠無可志而又不易志又不可不志無可志者荒殘凋落蒿目
撫心也不易志者人文渙散彙集維艱也不可不志者欽

憲德之高深續前賢之將墜表明往蹟垂示來茲於以信今而傳後也然則
謂九州之志唯豫爲不朽而八郡之志唯封爲實錄也奚不可哉

順治己亥歲孟夏月河南開封府封邱縣知縣古越余縉謹跋

封邱縣志續

藝文

封邑修城記

古華屠粹忠 知縣

封邑自壬辰波臣爭居處魚宅郊垌民鬻隣社官司寄於鄉而復隍之修日不暇給云辛丑春予受令蒞茲土於都門謁柱史余公請所宜先庶可以無過者公前令也鼓予復城予唯唯而心竊疑之封邑與他邑異既淹之封邑與未淹之封邑異榛莽未芟而室盡罄懸狐兔竄處而署鞠茂草則何恃而易言城既思踐厥土不謀捍厥民何賴令車驅之弭節入城師筆鏹故智披荆棘而居民不給爲授若匱資若材而邑之人亦竊竊然疑之且危之城中落落數戶如殘星晨月適旋師過邑民爭襁負而入始有百室寧止予議曰

是不可以不城而邑之人又竊竊然疑之且難之謀之鄉先生諸衿庶僉曰如費何予曰否否捍禦之謂何顧安所謝愆然不可以費公費公公弗許也亦不可以病民病民弗應也無已則偕丞若尉相度舊圯見礮礮敗甃猶露淺土中予曰是可以城爰與父老約鳩得六百人奇於土濬甃於石煨灰量人授工計日課績遠近競勉焉從事踰月而告竣於是曩之疑者茲且樂成曩之危者茲且傾心曩之難者茲且將伯以助有成邑之人始忻忻然喜相告曰是役也若神鬼輸運者請貞諸石俾後之人知侯之心瘁力艱且告成且夕若是予曰否否夫葺爾邑而役吾民澤門之謠可畏也抑歲已寒而役不休長康之歌可畏也乃勤勤不加督而觀厥成子來之誼是在爾等予何力之有則是役也非以稽功聊以謝過云爾事始於辛丑十月既望竣於

長至之日

重建文昌閣記

邑興而祀學學與邑同盛衰者也學興而祀文帝文帝與吾夫子相主輔者也顧邑有盛衰而夫子之道斷無或廢卽學有盛衰而文帝之祀亦斷無或廢封邑自壬辰蕩析以後亦幾幾衰極而欲廢之時矣子衿抱經而遊于隣瞻拜聖顏茂草茸茸自余公縉始構厥宇以妥聖位今則漸次獲有輪奐乃諸生曰未也夫子在上而羣知學文帝在前而羣知勸有以學之烏無勸諸余曰是奚啻諸生意也今夫士過夫子之門未有不張拱以趨者也而訓言周旋之弗率是棄儒也故童而習之壯而論焉老而以之爲憲無不依於孝弟以爲之的吾誠本天情以爲經遵人綱以爲緯卽可以履后土對皇天夫子許之文帝其吐之哉士亦求足爲所歆者而已今者文帝之訓彰彰具在上可以證聖域下亦不忝爲士大夫大意不出感應篇一書是余與諸生亦嘗誦習之已奉其書思親其人者情也正今余與諸生崇煥帝閣意也於是余倡之諸生某某輸材若干邑博鄆先生諱元龍捐錢若干從而和之量材度工址則因舊壘高三仞爲楹五中奉帝像丹雘翬翼巋然聖廟之左諸生其朔望仰瞻而益勸也哉抑猶視昔之頽垣敗址已也夫士不知勸是亦文帝之棄儒也有以勸之其不爲奎壁照臨者幾希行見簪纓纍纍名蜚大河以北者知不僅今日已也是亦封邑盛衰之轉機也

重建夏侯封父亭記

封何以有亭亭何以名封父誌始也曷始乎始於封父也封父何始始於夏

大禹時所建侯也亦分茅錫土之君也而不諱厥名者質也夏以前誰侯茲土不傳也唐虞之封建未廣也夏以後誰侯茲土亦不傳也古則萬國玉帛煌煌商周之際已八百也日月兼不詳其入於何氏也不傳而何以獨傳封父也春秋之時地控鄭衛韓宋間無耑侯也秦則隸三川郡無耑侯故勿傳也逮漢高念翟母恩置爲縣始曰封邱夫亦不忘封父而名之與或曰漢高以封翟母墓故曰封邱云至宣帝以王遷決疑定策共有建立功始爲平邱侯而不傳平邱侯者非古也非古則勿傳也當禹之時河功底績天下乂安而侯處茲土不聞煩疏淪決排之勞非若後世遷徙拮据也雖其時地與河尙遠意亦於朝會天子時必有金簡玉書之秘得諸大禹之所傳故能使河流奠定以寧處茲土亦未可知此後之人不忘封父意乎而因復爲亭以俎豆之也亭始於封父勤勸課適遊觀也其間或遷或廢時而陽侯出沒時而烟草狼屯至於今猶指曰此封父亭舊基也余承乏茲土舉舊起廢稍有成緒而亭之弗復其何以傳故亭之也亭初遷於縣之東今復移於西城而近先爲楹五以妥侯也前有亭以娛侯也環亭者花柳環花柳者水也總以成茲亭以妥之娛之也至於封之人舍耒執鞭而來也扶老攜幼而至也猶得指曰此封父遺亭也恍以爲侯之所在也故亭之勿傳而侯亦勿傳矣余懼其勿傳而忘封始建之侯故復亭之亭之惡無記是爲記

新建大王廟記

天地之大無若水治水之大無若神禹禹受命司空其難百於後世然攷鎮支巫祁帝命賚圭豈非以禹欲疏則水聽疏欲淪則水聽淪欲決排則水聽

決排水若唯禹所使而不敢爲虐故神之也是禹以神治水也後世無聖人之德而欲鮮所憑藉挾知恃力以與水衡則亦妄而已中州最患水而封邑尤頻今幸得保此葺爾士女桑麻漸有起色者果治之之力哉亦神治之也於赫哉

金龍大王之神爲烈於天下也久矣忠幸是邑八載隄防之患無寐忘之今戊申之夏水流衝北官民震恐忠曰此非人之事而神之事也爰臨流叩首禱曰是殆將重困吾民也令失德罰在令水何爲顧民或無良罰亦宜令受之水何爲治民者令治水者神敢不肅將俎豆以圖厥永乃越宿簿報曰水減尺矣再越日輒又曰減尺若咫矣又曰水歸中矣夫竭忠一人之思何解民困卽竭民百萬之財力亦何釋水怒乃於叩首虔禱間受命如響豈真人

治之力哉神固有以治之也遂於堤爲廟焉於鄉爲廟焉忠曰未也令與廟遠神弗協安所告虔復爲廟於縣治西偏相土鳩工左顧而東祀關夫子後擁而峙祀封父侯而神龕之左則奉命治水少保朱公位也肇基於夏五越月而僦功時相與董正之則朱君之華爲承維揚徐君玉衡爲簿陳君際泰爲尉與承皆於越人乃今而後神庶幾永綏吉祉奠我萬姓罔斃哉於是知上古聖人身自爲神故水聽之後世身不能爲聖而聽命於神故水亦順之卽少保公在事幾十稔亦無不於神昭格故水安其位民定厥居種種寬仁雅飭遠邇咸手加額曰公眞神人云使唐虞之司空而在有不措而進之哉忠固知神之許公共妥乃位也爰與同官偕縉紳先生諸衿庶拜手稽首頌曰湯湯河水明明我神籲之必感祈罔不申我封孔釐賴我神私正直是與

神之聽之厥德馨香厥表孔揚以死勤事俎豆通皇顧瞻廟貌樂只無疆神具醉止萬世悅康頌竟遂濡筆記之垂諸永永

重建關帝廟記

古來崇祀之廣無若后稷與吾夫子而近代則有關帝君顧社與學之祀載諸令甲所在有司有專祀專則不可以或分故后稷與吾夫子獨尊而帝君之祀未嘗以令甲限也或分或合或興或廢無間近遠貴賤皆得摻牲束帛以告之則疑於民親吾封邑之祀帝君也庶民顯蹟列諸舊誌其於民也殆親之也迄於今不知閱幾廢興而莫甚於壬辰之河決城垣官舍蕩析靡遺帝廟故址在黃沙白葦中忠蒞茲土朔望瞻拜見殘燼敗几寥寥炷香贊呼成禮而退忠踽踽久之曰是欲親之而反疎之也事誠在令俟興復諸事稍

稍修舉始謀於邊生某曰是民意也忠曰民意卽神意也亟命度材量工築故址爲殿楹者五深廣尺咫維稱時丞錢君交叟曰是烏無庭庭在丞庭而外有臺臺之址與殿埒鄉進士李君承統曰是又烏伯神樓樓在統樓之外又數武爲廟門門列侍衛則今鄉大夫萬公化成之而督工落成則陳尉際泰實朝夕以焉事始於乙巳之臘竣於丁未之冬余因是有感於帝君之與民親而感之易故成之易也夫他邑之於帝廟增葺而已棟宇無恙也丹雘而已冕服如故也乃封邑何如第不知今日之廟視昔時有加否要以親帝靈而酌神貺庶幾在是故曰帝如鐘鏞遠邇攸同又曰帝如日星與天爲經是當有不擇地不擇人不擇興廢而赫聲濯靈如一日者則是廟也爲封令之專祀可爲邑士民之公祀可其於后稷於吾夫子亦輔車之輻而支河之

於海也謹爲記

心水亭記

滁之醉翁岐之喜雨皆古之亭而以記傳者也非傳以亭也其亭之人足傳也亦非傳以人也其人與亭之文足傳而亭亦藉文以不朽也然則非其人非其文而烏乎傳雖然古今人不同而適情則同文之工拙不同而記事則同亭亦何可無記亭始於城工告竣署舍粗理之後側有隙地舊園址也爲剪荆誅茅構亭其中環之以池顏曰心水不數武而恍恍雲壑備焉復植柳藝菊紆迴曲徑青紫映澈登斯亭者鄙吝爲消殆啟予飲冰茹蘗之思余綜理之餘方踞床揮絲歌烏烏而鳥聲若和客有嘲者曰荆榛初闢桑麻下詢者公也耽情遊觀者私也先憂後樂曷審諸余曰否余承乏茲邑民安余拙

余亦樂民愿而又歲比稔案少文牘余心安焉庶幾可以退省者此亭也然洛中名園若叢玉披風漪嵐夾竹則富鄭公安定社稷後也而此無其勝澆花種竹釣魚采藥則昔之迂叟結竹杪落蔓草爲之而此不敢擬實不足以園李文叔云洛陽之盛衰候於園圃之興廢而得余謂今平邱之盛衰亦候於官署之興廢而得當波臣爭處此土也城郭且爲敗垣何有於官署今幸與民拮据勞來克安集茲簿書無紊催科不擾余無過於平邱亭亦何負於平邱哉客曰若然則宜名曰歸鴻如宋寥顒之守化州取民歸安集之意不亦可乎余曰否民已安矣已集矣所慮不在民而在蒞是民所當退省者在余而余之退省又將在亭登是亭也猶然飲冰茹蘗之思也夫則余名斯亭之意也夫

詩歌

封父遺亭

何處荒榛問舊楹一亭重闢子來成
蘋蘩烟冷人千古歌頌春深鳥數聲
作賦每懷定賦日構茅猶是裂茅情
應知化鶴頻歸後柳綠花新分外明

黃池芳草

拂拂槍旗舞翠茸廢興一望柳陰濃
駿蹄飲罷歌黃竹牛耳爭先笑墨容
憶舊王孫霜冽後尋芳牧豎鴈歸重
半塘碧水連沙瘠試問雄風得再逢

青陵古樹

嶽嶽孤標土未刪芳姿流恨在沙灣
妾心原種鴛鴦樹君力徒開雲雨山
苦月遙憐懸白璧清霜長駐伴紅顏
莫須彷彿尋連理魂並湘波已不還

封邱縣志

卷九

七

開封新豫印刷所承印

翟母遺墓

巾幗能青識帝眸一餐無意及銘丘
沐猴尙爾沉丹釜逐鹿誰分風馬牛
天雨墓田留麥飯人探沙井壯鴻溝
月臨魂傍蘆花起愧殺當年羨頡頏

翟溝晴波

碧涵風日漾晴波况有微雲覆綠莎
危堞平臨鷗鷺狎支流西接桔槔多
泛槎疑動天邊石垂釣猶憐水上梭
賢母聲名留勝迹至今何處濯纓歌

中灤夜雨

聖旅虎賁靜不驚天中嶽瀆共斯盟
已開日月銷兵氣故假風雷洒道行
澤沛宵征沾細柳星環北拱壯前旌
中灤古雉隨沙草野老猶傳大業成

淳于曉鐘

斷岡桑柘影重重良夜何其似扣鐘冷雨侵林時唳鶴疎烟引漏只呼松野
僧一枕寒山夢比屋千年鳧氏封疑信端須探往事半犁作息六時農

磨潭秋月

高邱獨峙水之坻練色潭開午夜時抱葉枯蟬寒照咽驚綸小鮒澄波知交
加林樹疑華藻掩映兼葭澹碧滋共說磨臍夕氣爽空懸明月到荒籬

人物

常偉順治丙戌科舉人幼聰敏服詩書性孝友及將舉賢書後竭力致二親
歡便身之物無不畢給讓伯仲以田產復爲幼弟致業使成立又收恤族戚
恩濟鄉里周窮發志未畢而歿先是嘗書牒數紙日早起焚牒願減己壽爲
二親保安不二年而身卒卒年三十九後十餘年而二親康健亡恙諸子亦

成立史館庶常祥符袁澹如異之爲書其事致邑大夫入之志云

